



清刻龍藏佛說法變相圖

大方廣佛華嚴經疏鈔會本第七十四 願九

唐于闐國三藏沙門實又難陀 譯

唐清涼山大華嚴寺沙門澄觀撰述

爾時善財童子於大願精進力救護一切衆

生夜神所得菩薩解脫已憶念修習了達增

願九

長漸次遊行至嵐毗尼林周徧尋覓彼妙德

神

第九嵐毗尼林神寄善慧地 寄善慧地者謂成就微妙

四無礙辯能通十方善說法故

見在一切寶樹莊嚴樓閣中坐寶蓮華師子

之座二十億那由他諸天恭敬圍繞為說菩

薩受生海經令其皆得生如來家增長菩薩

大功德海善財見已頂禮其足合掌前立白

言大聖我已先發阿耨多羅三藐三菩提心

而未能知菩薩云何修菩薩行生如來家為

世大明

初二可知

彼神答言善男子菩薩有十種受生藏若菩薩成就此法則生如來家念念增長菩薩善根不疲不懈不厭不退無斷無失離諸迷惑不生怯劣惱悔之心趣一切智入法界門發廣大心增長諸度成就諸佛無上菩提捨世間趣入如來地獲勝神通諸佛之法常現在前順一切智真實義境

第三彼神答下授已法界於中四一顯法

義二立法名三明業用四辨根本初中二先長行後偈頌前中四一標數歎勝二徵數列名三依名釋義四結歎勝益初中生如來家即正酬其問何等爲十一者願常供養一切諸佛受生藏

二者發菩提心受生藏三者觀諸法門勤修行受生藏四者以深淨心普照三世受生藏五者平等光明受生藏六者生如來家受生藏七者佛力光明受生藏八者觀普智門受生藏九者普現莊嚴受生藏十者入如來地受生藏

頌九

二

第二何等爲十下徵數列名此通於六位一當十信二即十住三通行向四是初地五從二至七以是功用邊故六七皆八地然六即自分七即勝進得勸之後八即九地九當十地十即等覺入如來地然依行布豎配定然若約圓融初後通用故云成就此法則生如來家若定須具十方得生家何以文中第二第六皆有生家第十復言於三世佛所已受灌頂故知須豎約證

分異若定豎者則違具十則生之言是知
須橫約圓融修觀此之十法通於六位下
疏文有五約位豎配
亦名行布釋然依行布下二結前生後生
後圓融若約圓融下三通諸位釋亦名圓
融釋若定具十下四結成上豎若定豎下
五結成須橫實則橫豎無礙是此中意故
存二釋文
義昭然

善男子云何名願常供養一切佛受生藏善
男子菩薩初發心時作如是願我當尊重恭
敬供養一切諸佛見佛無厭於諸佛所常生
愛樂常起深信修諸功德恒無休息是為菩
薩為一切智始集善根受生藏

願六

三

第三善男子云何名下依名釋義一中即
信發心故賢首品云常欲利樂諸羣生莊
嚴國土供養佛故故文云始集善根

云何名發菩提心受生藏善男子此菩薩發
阿耨多羅三藐三菩提心所謂起大悲心救

護一切眾生故起供養佛心究竟承事故起
普求正法心一切無悋故起廣大趣向心求
一切智故起慈無量心普攝眾生故起不捨
一切眾生心被求一切智堅誓甲故起無諂
誑心得如實智故起如說行心修菩薩道故

起不誑諸佛心守護一切佛大誓願故起一
切智願心盡未來化眾生不休息故菩薩以
如是等佛刹微塵數菩提心功德故得生如
來家是為菩薩第二受生藏

二中初住發心文具三心生如來家亦初

住生家亦初住生家者恐人誤為初地生
家然其生家畧有六位一初住生

善提心家二第四住生聖教家三初地生
真如家四四地約寄位生出世家五八地
生無生法忍家六如來地究竟生
家今是初住第一是生善提心家

云何名觀諸法門勤修行受生藏善男子此
菩薩摩訶薩起觀一切法門海心起迴向一

切智圓滿道心起正念無過失業心起一切
 菩薩三昧海清淨心起修成一切菩薩功德
 心起莊嚴一切菩薩道心起求一切智大精
 進行修諸功德如劫火熾然無休息心起修
 普賢行教化一切衆生心起善學一切威儀
 修菩薩功德捨離一切所有住無所有真實
 心是為菩薩第三受生藏

三中十句一觀法門海標十行二向一切
 智標迴向以行願相資故合為一餘八通
 行向

云何名以深淨心普照三世受生藏善男子
 此菩薩具清淨增上心得如來菩提光入菩
 薩方便海其心堅固猶若金剛背捨一切諸
 有趣生成就一切佛自在力修殊勝行具菩
 薩根其心明潔願力不動常為諸佛之所護

念破壞一切諸障礙山普為衆生作所依處
 是為菩薩第四受生藏

四中契理斷障名深淨心即淨心地已證
 理故堅如金剛已得離生道故捨諸有趣
 已破二障礙山故為物依處四藏即淨心地等者疏隨

難釋今更委釋言得如來菩提光者明心
 菩提故入菩薩方便海者證真了俗故捨
 諸有趣亦由已漸斷異生性故成就自在
 者分身百剎故修菩薩殊勝行者淨治地
 法十行常修故具菩薩根者由證信故餘
 皆成根又大悲為首故悲為根已斷所知
 故心明潔十願成熱故願不動同佛證如
 故得佛護分別願盡名壞諸障兵上諸德
 為佛依處

云何名平等光明受生藏善男子此菩薩具
 足衆行普化衆生一切所有悉皆能捨住佛
 究竟淨戒境界具足忍法成就諸佛法忍光
 明以大精進趣一切智到於彼岸修習諸禪
 得普門定淨智圓滿以智慧日明照諸法得

無礙眼見諸佛海悟入一切真實法性一切
世間見者歡喜善能修習如實法門是為菩
薩第五受生藏

五中證如起行為平等光明戒忍進等為
次五地得無礙下即是七地七地得無生

忍光明故入一切真實法

五藏戒忍進等
者等取禪慧文

各一增故末後二句上句三業善巧見者
必欣下句功用行滿又以無功得諸行故

云何名生如來家受生藏善男子此菩薩生

如來家隨諸佛住成就一切甚深法門具三

世佛清淨大願得一切佛同一善根與諸如

來共一體性具出世行白淨善法安住廣大

功德法門入諸三昧見佛神力隨所應化淨

諸眾生如問而對辯才無盡是為菩薩第六

受生藏

六中以得無生忍契同法性為生佛家願

度增上善根一體感等不動為白淨法

六生

如來下初至為生佛家此有兩句一正釋
標二即解釋初之二句得無生忍是釋生

家契同法性即釋隨諸佛住佛住甚深真
法性故上即淨忍分成就一切甚深法門

下皆得勝行分此句為總故疏不釋已下
皆甚深法門故其願度增上釋具三世已

下經文善根一體釋得一切佛下經大謂
同無功用之善根故同起無生法忍體故

從惑等下釋具出世白淨法上皆前經不
可知義從安住已下即是前經正行廣大

入諸三昧下即離障寂滅後三
句即三輪化益並易故不釋

云何名佛力光明受生藏善男子此菩薩深

入佛力遊諸佛刹心無退轉供養承事菩薩

眾會無有疲厭了一切法皆如幻起知諸世

間如夢所見一切色相猶如光影神通所作

皆如變化一切受生悉皆如影諸佛說法皆

如谷響開示法界咸令究竟是為菩薩第七

受生藏

七中因佛勸起能頓修行名佛力光明無

功用修故無疲厭等

七佛力下經疏俱易若欲釋者由佛七勸

名入佛力此為總句遊刹下別二句起行速疾從了一切下淨土分中事於三世間得自在故初二器界自在次二正覺後三衆生說法度生故

云何名觀普智門受生藏善男子此菩薩住

童真位觀一切智一一智門盡無量劫開演

一切菩薩所行於諸菩薩甚深三昧心得自

在念念生於十方世界諸如來所於有差別

境入無差別定於無差別法現有差別智於

無量境知無境界於少境界入無量境通達

法性廣大無際知諸世間悉假施設一切皆

是識心所起是為菩薩第八受生藏

六八中從第八地入第九地故云住童真位

觀一切智智門即法師之德故於三性等

皆如實知即事知理之如實故於有差別

境入無差別定即理窮事之如實故於無

差別法現有差別智餘可準思

八觀智門言即法

師之德者亦法師方便成就言於三性等者三性即是化法為智成就等字等取入行成就智十一稠林經一一門下即口業成就具四十無礙故能長演餘皆法師自在成就一三昧自在隨心演說故二受生自在三於有差下於法自在事理交徹故即事知理者釋此初對了即事入理即理事亦前句事能顯理後句依理成事又

前不壞假名而說實相後不動真際建立諸法又前動不離寂後則靜無遺照於無量下有無自在於少境下廣狹自在通達下真俗齊照以文顯故云可思準

云何名普現莊嚴受生藏善男子此菩薩能

種種莊嚴無量佛刹普能化現一切衆生及

諸佛身得無所畏演清淨法周流法界無所

障礙隨其心樂普使知見示現種種成菩提

行令生無礙一切智道如是所作不失其時

而常在三昧毗盧遮那智慧之藏是為菩薩

第九受生藏

九中以佛莊嚴而莊嚴故名普莊嚴已得

離垢等諸三昧故雖復常用而常在三昧

九番現莊嚴先釋名後已得下總釋大意若別說者初句嚴依餘皆嚴正正中並秘密智初三句身秘密演清淨下口秘密隨其心下皆意秘密

云何名入如來地受生藏善男子此菩薩悉於三世諸如來所受灌頂法普知一切境界

次第所謂知一切衆生前際後際歿生次第

一切菩薩修行次第一切衆生心念次第三

世如來成佛次第善巧方便說法次第亦知

一切初中後際所有諸劫若成若壞名號次

第隨諸衆生所應化度爲現成道功德莊嚴

神通說法方便調伏是爲菩薩第十受生藏

十中約其自分爲此菩薩約其勝進名入

佛地已受職位云受灌頂智齊佛境云知

一切如十定品辨十入如來地下文顯然皆與本位義理相符不

爲此釋實抑經文

佛子若菩薩摩訶薩於此十法修習增長圓

滿成就則能於一莊嚴中現種種莊嚴如是

莊嚴一切國土開導示悟一切衆生盡未來

劫無有休息演說一切諸佛法海種種境界

種種成熟展轉傳來無量諸法現不思議佛

自在力充滿一切虛空法界於諸衆生心行

海中而轉法輪於一切世界示現成佛恒無

間斷以不可說清淨言音說一切法住無量

處通達無礙以一切法莊嚴道場隨諸衆生

欲解差別而現成佛開示無量甚深法藏教

化成就一切世間

第四佛子若菩薩下結歎勝益可知

爾時嵐毗尼林神欲重明其義以佛神力普

觀十方而說頌言

最上離垢清淨心見一切佛無厭足願盡未

來常供養此明慧者受生藏

一切三世國土中所有衆生及諸佛悉願度

脫恒瞻奉此難思者受生藏

聞法無厭樂觀察普於三世無所礙身心清

淨如虛空此名稱者受生藏

其心恒住大悲海堅如金剛及寶山了達一

切種智門此最勝者受生藏

大慈普覆於一切妙行常增諸度海以法光

明照羣品此雄猛者受生藏

了達法性心無礙生於三世諸佛家普入十

方法界海此明智者受生藏

法身清淨心無礙普詣十方諸國土一切佛

力靡不成此不思議受生藏

入深智慧已自在於諸三昧亦究竟觀一切

智如寶門此真身者受生藏

淨治一切諸佛土勤修普化衆生法顯現如

來自在力此大名者受生藏

久已修行薩婆若疾能趣入如來位了知法

界皆無礙此諸佛子受生藏

二重頌中十偈如次頌前十法

善男子菩薩具此十法生如來家爲一切世

間清淨光明善男子我從無量劫來得是自

在受生解脫門

第二善男子菩薩具此下立法名中先牒

前所明後我從無量下指前立目機感便

現無所擁礙名自在受生通能所見

善財白言聖者此解脫門境界云何答言善

男子我先發願願一切菩薩示受生時皆得

親近願入毗盧遮那如來無量受生海以昔

願力生此世界閻浮提中嵐毗尼園專念善

薩何時下生

第三善財白言下明法門業用於中先問後答答中知見此境即是業用於中二先明依願受生

經於百年世尊果從兜率陀天而來生此時此林中現十種杻何等爲十一者此園中地忽自平坦坑坎埕阜悉皆不現二者金剛爲地衆寶莊嚴無有瓦礫荆棘株杻三者寶多羅樹周布行列其根深植至於水際四者生衆香芽現衆香藏寶香爲樹扶疎蔭映其諸香氣皆踰天香五者諸妙華鬘寶莊嚴具行列分布處處充滿六者園中所有一切諸樹皆自然開摩尼寶華七者諸池沼中皆自生華從地涌出周布水上八者時此林中娑婆世界欲色所住天龍夜叉乾闥婆阿修羅迦

變九

十

樓羅緊那羅摩睺羅伽一切諸王莫不來集

合掌而住九者此世界中所有天女乃至摩睺羅伽女皆生歡喜各各捧持諸供養具向畢洛叉樹前恭敬而立十者十方一切諸佛齋中皆放光明名菩薩受生自在燈普照此林一一光中悉現諸佛受生誕生所有神變及一切菩薩受生功德又出諸佛種種言音是爲林中十種瑞相此相現時諸天王等即知當有菩薩下生我見此瑞歡喜無量

後經於百年下如昔願覩於中四初覩降

神瑞相

善男子摩耶夫人出迦毗羅城入此林時復現十種光明瑞相令諸衆生得法光明何等爲十所謂一切寶華藏光寶香藏光寶蓮華開演出真實妙音聲光十方菩薩初發心光

變九

十二

一切菩薩得入諸地現神變光一切菩薩修
波羅密圓滿智光一切菩薩大願智光一切
菩薩教化衆生方便智光一切菩薩證於法
界真實智光一切菩薩得佛自在受生出家
成正覺光此十光明普照無量諸衆生心

二善男子摩耶下見出城現光

善男子摩耶夫人於畢洛叉樹下坐時復現
菩薩將欲誕生十種神變何等爲十

三摩耶夫人於畢洛叉下觀將生神變於
中二先標徵畢洛叉者此云高顯

善男子菩薩將欲誕生之時欲界諸天天子
天女及以色界一切諸天諸龍夜叉乾闥婆
阿修羅迦樓羅緊那羅摩睺羅伽并其眷屬
爲供養故悉皆雲集摩耶夫人威德殊勝身
諸毛孔咸放光明普照三千大千世界無所

障礙一切光明悉皆不現除滅一切衆生煩
惱及惡道苦是爲菩薩將欲誕生第一神變
又善男子當爾之時摩耶夫人腹中悉現三
千世界一切形像其百億閻浮提內各有都
邑各有園林名號不同皆有摩耶夫人於中

止住天衆圍繞悉爲顯現菩薩將生不可思
議神變之相是爲菩薩將欲誕生第二神變
又善男子摩耶夫人一切毛孔皆現如來往
昔修行菩薩道時恭敬供養一切諸佛及聞
諸佛說法音聲譬如明鏡及以水中能現虛
空日月星宿雲雷等像摩耶夫人身諸毛孔
亦復如是能現如來往昔因緣是爲菩薩將
欲誕生第三神變又善男子摩耶夫人身諸
毛孔一一皆現如來往修菩薩行時所住世
界城邑聚落山林河海衆生劫數值佛出世

入淨國土覺隨所受生壽命長短十三依善知識修
行善法於一切刹在在處處摩耶夫人常為
其母如是一切於毛孔中靡不皆現是為菩
薩將欲誕生第四神變又善男子摩耶夫人
一一毛孔顯現如來往昔修行菩薩行時隨
所生處色相形貌衣服飲食苦樂等事一一
普現分明辨了是為菩薩將欲誕生第五神
變又善男子摩耶夫人身諸毛孔一一皆現
世尊往昔修施行時捨所難捨頭目耳鼻脣
舌牙齒身體手足血肉筋骨男女妻妾城邑
宮殿衣服瓔珞金銀寶貨如是一切內外諸
物亦見受者形貌音聲及其處所是為菩薩
將欲誕生第六神變又善男子摩耶夫人入
此園時其林普現過去所有一切諸佛入母
胎時國土園林衣服華鬘塗香末香幡繒幢

蓋一切眾寶莊嚴之事妓樂歌詠上妙音聲
令諸眾生普得見聞是為菩薩將誕生時第
七神變又善男子摩耶夫人入此園時從其
身出菩薩所住摩尼寶王宮殿樓閣超過一
切天龍夜叉乾闥婆阿修羅迦樓羅緊那羅
摩睺羅伽及諸人王之所住者寶網覆上妙
香普熏眾寶莊嚴內外清淨各各差別不相
雜亂周而徧滿嵐毗尼園是為菩薩將誕生
時第八神變又善男子摩耶夫人入此園時
從其身出十不可說百千億那由他佛刹微
塵數菩薩其諸菩薩身形容貌相好光明進
止威儀神通眷屬皆與毗盧遮那菩薩等無
有異悉共同讚歎如來是為菩薩將誕生
時第九神變又善男子摩耶夫人將欲誕生
菩薩之時忽於其前從金剛際出大蓮華名

爲一切寶莊嚴藏金剛爲莖衆寶爲鬚如意寶王以爲其臺有十佛刹微塵數葉一切皆以摩尼所成寶網寶蓋以覆其上一切天王所共執持一切龍王降注香雨一切夜叉王恭敬圍繞散諸天華一切乾闥婆王出微妙音歌讚菩薩往昔供養諸佛功德一切阿修羅王捨憍慢心稽首敬禮一切迦樓羅王垂寶繒幡徧滿虛空一切緊那羅王歡喜瞻仰歌詠讚歎菩薩功德一切摩睺羅伽王皆生歡喜歌詠讚歎普雨一切寶莊嚴雲是爲菩薩將誕生時第十神變

後別顯十變一集衆息苦二卷舒無礙三毛現佛因四現佛本事五現行所依身六偏現捨行七現古佛受生園林八現今佛所處宮殿九出菩薩同類十地現蓮華將

承至聖

善男子嵐毗尼園示現如是十種相已然後菩薩其身誕生如虛空中現淨日輪如高山頂出於慶雲如密雲中而耀電光如夜闇中而然大炬爾時菩薩從母脇生身相光明亦復如是善男子菩薩爾時雖現初生悉已了達一切諸法如夢如幻如影如像無來無去不生不滅善男子當我見佛於此四天下閻浮提內嵐毗尼園示現初生種種神變時亦見如來於三千大千世界百億四天下閻浮提內嵐毗尼園中示現初生種種神變亦見三千大千世界一一塵中無量佛刹亦見百佛世界千佛世界乃至十方一切世界一一塵中無量佛刹如是一切諸佛刹中皆有如來示現受生種種神變如是念念常無間斷

四善男子嵐毗尼下正觀誕生於中三初
觀外相有四種相釋通事理約事謂一退
耀挺特故二高顯邕容故三威光赫奕故
四分明可觀故約理則一依性空無住現
故二依涅槃山無心出故三大慈雲中現
無住之化身故四為破衆生生死無明之
大闇故二菩薩爾時下了其內德三當我
見佛下結其周徧則橫豎無窮
時善財童子白彼神言大天得此解脫其已
父如答言善男子乃往古世過億佛刹微塵
數劫復過是數時有世界名為普寶劫名悅
樂八十那由他佛於中出現其第一佛名自
在功德幢十號具足彼世界中有四天下名
妙光莊嚴其四天下閻浮提中有一王都名
須彌莊嚴幢其中有王名寶燄眼其王夫人

名曰喜光善男子如此世界摩耶夫人為毗
盧遮那如來之母彼世界中喜光夫人為初
佛母亦復如是善男子其喜光夫人將欲誕
生菩薩之時與二十億那由他采女詣金華
園園中有樓名妙寶峯其邊有樹名一切施
喜光夫人攀彼樹枝而生菩薩諸天王衆各
持香水共以洗沐時有乳母名為淨光侍立
其側既洗沐已諸天王衆授與乳母乳母敬
受生大歡喜即得菩薩普眼三昧得此三昧
已普見十方無量諸佛復得菩薩於一切處
示現受生自在解脫如初受胎識速疾無礙
得此解脫故見一切佛乘本願力受生自在
亦復如是善男子於汝意云何彼乳母者豈
異人乎我身是也我從是來念念常見毗盧
遮那佛示現菩薩受生海調伏衆生自在神

力如見毗盧遮那佛乘本願力念念於此三千大千乃至十方一切世界微塵之內皆現菩薩受生神變見一切佛悉亦如是我皆恭敬承事供養聽所說法如說修行

第四時善財童子白彼神下顯法根深先問後答答中先長行中六一古世佛興二其四天下顯昔父母三其喜光下攀樹誕生四時有下觀佛得法五善男子下結會古今不結父母者意明即淨飯摩耶佛即今佛故六我從是下顯用周徧

第九

十六

時嵐毗尼林神欲重宣此解脫義承佛神力普觀十方而說頌言

佛子汝所問諸佛甚深境界汝今應聽受我說其因緣過億刹塵劫有劫名悅樂八十那由他如來出興世最初如來號自在功德幢我

在金華園見彼初生日我時為乳母智慧極聰利諸天授與我菩薩金色身我時疾捧持諦觀不見頂身相皆圓滿一一無邊際離垢清淨身相好以莊嚴譬如妙寶像見已自欣慶思惟彼功德疾增眾福海見此神通事發大菩提心專求佛功德增廣諸大願嚴淨一切刹滅除三惡道普於十方土供養無數佛修行本誓願救脫眾苦我於彼佛所聞法得解脫億刹微塵數無量劫修行劫中所有佛我昔曾供養護持其正法淨此解脫海億刹微塵數過去十力尊盡持其法輪增明此解脫我於一念頃見此刹塵中一一有如來所淨諸刹海刹內悉有佛園中示誕生各現不思議廣大神通力或見不思議億刹諸菩薩住於天宮上將證佛菩提無量刹海中諸

頌九

七

佛現受生說法衆圍繞於此我皆見一念見
億刹微塵數菩薩出家趣道場示現佛境界
我見刹塵內無量佛成道各現諸方便度脫
苦衆生一一微塵中諸佛轉法輪悉以無盡
音普雨甘露法億刹微塵數一一刹塵內悉
見於如來示現般涅槃如是無量刹如來示
誕生而我悉分身現前興供養不思議刹海
無量趣差別我悉現其前兩於大法雨佛子
我知此難思解脫門無量億劫中稱揚不可
盡

後偈頌中二十三頌分四初一誠聽許說
次九最初修證次十二偈歷事增修末偈
結歎無盡

善男子我唯知此菩薩於無量劫徧一切處
示現受生自在解脫如諸菩薩摩訶薩能以

一念爲諸劫藏觀一切法以善方便而現受
生周徧供養一切諸佛究竟通達一切佛法
於一切趣皆現受生一切佛前坐蓮華座知
諸衆生應可度時爲現受生方便調伏於一
刹刹現諸神變猶如影像悉現其前我當云
何能知能說彼功德行

善男子此迦毗羅城有釋種女名曰瞿波汝
詣彼問菩薩云何於生死中教化衆生

第五示後友中言瞿波者此云守護大地
在家爲父母守護太子儲備守護國地既
爲其妃依主得名表十地既圓故無地不
護然太子有三夫人一名瞿波次名耶輸
陀羅三名摩奴舍今因位之極故取其第
一法喜已滿故寄之昔妃此位親能得佛
故在生佛之城矣

時善財童子頂禮其足繞無數而慙懃瞻仰
辭退而去

大方廣佛華嚴經疏鈔會本第七十四

音釋

株

五忽切樹無枝也

踰羊朱切越也

嶺

五忽切樹無枝也

挺他冉切正直也

邕於容切和也

赫丁赫切奕丁赫切

赫奕明盛也

大方廣佛華嚴經疏鈔會本第七十五 頗十

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子向迦毗羅城思惟修習受生
解脫增長廣大憶念不捨

第十釋女瞿波寄法雲地 寄法雲地者謂
大法智雲舍衆

德木蔽如空巖
重充滿法身故 第一依教趣求中二初依

前修證

漸次遊行至菩薩集會普現法界光明講堂
後漸次下趣求後友於中四一趣求諸處

二其中有神下伴友迎讚三善財童子言

下善財印述四爾時善財下神敬增深

其中有神號無憂德與一萬主宮殿神俱來
迎善財作如是言善來丈夫有大智慧有大
勇猛能修菩薩不可思議自在解脫心恒不

捨廣大誓願善能觀察諸法境界安住法城

入於無量諸方便門成就如來功德大海得

妙辯才善調衆生獲聖智身恒順修行知諸

衆生心行差別令其歡喜趣向佛道我觀仁

者修諸妙行心無暫懈威儀所行悉皆清淨

汝當不久得諸如來清淨莊嚴無上三業以

諸相好莊嚴其身以十力智瑩飾其心遊諸

世間我觀仁者勇猛精進而無有比不久當

得普見三世一切諸佛聽受其法不久當得

一切菩薩禪定解脫諸三昧樂不久當入諸

佛如來甚深解脫何以故見善知識親近供

養聽受其教憶念修行不懈不退無憂無悔

無有障礙魔及魔民不能為難不久當成無

上果故

二中四一讚行究竟二我觀仁者修諸下

讚精進得果三我觀仁者勇猛下讚精進
得法四何以下以理釋成

善財童子言聖者如向所說願我皆得

三善財印述中二初印受所說

聖者我願一切衆生息諸熱惱離諸惡業生
諸安樂修諸淨行聖者一切衆生起諸煩惱
造諸惡業墮諸惡趣若身若心恒受楚毒苦
薩見已心生憂惱聖者譬如有人唯有一子
愛念情至忽見被人割截支體其心痛切不
能自安菩薩摩訶薩亦復如是見諸衆生以
煩惱業墮三惡趣受種種苦心大憂惱若見
衆生起身語意三種善業生天人趣受身心
樂菩薩爾時生大歡喜何以故菩薩不自爲
故求一切智不貪生死諸欲快樂不隨想倒
見倒心倒諸結隨眠愛見力轉不起衆生種

頌十

二

種樂想亦不味著諸禪定樂非有障礙疲厭
退轉住於生死但見衆生於諸有中具受無
量種種諸苦起大悲心以大願力而普攝取
悲願力故修菩薩行爲斷一切衆生煩惱爲
求如來一切智智爲供養一切諸佛如來爲
嚴淨一切廣大國土爲淨治一切衆生樂欲
及其所有身心諸行於生死中無有疲厭

後聖者我願下述自所作於中二先明四
等攝生後明萬德益物前中有四謂法喻
合釋法有慈悲合中兼喜釋中不貪兼明

頌十

三

有捨於中先徵後釋釋中先總明後不貪
生死下別顯於中先明不自爲後但見衆
生下明其所爲

聖者菩薩摩訶薩於諸衆生爲莊嚴令生人
天富貴樂故爲父母爲其安立菩提心故爲

養育令其成就菩薩道故爲衛護令其遠離
三惡道故爲船師令其得度生死海故爲歸
依令捨諸魔煩惱怖故爲究竟令其永得清
涼樂故爲津濟令入一切諸佛海故爲導師
令至一切法寶洲故爲妙華開敷諸佛功德
心故爲嚴具常放福德智慧光故爲可樂凡
有所作悉端嚴故爲可尊遠離一切諸惡業
故爲普賢具足一切端嚴身故爲大明常放
智慧淨光明故爲大雲常雨一切甘露法故
聖者菩薩如是修諸行時令一切衆生皆生
愛樂具足法樂

二聖者菩薩摩訶薩下明萬德益物於中
二初有十六句別約喻顯爲物歸趣後聖
者菩薩如是下結成益物

爾時善財童子將升法堂其無憂德及諸神

衆以出過諸天上妙華鬘塗香末香及以種
種寶莊嚴具散善財上而說頌言

汝今出世間爲世大明燈普爲諸衆生勤求
無上覺無量億千劫難可得見汝功德日今
出滅除諸世闇汝見諸衆生顛倒惑所覆而
興大悲意求證無師道汝以清淨心尋求佛
菩提承事善知識不自惜身命汝於諸世間
無依無所著其心普無礙清淨如虛空汝修
菩提行功德悉圓滿放大智慧光普照一切
世汝不離世間亦不著於世行世無障礙如
風遊虛空譬如火災起一切無能滅汝修菩
提行精進火亦然勇猛大精進堅固不可動
金剛慧師子遊行無所畏一切法界中所有
諸刹海汝悉能往詣親近善知識

爾時無憂德神說此頌已爲愛樂法故隨逐

善財恒不捨離

四神敬增深者以聞上法故文中三初長行申供次以偈讚德十偈分二初三歎下益衆生行後七歎上求無礙行後爾時下以身隨逐愛重情深故

爾時善財童子入普現法界光明講堂周徧推求彼釋氏女見在堂內坐寶蓮華師子之座八萬四千采女所共圍繞是諸采女靡不皆從王種中生悉於過去修菩薩行同種善根布施愛語普攝衆生已能明見一切智境已共修集佛菩提行恒住正定常遊大悲普攝衆生猶如一子慈心具足眷屬清淨已於過去成就菩薩不可思議善巧方便皆於阿耨多羅三藐三菩提得不退轉具足菩薩諸波羅蜜離諸取著不樂生死雖行諸有心常

學

五

清淨恒勤觀察一切智道離障蓋網超諸著處從於法身而示化形生普賢行長菩薩力智日慧燈悉已圓滿

第二爾時善財童子下見敬諮問先見次敬後問前中二先入堂推求已見依報此文亦可屬前二見在堂內下見其正報初見主後八萬下見伴廣歎伴從勝德主德固已絕言

爾時善財童子詣彼釋女瞿波之所頂禮其足合掌而住作如是言聖者我已先發阿耨多羅三藐三菩提心而未知菩薩云何於生死中而不爲生死過患所染了法自性而不住聲聞辟支佛地具足佛法而修菩薩行住菩薩地而入佛境界超過世間而於世受生成就法身而示現無邊種種色身證無相法

而為衆生示現諸相知法無說而廣為衆生演說諸法知衆生空而恒不捨化衆生事雖知諸佛不生不滅而勤供養無有退轉雖知諸法無業無報而修諸善行恒不止息

二爾時善財下說敬三作如是言下諮問

於中先自陳發心後而未知下正問有十
一句問悲智逆順權實寂用無礙雙行之
行前十句攝為五對一過凡越小對二離
果超因對三現生示色對四極相窮說對
五下化上供對十一總顯諸善真俗雙行

悲智等者此中疏有四種無礙亦名四種
雙行其十句中句句皆是雙行約雙行事
有十差別其中雙行但有四別如第一句
云云何於生死中而不為生死過患所染
者即悲智無礙謂於生死中即有大悲故
不為生死過患所染即具大智故二了法
自性而不住聲聞辟支地即寂用雙行三
即實而權雙行四即權而實雙行五即逆
順雙行六即寂用雙行七八皆即實而權
九十皆權實雙行九約化生十約供佛十

一真俗雙行
各有別相

時瞿波女告善財言善哉善哉善男子汝今能問菩薩摩訶薩如是行法修習普賢諸行願者能如是問諦聽諦聽善思念之我當承佛神力為汝宣說善男子若諸菩薩成就十法則能圓滿因陀羅網普智光明菩薩之行何等為十所謂依善知識故得廣大勝解故得清淨欲樂故集一切福智故於諸佛所聽聞法故心恒不捨三世佛故同於一切菩薩行故一切如來所護念故大悲妙願皆清淨故能以智力普斷一切諸生死故是為十若諸菩薩成就此法則能圓滿因陀羅網普智光明菩薩之行佛子若菩薩親近善知識則能精進不退修習出生無盡佛法佛子菩薩以十種法承事善知識何等為十所謂於自

身命無所顧惜於世樂具心不貪求知一切法性皆平等永不退捨一切智願觀察一切法界實相心恒捨離一切有海知法如空心無所依成就一切菩薩大願常能示現一切刹海淨修菩薩無礙智輪佛子應以此法承事一切諸善知識無所違逆

第三時瞿波女下示已法界於中四一法義二法名三法用四法根前中先長行後偈頌前中亦二先讚誠許說後善男子下正顯法義於中二先明帝網智光行謂依此十則照重重無盡法故有標釋結可知後佛子若菩薩下承事善友行前明依法此辨依人法假人弘故由得此出無盡法亦是廣前初一亦有標釋結

爾時釋迦瞿波女欲重明此義承佛神力觀

察十方而說頌言

菩薩為利諸羣生正念親承善知識敬之如佛心無怠此行於世帝網行勝解廣大如虛空一切三世悉入中國土眾生佛皆爾此是普智光明行

志樂如空無有際永斷煩惱離諸垢一切佛所修功德此行於世身雲行

菩薩修習一切智不可思議功德海淨諸福德智慧身此行於世不染行

切諸佛如來所聽受其法無厭足能生寶

相智慧燈此行於世普照行

十方諸佛無有量一念一切悉能入心恒不捨諸如來此向菩提大願行

能入諸佛大眾會一切菩薩三昧海願海及以方便海此行於世帝網行

一切諸佛所加持盡未來際無邊劫處處修行普賢道此是菩薩分身行

見諸衆生受大苦起大慈悲現世間演法光明除闇冥此是菩薩智日行

見諸衆生在諸趣爲集無邊妙法輪令其永

斷生死流此是修行普賢行

菩薩修行此方便隨衆生心而現身普於一

切諸趣中化度無量諸含識

以大慈悲方便力普徧世間而現身隨其解

欲爲說法皆令趣向善提道

後頌中有十二偈分二前十偈如次頌前

十帝網行然前長行但各帝網光明行則

十法通稱今偈中初二取前總名後之八

行各別立稱則知十名一一通其十行重

重無礙方受帝網之名又須得斯偈意方

了前名後二偈頌前事友十法後二以後

二相隱故餘略不頌然前長行但各帝網等者此即顯帝網之

義也

時釋迦瞿波說此頌已告善財童子言善男

子我已成就觀察一切菩薩三昧海解脫門

第二時釋迦下立法名謂一切菩薩普賢

三昧深廣如海如法界故深如衆生名故

廣以殊妙智念念觀察故立此名

善財言大聖此解脫門境界云何答言善男

子我入此解脫知此娑婆世界佛利微塵數

劫所有衆生於諸趣中死此生彼作善作惡

受諸果報有求出離不求出離正定邪定及

以不定有煩惱善根無煩惱善根具足善根

不具足善根不善根所攝善根善根所攝不

善根如是所集善不善法我皆知見又彼劫

中所有諸佛名號次第我悉了知彼佛世尊
從初發心及以方便求一切智出生一切諸
大願海供養諸佛修菩薩行成等正覺轉妙
法輪現大神通化度衆生我悉了知亦知彼
佛衆會差別其衆會中有諸衆生依聲聞乘
而得出離其聲聞衆過去修習一切善根及
其所得種種智慧我悉了知有諸衆生依獨
覺乘而得出離其諸獨覺所有善根所得菩
提寂滅解脫神通變化成熟衆生入於涅槃
我悉了知亦知彼佛諸菩薩衆其諸菩薩從
初發心修習善根出生無量諸大願行成就
滿足諸波羅蜜種種莊嚴菩薩之道以自在
力入菩薩地住菩薩地觀菩薩地淨菩薩地
菩薩地相菩薩地智菩薩攝智菩薩教化衆
生智菩薩建立智菩薩廣大行境界菩薩神

通行菩薩三昧海菩薩方便菩薩於念念中
所入三昧海所得一切智光明所獲一切智
電光雲所得實相忍所通達一切智所住刹
海所入法海所知衆生海所住方便所發誓
願所現神通我悉了知善男子此娑婆世界
盡未來際所有劫海展轉不斷我皆了知

第三善財言大聖下明法門業用中先問
後答答中二先顯廣知後釋知所以前中
三初知娑婆世界次類知刹海後別顯毗
盧因果前中二先知刹塵劫事後善男子
此娑婆下類盡未來前中亦二一知世間
善惡因果不善根所攝善根者如瞋心持
戒等下句類知二又彼劫下知出世因果
於中亦二先知佛因果後亦知彼佛衆下
知佛衆會於中有三初知聲聞二知緣覺

三知菩薩及後類盡未來文並可知

如知娑婆世界亦知娑婆世界內微塵數世界亦知娑婆世界內一切世界亦知娑婆世界微塵內所有世界亦知娑婆世界外十方無間所住世界亦知娑婆世界世界種所攝世界亦知毗盧遮那世尊此華藏世界海中十方無量諸世界種所攝世界所謂世界廣博世界安立世界輪世界場世界差別世界轉世界蓮華世界須彌世界各號盡此世界海一切世界由毗盧遮那世尊本願力故我悉能知亦能憶念

第二如知娑婆下類知刹海於中二先通顯知多後別顯所知相狀今初有六重類知後後廣於前前初二皆同刹攝多刹而初但攝同類刹故云塵數二即異類刹故

摩

十一

云一切一切種類故三即塵中攝刹故細

於前四即十三佛刹塵數圍繞界及廣大眷屬世界故云娑婆世界外等五即普照十方熾然寶光明刹種所攝刹通二十重六即全蓮華藏世界海後所謂下別顯所知相狀有十種一廣博即所依種二安立即因緣或所依住三即輪圍四即其中場地五體類各殊六轉者有二義一如輪側轉形故故世界成就品云或有世界隨輪轉二即劫轉變故七所依蓮華八即其中須彌九隨緣立稱十即結果屬因謂華藏世界海是佛本願所嚴故云由力亦念如來往昔所有諸因緣海所謂修習一切諸乘方便無量劫中住菩薩行淨佛國土教化衆生承事諸佛造立住處聽受說法獲

諸三昧得諸自在修檀波羅蜜入佛功德海
持戒苦行具足諸忍勇猛精進成就諸禪圓
滿淨慧於一切處示現受生普賢行願悉皆
清淨普入諸刹普淨佛土普入一切如來智
海普攝一切諸佛菩提得於如來大智光明
證於諸佛一切智性成等正覺轉妙法輪及
其所有道場衆會其衆會中一切衆生往世
已來所種善根從初發心成熟衆生修行方
便念念增長獲諸三昧神通解脫如是一切
我悉了知

第三亦念如來下別顯毗盧因果於中二
先明因然有二義一者成上上但總云本
願力故今別顯成刹之因二者順從亦通
正報之因後得於如來下顯果可知
何以故我此解脫能知一切衆生心行一切

學

主

衆生修行善根一切衆生雜染清淨一切衆
生種種差別一切聲聞諸三昧門一切緣覺
寂靜三昧神通解脫一切菩薩一切如來解
脫光明皆了知故

第二何以故下釋知所以

爾時善財童子白瞿波言聖者得此解脫其
已久如

第四善財白言下顯法根深先問後答問
中雖但問得法久近而義已舍修行久近
得此法門故

答言善男子我於往世過佛刹微塵數劫有
劫名勝行世界名無畏彼世界中有四天下
名爲安隱其四天下閻浮提中有一王城名
高勝樹於八十王城中最爲上首彼時有王
名曰財主其王具有六萬采女五百大臣五

百王子其諸王子皆悉勇健能伏冤敵

答中分四一明最初佛所發心修行二於

中間多佛修行三正明得法之時四多劫

修瑩此法初中分二初正顯本緣一結會

古今前中分十一王都時處

其王太子名威德主端正殊特人所樂見足

下平滿輪相備具足跌隆起手足指間皆有

網縷足跟齊正手足柔軟伊尼耶鹿王膺七

處圓滿陰藏隱密其身上分如師子王兩肩

平滿雙臂膺長身相端直頸文三道頰如師

子具四十齒悉皆齊密四牙鮮白其舌長廣

出梵音聲眼目紺青睫如牛王眉間毫相頂

上肉髻皮膚細軟如真金色身毛上靡髮帝

青色其身洪滿如尼拘陀樹爾時太子受父

王教與十千采女詣香牙園遊觀戲樂太子

是時乘妙寶車其車具有種種嚴飾置六摩

尼師子之座而坐其上五百采女各執寶繩

牽馭而行進止有度不遲不速百千萬人持

諸寶蓋百千萬人持諸寶幢百千萬人持諸

寶幡百千萬人作諸妓樂百千萬人燒諸名

香百千萬人散諸妙華前後圍繞而為翊從

道路平正無有高下眾寶雜華散布其上寶

樹行列寶網彌覆種種樓閣延袤其間其樓

閣中或有積聚種種珍寶或有陳列諸莊嚴

具或有供設種種飲食或有懸布種種衣服

或有備擬諸資生物或復安置端正女人及

以無量僮僕侍從隨有所須悉皆施與

二太子超倫於中先具相後遊觀

先具相者經有三十二相前文指此廣明以文具故今當畧說準瑜伽四十九及大般若第三百八十一說然彼經次與今不同今依彼經次第列名以今經文注之於下經云佛言善

梵音聲七二十三眼目紺青七十三
四睫如牛王心二十五眉間毫相三十
二十六頂上肉髻三十一身毛上塵
計二十八如真金色四十九身毛上塵
計三十髮帝青色楅第一十一其身洪滿
計三十二如尼俱陀樹仁釋曰上畧會二
經若依瑜伽四十九及涅槃說
相因各異又小不同具如初會

時有母人名為善現將一童女名具足妙德

顏容端正色相嚴潔洪纖得所修短合度目
髮紺青聲如梵音善達工巧精通辯論恭勤
匪懈慈愍不害具足慚愧柔和質直離癡寡
欲無諸諂誑乘妙寶車乘女圍繞及與其母
從王城出先太子行見其太子言辭諷詠心
生愛染而白母言我心願得敬事此人若不
遂情當自殞滅母告女言莫生此念何以故
此甚難得此人具足輪王諸相後當嗣位作
轉輪王有寶女出騰空自在我等卑賤非其
匹偶此處難得勿生是念彼香牙園側有一

道場名法雲光明時有如來名勝日身十號
具足於中出現已經七日時彼童女暫時假
寐夢見其佛從夢覺已空中有天而告之言
勝日身如來於法雲光明道場成等正覺已
經七日諸菩薩衆前後圍繞天龍夜叉乾闥

婆阿修羅迦樓羅緊那羅摩睺羅伽梵天乃
至色究竟天諸地神風神火神水神河神海
神山神樹神園神藥神主城神等為見佛故
皆來集會時妙德童女夢覩如來故聞佛功
德故其心安隱無有怖畏於太子前而說頌
言

我身最端正名聞徧十方智慧無等倫善達
諸工巧無量百千衆見我皆貪染我心不於
彼而生少愛欲無瞋亦無恨無嫌亦無喜但
發廣大心利益諸衆生我今見太子具諸功

德相其心大欣慶諸根咸悅樂色如光明寶
 髮美而右旋頰廣眉纖曲我心願事汝我觀
 太子身譬若真金像亦如大寶山相好有光
 明目廣紺青色月面師子頰喜顏美妙音願
 垂哀納我舌相廣長妙猶如赤銅色梵音緊
 那聲聞者皆歡喜口方不蹙縮齒白悉齊密
 發言現笑時見者心歡喜離垢清淨身具相
 三十二必當於此界而作轉輪位

三寶女求歸於中分四一具德端嚴二見
 其下白母求事三彼香牙下夢觀佛興四

時妙德下自陳心總有十偈前三自述德

堪後七讚彼求納三寶女求歸者女人謂
 殊曰歸故周易中有歸

卦

爾時太子告彼文言汝是誰女為誰守護若
 先屬人我則不應起愛染心爾時太子以頌

頌

七

問言

汝身極清淨功德相具足我今問於汝汝於
 誰所住誰為汝父母汝今繫屬誰若已屬於
 人彼人攝受汝汝不盜他物汝不有害心汝
 不作邪姪汝依何語住不說他人惡不壞他
 所親不侵他境界不於他恚怒不生邪險見
 不作相違業不以諂曲力方便誑世間尊重
 父母不敬善知識不見諸貧窮人能生攝心
 不若有善知識誨示於汝法能生堅固心究
 竟尊重不愛樂於佛不了知菩薩不眾僧功
 德海汝能恭敬不汝能知法不能淨眾生不
 為住於法中為住於非法見諸孤獨者能起
 慈心不見惡道眾生能生大悲不見他得榮
 樂能生歡喜不他來逼迫汝汝無瞋惱不汝
 發菩提意開悟眾生不無邊劫修行能無疲

倦不

四太子審問有十二偈分三初二問其屬

緣次三審其內過後七邀其進善

爾時女母爲其太子而說頌言

太子汝應聽我今說此女初生及長成一切

諸因緣太子始生日即從蓮華生其目淨修

廣肢節悉具足我曾於春月遊觀娑羅園普

見諸藥草種種皆榮茂奇樹發妙華望之如

慶雲好鳥相和鳴林間共歡樂同遊八百女

端正奪人心被服皆嚴麗歌詠悉殊美彼園

有浴池名曰蓮華幢我於池岸坐采女衆圍

繞於彼蓮池內忽生千葉華寶葉瑠璃莖閻

浮金爲臺爾時夜分盡日光初出現其蓮正

開剖放大清淨光其光極熾盛譬如日初出

普照閻浮提衆歎未曾有時見此玉女從彼

蓮華生其身甚清淨肢分皆圓滿此是人間

寶從於淨業生宿因無失壞今受此果報紺

髮青蓮眼梵聲金色光華髮衆寶髻清淨無

諸垢肢節悉具足其身無缺減譬如真金像

安處寶華中毛孔梅檀香普熏於一切口出

青蓮香常演梵音聲此女所住處常有天音

樂不應下劣人而當如是偶世間無有人堪

與此爲夫唯汝相嚴身願垂見納受非長亦

非短非麤亦非細種種悉端嚴願垂見納受

文字算數法工巧諸技藝一切皆通達願垂

見納受善了諸兵法巧斷衆諍訟能調難可

調願垂見納受其身甚清淨見者無厭足功

德自莊嚴汝應垂納受衆生所有患善達彼

緣起應病而與藥一切能消滅閻浮語言法

差別無量種乃至伎樂音靡不皆通達婦人

之所能此文一切知而無女人過願垂速納
受不嫌亦不慳無貪亦無恚質直性柔輒離
諸麤穢惡恭敬於尊者奉事無違逆樂修諸
善行此能隨順汝若見於老病貧窮在苦難
無救無所依常生大慈愍常觀第一義不求

學

九

自利樂但願益衆生以此莊嚴心行住與坐
卧一切無放逸言說及默然見者咸欣樂雖
於一切處皆無染著心見有功德人樂觀無
厭足尊重善知識樂見離惡人其心不躁動
先思後作業福智所莊嚴一切無怨恨女人
中最上宜應事太子

五女母代答明有德無過亦不屬緣故應
納受三十一頌分六初十一偈總顯報勝
次三偈別讚端嚴三有三偈明其絕倫四
有五偈伎能內滿五有八偈離非具德未

後一偈結讚所宜

爾時太子入香牙圍已告其妙德及善現言
善女我趣求阿耨多羅三藐三菩提當於盡
未來際無量劫集一切智助道之法修無邊
菩薩行淨一切波羅蜜供養一切諸如來護
持一切諸佛教嚴淨一切佛國土當令一切
如來種性不斷當隨一切衆生種性而普成
熟當滅一切衆生生死苦置於究竟安樂處
當淨治一切衆生智慧眼當修習一切菩薩
所修行當安住一切菩薩平等心當成就一
切菩薩所行地當令一切衆生普歡喜當捨
一切物盡未來際行檀波羅蜜令一切衆生
普得滿足衣服飲食妻妾男女頭目手足如
是一切內外所有悉當捨施無所吝惜當於
爾時汝或於我而作障難施財物時汝心恪

惜施男女時汝心痛惱割肢體時汝心憂悶
捨汝出家汝心悔恨

六太子重邀謂若不墮道當隨汝意於中
先長行分二初自述行深後當於爾下恐
其為障

爾時太子即為妙德而說頌言

頌

子

哀愍衆生故我發菩提心當於無量劫習行
一切智無量大劫中淨修諸願海入地及治
障悉經無量劫三世諸佛所學六波羅蜜具
足方便行成就菩提道十方垢穢刹我當悉
嚴淨一切惡道難我當令永出我當以方便
廣度諸羣生令滅愚癡闇住於佛智道當供
一切佛當淨一切地起大慈悲心悉捨內外
物汝見來乞者或生慳吝我心常樂施汝
勿違於我若見我施頭慎勿生憂惱我今先

語汝令汝心堅固乃至截手足汝勿嫌乞者
汝今聞我語應可諦思惟男女所愛物一切
我皆捨汝能順我心我當成汝意

後偈頌十偈分三初六偈頌其行深次二
頌半邀其莫障後一偈半結令密思

爾時童女白太子言敬奉來教即說頌言

無量劫海中地獄火焚身若能眷納我甘心
受此苦無量受生處碎身如微塵若能眷納
我甘心受此苦無量劫頂戴廣大金剛山若
能眷納我甘心受此苦無量生死海以我身
肉施汝得法王處願令我亦然若能眷納我
與我為主者生生行施處願常以我施為愍
衆生苦而發菩提心既已攝衆生亦當攝受
我我不求豪富不貪五欲樂但為共行法願
以仁為主紺青修廣眼慈愍觀世間不起染

著心必成菩薩道太子所行處地出眾寶華
必作轉輪王願能眷納我我曾夢見此妙法
菩提場如來樹下坐無量眾圍繞我夢彼如
來身如真金山以手摩我頂寤已心歡喜往
昔眷屬天名曰喜光明彼天爲我說道場佛
興世我曾生是念願見太子身彼天報我言
汝今當得見我昔所志願於今悉成滿唯願
俱往詣供養彼如來

七女敬順從有十四偈分三初三忘苦眷
德次六希同勝行即正是發菩提心後五

勸詣如來

爾時太子聞勝日身如來名生大歡喜願見
彼佛以五百摩尼寶散其女上冠以妙藏光
明寶冠被以火燄摩尼寶衣其女爾時心不
動搖亦無喜相但合掌恭敬瞻仰太子目不

暫捨

八太子攝受由敬佛心歡故
其母善現於太子前而說頌言

此女極端正功德莊嚴身昔願奉太子今意
已滿足持戒有智慧具足諸功德普於一切
世最勝無倫匹此女蓮華生種姓無譏醜太
子同行業遠離一切過此女身柔軟猶如天
繒續其手所觸摩眾患悉除滅毛孔出妙香
芬馨最無比眾若聞者悉住於淨戒身色
如真金端坐華臺上眾若見者離害具慈
心言音極柔軟聽之無不喜眾若得聞悉
離諸惡業心淨無瑕垢遠離諸諂曲稱心而
發言聞者皆歡喜調柔具慚愧恭敬於尊宿
無貪亦無誑憍愍諸眾若此女心不恃色相
及眷屬但以清淨心恭敬一切佛

九母陳慶遂故重讚女德十偈分四初一
標共遂志次二德行懸同次四身語超倫
後三內心蘊德

爾時太子與妙德女及十千采女并其眷屬
出香牙園詣法雲光明道場至已下車步進
詣如來所見佛身相端嚴寂靜諸根調順內
外清淨如大龍池無諸垢濁皆生淨信踊躍
歡喜頂禮佛足繞無數帀于時太子及妙德
女各持五百妙寶蓮華供散彼佛太子爲佛
造五百精舍一一皆以香木所成衆寶莊嚴
五百摩尼以爲間錯時佛爲說普眼燈門修
多羅闍是經已於一切法中得三昧海所謂
得普照一切佛願海三昧普照三世藏三昧
現見一切佛道場三昧普照一切衆生三昧
普照一切世間智燈三昧普照一切衆生根

摩

三

智燈三昧救護一切衆生光明雲三昧普照
一切衆生大明燈三昧演一切佛法輪三昧
具足普賢清淨行三昧時妙德女得三昧名
難勝海藏於阿耨多羅三藐三菩提永不退
轉時彼太子與妙德女并其眷屬頂禮佛足
繞無數帀辭退還宮詣父王所拜跪畢已奉
白王言大王當知勝日身如來出興於世於
此國內法雲光明菩提場中成等正覺于今
未久爾時大王語太子言是誰爲汝說如是
事天耶人耶太子白言是此具足妙德女說
時王聞已歡喜無量譬如貧人得大伏藏作
如是念佛無上寶難可值遇若得見佛永斷
一切惡道怖畏佛如醫王能治一切諸煩惱
病能救一切生死大苦佛如導師能令衆生
至於究竟安隱住處作是念已集諸小王羣

臣眷屬及以刹利婆羅門等一切大眾便捨王位授與太子灌頂訖已與萬人俱往詣佛所到已禮足繞無數匝并其眷屬悉皆退坐爾時如來觀察彼王及諸大眾白毫相中放大光明名一切世間心燈普照十方無量世界住於一切世主之前示現如來不可思議大神通力普令一切應受化者心得清淨爾時如來以不思議自在神力現身超出一切世間以圓滿音普爲大眾說陀羅尼名一切法義離闇燈佛刹微塵數陀羅尼而爲眷屬彼王聞已即時獲得大智光明其衆會中有閻浮提微塵數菩薩俱時證得此陀羅尼六十萬那由他人盡諸有漏心得解脫十千衆生遠塵離垢得法眼淨無量衆生發菩提心時佛又以不思議力廣現神變普於十方無

量世界演三乘法化度衆生時彼父王作如是念我若在家不能證得如是妙法若於佛所出家學道即當成就作是念已前白佛言願得從佛出家修學佛言隨意宜自知時時財主王與十千人皆於佛所同時出家未久之間悉得成就一切法義離闇燈陀羅尼亦得如上諸三昧門又得菩薩十神通門又得菩薩無邊辯才又得菩薩無礙淨身往詣十方諸如來所聽受其法爲大法師演說妙法復以神力徧十方刹隨衆生心而爲現身讚佛出現說佛本行示佛本緣稱揚如來自在神力護持於佛所說教法爾時太子於十五日在正殿上采女圍繞七寶自至一者輪寶名無礙行二者象寶名金剛身三者馬寶名迅疾風四者珠寶名日光藏五者女寶名具

妙德六藏臣寶名爲大財七主兵寶名難拏
眼七寶具足爲轉輪王王閻浮提正法治世
人民快樂王有千子端正勇健能伏冤敵其
閻浮提中有八十王城一一城中有五百僧
坊一一僧坊立佛支提皆悉高廣以衆妙寶
而爲校飾一一王城皆請如來以不思議衆
妙供具而爲供養佛入城時現大神力令無
量衆生種諸善根無量衆生心得清淨見佛
歡喜發菩提意起大悲心利益衆生勤修佛
法入真實義住於法性了法平等獲三世智
等觀三世知一切佛出興次第說種種法攝
取衆生發菩薩願入菩薩道知如來法成就
法海能普現身徧一切剎知衆生根及其性
欲令其發起一切智願

十正共修行亦分十段一詣佛供養二時

佛下閻經得法三時彼太子下辭歸白父
四爾時大王下王審慶聞五作是念下禪
位往觀六爾時下閻經得法七其衆會人
下兼益時會八時佛下佛重現通九時彼
父王下父王出家修證法門十爾時太子
下太子紹位弘通大化

佛子於汝意云何彼時太子得輪工位供養
佛者豈異人乎今釋迦牟尼佛是也財主王
者寶華佛是其寶華佛現在東方過世界海
微塵數佛刹有世界海各現法界虛空影像
雲中有世界種名普現三世影摩尼王彼世
界種中有世界名圓滿光中有道場名現一
切世主身寶華如來於此成阿耨多羅三藐
三菩提不可說佛刹微塵數諸菩薩衆前後
圍繞而爲說法寶華如來往昔修行菩薩道

時淨此世界海其世界海中去來今佛出與
 世者皆是寶華如來為菩薩時教化令發阿
 耨多羅三藐三菩提心彼時女母善現者今
 我母善目是其王眷屬今如來所眾會是也
 皆具修行普賢諸行成滿大願雖恒在此眾
 會道場而能普現一切世間住諸菩薩平等
 三昧常得現見一切諸佛一切如來以等虛
 空妙音聲雲演正法輪悉能聽受於一切法
 悉得自在名稱普聞諸佛國土普詣一切道
 場之所普現一切眾生之前隨其所應教化
 調伏盡未來劫修菩薩道恒無間斷成滿普
 賢廣大誓願佛子其妙德女與威德主轉輪
 聖王以四事供養勝日身如來者我身是也
 第二佛子於汝意下結會古今
 彼佛滅後其世界中六十億百千那由他佛

出興於世我皆與王承事供養其第一佛名
 清淨身次名一切智月光明身次名閻浮檀
 金光明王次名諸相莊嚴身次名妙月光次
 名智觀幢次名大智光次名金剛那羅延精
 進次名智力無能勝次名普安詳智次名離
 垢勝智雲次名師子智光明次名光明髻次
 名功德光明幢次名智日幢次名寶蓮華開
 敷身次名福德嚴淨光次名智燄雲次名普
 照月次名莊嚴蓋妙音聲次名師子勇猛智
 光明次名法界月次名現虛空影像開悟眾
 生心次名恒興寂滅香次名普震寂靜音次
 名甘露山次名法海音次名堅固網次名佛
 影誓次名月光毫次名辨才口次名覺華智
 次名寶燄山次名功德星次名寶月幢次名
 三昧身次名寶光王次名普智行次名燄海

燈次名離垢法音王次名無比德名稱幢次
名修臂次名本願清淨月次名照義燈次名
深遠音次名毗盧遮那勝藏王次名諸乘幢
次名法海妙蓮華佛子彼劫中有如是等六
十億百千那由他佛出與于世我皆親近承
事供養

第二彼佛滅後下見中間多佛略列四十
其最後佛名廣大解於彼佛所得淨智眼爾
時彼佛入城教化我爲王妃與王禮覲以衆
妙物而爲供養於其佛所聞說出生一切如
來燈法門即時獲得觀察一切菩薩三昧海
境界解脫

第三其最後佛下正明得法之時最後者
即六十億那由他之後耳
佛子我得此解脫已與菩薩於佛刹微塵數

劫勤加修習於佛刹微塵數劫中承事供養
無量諸佛或於一劫承事一佛或二或三或
不可說或值佛刹微塵數佛悉皆親近承事
供養而未能知菩薩之身形量色貌及其身
業心行智慧三昧境界佛子若有衆生得見
菩薩修菩提行若疑若信菩薩皆以世出世
間種種方便而攝取之以爲眷屬令於阿耨
多羅三藐三菩提得不退轉

第四佛子我得此下明多劫修證於中二
一於一刹塵劫修行於中亦二先多劫修
行未窮菩薩之境後佛子若有下明菩薩
難遇見者不空

佛子我見彼佛得此解脫已與菩薩於百佛
刹微塵數劫而共修習於其劫中所有諸佛
出與于世我皆親近承事供養聽所說法讀

誦受持於彼一切諸如來所得此解脫種種法門知種種三世入種種刹海見種種成正覺入種種佛眾會發菩薩種種大願修菩薩種種妙行得菩薩種種解脫然未能知菩薩所得普賢解脫門

頌十

二十八

二佛子我見下於百刹塵劫修行於中亦

二初多劫修證未知菩薩解脫

何以故菩薩普賢解脫門如太虛空如眾生名如三世海如十方海如法界海無量無邊佛子菩薩普賢解脫門與如來境界等佛子

我於佛刹微塵數劫觀菩薩身無有厭足如多欲人男女集會遞相愛染起於無量妄想思覺我亦如是觀菩薩身一一毛孔念念見無量無邊廣大世界種種安住種種莊嚴種種形狀有種種山種種地種種雲種種名種

畢

无

種佛與種種道場種種眾會演種種修多羅說種種灌頂種種諸乘種種方便種種清淨又於菩薩一一毛孔念念常見無邊佛海坐種種道場現種種神變轉種種法輪說種種修多羅恒不斷絕又於菩薩一一毛孔見無邊眾生海種種住處種種形貌種種作業種種諸根又於菩薩一一毛孔見三世諸菩薩無邊行門所謂無邊廣大願無邊差別地無邊波羅蜜無邊往昔事無邊大慈門無邊大悲雲無邊大喜心無邊攝取眾生方便佛子我於佛刹微塵數劫念念如是觀於菩薩一一毛孔已所至處而不重至已所見處而不重見求其邊際竟不可得乃至見彼悉遠太子住於宮中采女圍繞我以解脫力觀於菩薩一一毛孔悉見三世法界中事

後何以釋不知所由釋中亦二先總顯

深廣謂所以不知者以稱事理之無邊等

諸佛之境界故斯則等覺菩薩解脫十地

不知故名普賢解脫後佛子我於佛刹下

別顯深廣難知之相謂一毛即不可窮況

多毛多身廣大之用以是無盡無邊之法

門故於中五一毛中見器世間二見智正

覺世間三見衆生世間四見菩薩修行五

佛子我於下總結不窮深廣

佛子我唯得此觀察菩薩三昧海解脫如諸

菩薩摩訶薩究竟無量諸方便海爲一切衆

生現隨類身爲一切衆生說隨樂行於一一

毛孔現無邊色相海知諸法性無性爲性知

衆生性同虛空相無有分別知佛神力同於

如如徧一切處示現無邊解脫境界於一念

中能自在入廣大法界遊戲一切諸地法門

而我云何能知能說彼功德行

四謙已推勝

善男子此世界中有佛母摩耶汝詣彼問菩

薩云何修菩薩行於諸世間無所染著供養

諸佛恒無休息作菩薩業永不退轉離一切

障礙入菩薩解脫不由於他住一切菩薩道

詣一切如來所攝一切衆生界盡未來劫修

菩薩行發大乘願增長一切衆生善根常無

休息爾時釋迦瞿波女欲重明此解脫義承

願十

三

佛神力即說頌言

若有見菩薩修行種種行起善不善心菩薩

皆攝取乃徃久遠世過百剎塵劫有劫名清

淨世界名光明此劫佛興世六十千萬億最

後天人主號曰法幢燈彼佛涅槃後有王名

智山統領閻浮提一切無冤敵王有五百子
端正能勇健其身悉清淨見者皆歡喜彼王
及王子信心供養佛護持其法藏亦樂勤修
法太子名善光離垢多方便諸相皆圓滿見
者無厭足五百億人俱出家行學道勇猛堅
精進護持其佛法王都名智樹千億城圍繞
有林名靜德衆寶所莊嚴善光住彼林廣宣
佛正法辯才智慧力令衆悉清淨有時因乞
食入彼王都城行止極安詳正知心不亂城
中有居士號曰善名稱我時爲彼女名爲淨
日光時我於城中遇見善光明諸相極端嚴
其心生染著次乞至我門我心增愛染即解
身瓔珞并珠置鉢中雖以愛染心供養彼佛
子二百五十劫不墮三惡趣或生天王家或
作人王女恒見善光明妙相莊嚴身此後所

經劫二百有五十生於善現家名爲具妙德
時我見太子而生尊重心願得備瞻侍幸蒙
哀納受我時與太子覲佛勝日身恭敬供養
畢即發菩提意於彼一劫中六十億如來最
後佛世尊名爲廣大解於彼得淨眼了知諸
法相普見受生處永除顛倒心我得觀菩薩
三昧境解脫一念入十方不思議刹海我見
諸世界淨穢種種別於淨不貪樂於穢不憎
惡普見諸世界如來坐道場皆於一念中悉
放無量光一念能普入不可說衆會亦知彼
一切所得三昧門一念能悉知彼諸廣大行
無量地方便及以諸願海我觀菩薩身無邊
劫修行一一毛孔量求之不可得一一毛孔
刹無數不可說地水火風輪靡不在其中種
種諸建立種種諸形狀種種體名號無邊種

大方廣佛華嚴經疏鈔會本第五卷 牧一

唐于闐國三藏沙門實叉難陀 譯

唐清涼山大華嚴寺沙門澄觀撰述

自下大文第二從摩耶下有十一人明會

緣入實相謂會前諸位差別之緣令歸一

數一

實法界生於佛果如摩耶生佛故次明之

然人雖十一約法唯九約會為十初一為

總餘九為別故摩耶得智幻法門末後亦

得幻住始終相會該於中間總別圓融歸

實無二故摩耶既會緣入實何得更須十

人豈不向言總別相會非別無以成總故

又顯是所會之緣語十表其無盡無盡之

緣皆成摩耶之實德故又此一相義當等

覺等覺方能親生佛故等覺却入重立門

中故有十人多明入俗初天主光且須正

念無失次可為世師徧窮眾藝字智之門

無依無盡無著清淨清淨則淨智發光發

光則智相無盡無盡則誠願不違方能還

歸幻住故雖十一不失入實之言始末皆

幻方知諸緣體虛即實大文第二會緣入實相初天主下五

總釋諸會而有二意一即等覺入俗之意二即是前別明會緣後歸此實今初下釋

文前五中皆牒彼所得初天主光且須正念無失者彼得菩薩解脫名無礙念清淨

莊嚴故二可為世師即通支不得法門三遍窮下即善知眾童子得解脫名善知

眾藝而廣說字母四無依無盡則賢勝優婆夷得無依處道場又得三昧名為無盡

故五無著清淨即堅固解脫長者得解脫名無著念清淨莊嚴故六清淨即淨智發

光者即妙月長者得解脫名淨智光明故七發光則智相無盡者即無勝軍長者得

無相解脫故八無盡則誠願不違者即最寂靜婆羅門得解脫名誠願語故九方能

還歸幻住者即德生有德幻住法門故故雖下總結

爾時善財童子一心欲詣摩耶夫人所即時

獲得觀佛境界智

今初總中文亦具六第一依教趣求中二

初將詣觀成後勝緣引導前中三初標將

詣觀成次作如是下別明觀念後如是之

人下思欲親承今初摩耶昔云天后天后

能生佛故權教中說生佛七日命終生天

而晉經指在迦毗羅城則顯常不滅矣又

上云此世界者亦表即佛境界故得觀佛

境智然說摩耶或云是實非化或云是化

非實或云亦化亦實或云非化非實皆帶

方便約此宗說即法界實德人法圓融初今

摩耶昔云天后者新譯為幻術故

云昔也亦云幻生得幻智門故

作如是念是善知識遠離世間住無所住超

過六處離一切著知無礙道具淨法身以如

幻業而現化身以如幻智而觀世間以如幻

願而持佛身隨意生身無生滅身無來去身

非虛實身不變壞身無起盡身所有諸相皆

一相身離二邊身無依處身無窮盡身離諸

分別如影現身知如夢身了如像身如淨日

身普於十方而化現身住於三世無變異身

非身心身猶如虛空所行無礙超諸世眼唯

是普賢淨目所見

二別明觀念中初總念勝德已能闡合願

智幻門後隨意生下別念一十七身唯普

眼見冥契下文天后所現已暗合願智幻

具淨法身以如幻業而現化身以如幻智

而觀世間等故冥契下文天后所現下見

正報現無量身雲今此未見已知現身故

云冥契疏但總意若別配之此十七身攝

下經中四十種身各有一二上標下釋一

隨意生身即總顯隨願二無生滅身即下

二色身謂不生色身無生起故不減色身

常寂滅故三無來去身即下二身謂無去

色身於一切趣無所滅故無來色身於諸

世間無所出故四非虛實身亦攝二身即

下經云非實色身得如實故非虛色身隨

世現故五不變壞身即下不壞色身法性

無壞故六無起盡身即不生色身隨眾生
 身隨眾生業而出現故恒示現色身靈眾
 以相異上一向無生滅也七所有諸相皆
 一相身下云一相色身無相為相故八離
 二邊身即是通意皆事理無滯故若別配
 者如下云法性色身性淨如空故大悲色
 又上向有智不住生下有悲不住涅槃
 樂等九無依處身即下無處色身恒化眾
 生不斷絕故十無窮盡身即無盡色身盡
 諸眾生生死際故十一離諸分別如影現
 身即下無分別色身隨願現生故十二知如夢
 又即如影色身隨心而現故十三了如像
 身即下普對現色身以大自在而示現故
 猶如明鏡質對像生十四如淨日身即清
 淨色身同於如如無分別故皎日無私故
 十五普於十方而現前故十六住於三世無
 身隨眾生心而現前故十六住於三世無
 變異身即下無動色身生滅永離故十七
 非身心身即下總顯其體云如是身者非
 色所有色相猶如影故乃至離識善薩顯
 智空無性故以一切眾生言語斷故已得
 成就寂滅身故今結云猶如虛空所行
 無礙超諸世眼唯是普賢淨目所見畧為
 此配餘經不盡可以類收

如是之人我今云何而得親近承事供養與

其同住觀其狀貌聽其音聲思其語言受其
 教誨

三思欲親承可知

作是念已有主城神名曰寶眼眷屬圍繞於
 虛空中而現其身種種妙物以為嚴飾手持

無量眾色寶華以散善財

二作是念已下勝緣引導中三初城神顯

教修心次身眾神密加授法三法堂羅刹

教求友之方初中三一以散華

作如是言善男子應守護心城謂不貪一切

生死境界應莊嚴心城謂專意趣求如來十

力應淨治心城謂畢竟斷除慳嫉諂誑應清

涼心城謂思惟一切諸法實性應增長心城

謂成辦一切助道之法應嚴飾心城謂造立

諸禪解脫宮殿應照耀心城謂普入一切諸

佛道場聽受般若波羅蜜法應增益心城謂
普攝一切佛方便道應堅固心城謂恒勤修
習普賢行願應防護心城謂常專禦扞惡友
魔軍應廓徹心城謂開引一切佛智光明應
善補心城謂聽受一切佛所說法

二作如是下正以言教有三十門分三一

明十度行有十二門初施後智各有二句
中八各一城神既爾令護心城是知無有
一事一塵非法門矣心名城者蓋其中有

正覺法王萬德所聚故

應扶助心城謂深信一切佛功德海應廣大
心城謂大慈普及一切世間應善覆心城謂
集眾善法以覆其上應寬廣心城謂大悲哀
愍一切眾生應開心城門謂悉捨所有隨應
給施應密護心城謂防諸惡欲不令得入應

收一

五

嚴肅心城謂逐諸惡法不令其住應決定心
城謂集一切智助道之法恒無退轉應安立
心城謂正念三世一切如來所有境界應瑩
徹心城謂明達一切佛正法輪修多羅中所
有法門種種緣起應部分心城謂普曉示一
切眾生皆令得見薩婆若道

二應扶下有十一句即初地淨治地法十
種勝行文少不次而數全足上一信次慈
三堅固四悲五捨六七皆慙愧謂不容惡
故八無疲厭九如說修行十知諸經論十

一即成就世智故能普曉眾生

即初地淨治地法十

種勝行文少不次者彼次云佛子菩薩如是成就十種淨治地法所謂信悲慈捨無有疲厭知諸經論善解世法慙愧堅固力供養諸佛依教修行釋曰其供養諸佛依教修行即如說行之一行耳

應住持心城謂發一切三世如來諸大願海

應富貴心城謂集一切周徧法界大福德聚
應令心城明了謂普知衆生根欲等法應令
心城自在謂普攝一切十方法界應令心城
清淨謂正念一切諸佛如來應知心城自性
謂知一切法皆無有性應知心城如幻謂以
一切智了諸法性

三應住持下有七句福智圓滿上二是福
下五是智前三權智後二實智

佛子菩薩摩訶薩若能如是淨修心城則能
積集一切善法何以故獨除一切諸障難故
所謂見佛障聞法障供養如來障攝諸衆生
障淨佛國土障善男子菩薩摩訶薩以離如
是諸障難故若發希求善知識心不用功力
則便得見乃至究竟必當成佛

三佛子下結讚徵釋及成勝益

爾時有身衆神名蓮華法德及妙華光明無
量諸神前後圍繞從道場出住虛空中於善
財前以妙音聲種種稱歎摩耶夫人從其耳
璫放無量色相光明網普照無邊諸佛世界
令善財見十方國土一切諸佛其光明網右
繞世間經一匝已然後還來入善財頂乃至
徧入身諸毛孔善財即得淨光明眼永離一
切愚癡闇故得離翳眼能了一切衆生性故
得離垢眼能觀一切法性門故得淨慧眼能
觀一切佛國性故得毗盧遮那眼見佛法身
故得普光明眼見佛平等不思議身故得無
礙光眼觀察一切刹海成壞故得普照眼見
十方佛起大方便轉正法輪故得普境界眼
見無量佛以自在力調伏衆生故得普見眼
觀一切刹諸佛出興故

二爾時下身衆神密加授法文三初讚友
令欣二從其下放光加被皆可知三善財
下獲益所謂十眼言不思議身者十身無
礙故佛平等者佛佛同故異於前但明
法身餘可準思

收一

七

時有守護菩薩法堂羅刹鬼王名曰善眼與
其眷屬萬羅刹俱於虛空中以衆妙華散善
財上作如是言善男子菩薩成就十法則得
親近諸善知識何等爲十所謂其心清淨離
諸諂誑大悲平等普攝衆生知諸衆生無有
眞實趣一切智心不退轉以信解力普入一
切諸佛道場得淨慧眼了諸法性大慈平等
普覆衆生以智光明廓諸妄境以甘露雨滌
生死熱以廣大眼徹鑒諸法心常隨順諸善
知識是爲十

三時有下法堂羅刹教求友之方三初教
二初教十法增其智何等下徵釋有十一
心一直心二悲心三智四進五信六深七
慈八淨九益十巧十一常後是爲下結

復次佛子菩薩成就十種三昧門則常見
諸善知識何等爲十所謂法空清淨輪三昧
觀察十方海三昧於一切境界不捨離不缺
減三昧普見一切佛出興三昧集一切功德
藏三昧心恒不捨善知識三昧常見一切善
知識生諸佛功德三昧常不離一切善知識
三昧常供養一切善知識三昧常於一切善
知識所無過失三昧佛子菩薩成就此十三
昧門常得親近諸善知識又得善知識轉一
切佛法輪三昧得此三昧已悉知諸佛體性
平等處處值遇諸善知識

二復次下示三昧息其亂三初標二何等
 下徵釋於境不捨離等者凡夫染境二乘
 捨境權教縱觀空有互陳並為缺減若圓
 修者觸目對境窮盡法源不取不捨故央
 掘經云應訶衍者所謂彼眼根於諸如來

牧一

八

常了了分明見具足無減修等又云所謂
 眼入處於諸如來常明見來入門具足無
 減修等餘可知三佛子下結處處遇友者
 既定慧雙遊無境不契並為道品則真友
 懸通能如是行為護正法堂也

故央掘經等者央掘

之緣玄中已引今直釋所引之義然第二
 經後世尊今共受三歸依答云我唯一依
 佛即是法法即僧故意明一學至第三卷
 佛問云何為一學偈云一切眾生皆由
 飲食住是則聲聞乘斯非摩訶衍所謂摩
 訶衍離食常堅固云何名為一謂一切眾
 生皆以如來藏畢竟常安住次二謂名色
 三謂三種受四謂四諦等皆然此即云何
 名為五所謂彼眼根於諸如來常決定分明
 訶衍所謂彼眼根於諸如來常決定分明

見具足無減修耳聞鼻與舌嘗身觸一
 於眼然有二本一本云云了了分明一本云
 決定分明也次云云何名為六所謂六入
 處是則聲聞乘斯非摩訶衍所謂眼入處
 於諸如來常明見六入門具足無減修聞
 與嘗觸皆同眼也意入處云所謂意入處
 明說如來常不聞違逆心淨信來入門義
 如疏釋遍歷七覺八正九定十力皆舉大
 折小說如來藏如來常樂我淨為無缺減
 也故疏云餘可知可知有二一則倒央掘

二例此中餘三昧等

說是語時善財童子仰視空中而答之言善
 哉善哉汝為哀愍攝受我故方便教我見善
 知識願為我說云何往詣善知識所於何方
 處城邑聚落求善知識羅刹答言善男子汝

牧一

九

應普禮十方求善知識正念思惟一切境界
 求善知識勇猛自在徧遊十方求善知識觀
 身觀心如夢如影求善知識

二說是下問三羅刹下答文有四法一以
 友無不在故二以法為體故三身同友徧

故四智與境合故如夢如影又前三離境界相四則離心緣相求善友者幸思此言爾時善財受行其教

二爾時善財下見敬諮問三初見三初觀依二初受行其教躡前起後近躡羅刹之

言遠通前三勝友以前二神並未答故即由前三位調練故得親斯勝報

即時親見大寶蓮華從地涌出金剛爲莖妙寶爲藏摩尼爲葉光明寶王以爲其臺衆寶色香以爲其鬚無數寶網彌覆其上於其臺上有一樓觀名普納十方法界藏奇妙嚴飾金剛爲地千柱行列一切皆以摩尼寶成間浮檀金以爲其壁衆寶瓔珞四面垂下階陛欄楯周而莊嚴其樓觀中有如意寶蓮華之座種種衆寶以爲嚴飾妙寶欄楯寶衣間列

寶帳寶網以覆其上衆寶繒旛周而垂下微風徐動光流響發寶華幢中雨衆妙華寶鈴鐸中出美音聲寶戶牖間垂諸瓔珞摩尼身中流出香水寶象口中出蓮華網寶師子口吐妙香雲梵形寶輪出隨樂音金剛寶鈴出

諸菩薩大願之音寶月幢中出佛化形淨藏寶王現三世佛受生次第日藏摩尼放大光明徧照十方一切佛刹摩尼寶王放一切佛圓滿光明毗盧遮那摩尼寶王與供養雲供養一切諸佛如來如意珠王念念示現普賢

神變充滿法界須彌寶王出天宮殿天諸采女種種妙音歌讚如來不可思議微妙功德後即時下正明所見於中三初明蓮華所證法界自性無染故曰蓮華無明既開不離心內如從地涌亦表性淨萬行之因從

法性地而出現故此即十定中普賢之華也二於其臺下明臺上樓觀謂能證權實二智依於所證而重現故智包無外云普納十方總攝五位自分勝進故云千柱行列其一一事皆有所表恐厭繁文三其樓

觀下明樓中寶座即智體自空故云樓中

有座空具性德故廣顯莊嚴普賢之華者此中雖不舉

華量十定云無有邊際

爾時善財見如是座復有無量眾座圍繞摩耶夫人在彼座上於一切眾生前現淨色身

二爾時善財下見友正報於中二先結前

標後前但明主座今雙結主伴

所謂超三界色身已出一切諸有趣故隨心樂色身於一切世間無所著故普周徧色身等於一切眾生數故無等比色身令一切眾

收一

十一

生滅倒見故無量種色身隨眾生心種種現故無邊相色身普現種種諸形相故普對現色身以大自在而示現故化一切色身隨其所應而現前故恒示現色身盡眾生界而無盡故無去色身於一切趣無所滅故無來色身於諸世間無所出故不生色身無生起故不滅色身離語言故非實色身得如實故非虛色身隨世現故無動色身生滅永離故不壞色身法性不壞故無相色身言語道斷故一相色身無相為相故如像色身隨心應現故如幻色身幻智所生故如燄色身但想所持故如影色身隨願現生故如夢色身隨心而現故法界色身性淨如空故大悲色身常護眾生成無礙色身念念周徧法界故無邊色身普淨一切眾生成無量色身超出一切

語言故無住色身願度一切世間故無處色
身恒化衆生不斷故無生色身幻願所成故
無勝色身超諸世間故如實色身定心所現
故不生色身隨衆生業而出現故如意珠色
身普滿一切衆生願故無分別色身但隨衆
生分別起故離分別色身一切衆生不能知
故無盡色身盡諸衆生生死際故清淨色身
同於如來無分別故如是身者非色所有色
相如影像故非受世間苦受究竟滅故非想
但隨衆生想所現故非行依如幻業而成就
故離識菩薩願智空無性故一切衆生語言
斷故已得成就寂滅身故爾時善財童子又
見摩耶夫人隨諸衆生心之所樂現超過一
切世間色身所謂或現超過他化自在天女
身乃至超過四大天王天女身或現超過龍

故一

十二

女身乃至超過人女身

後所謂下別顯身雲於中亦二先明身相
後顯身業前中亦二先明萬類難思身後
明一類超色身前中亦二先顯別相後明
通體今初有四十身於中或唯約事如普
徧色身或唯約理如十二十三不生不滅
身以本無生起滅亦不爲滅故或理事交
徹如第三十二三十五無生不生色身以
事顯理故於中無生則約自願所成無別
有生不生則隨他而現生即不生餘可思
準後如是身者下明其通體謂離有取蘊
故二爾時善財下明一類超勝身約唯女
故
現如是等無量色身饒益衆生集一切智助
道之法行於平等檀波羅蜜大悲普覆一切

世間出生如來無量功德修習增長一切智
心觀察思惟諸法實性獲深忍海具衆定門
住於平等三昧境界得如來定圓滿光明消
竭衆生煩惱巨海心常正定未嘗動亂恒轉
清淨不退法輪善能了知一切佛法恒以智

收一

十三

慧觀法實相見諸如來心無厭足知三世佛
出興次第見佛三昧常現在前了達如來出
現於世無量無數諸清淨道行於諸佛虛空
境界普攝衆生各隨其心教化成就入佛無
量清淨法身成就大願淨諸佛刹究竟調伏
一切衆生心恒徧入諸佛境界出生菩薩自
在神力已得法身清淨無染而恒示現無量
色身摧一切魔力成大善根力出生正法力
具足諸佛力得諸菩薩自在之力速疾增長
一切智力得佛智光普照一切悉知無量衆

生心海根性欲解種種差別其身普徧十方
刹海悉知諸刹成壞之相以廣大眼見十方
海以周徧智知三世海身普承事一切佛海
心恒納受一切法海修習一切如來功德出
生一切菩薩智慧常樂觀察一切菩薩從初
發心乃至成就所行之道常勤守護一切衆
生常樂稱揚諸佛功德願爲一切菩薩之母
二現如是等下明身業中二初總標後行
於平等下別顯亦二先明十度行唯精進
在於忍前餘皆如次謂初明檀次出生下
戒戒能生長故三修習下進四觀察下忍
五具衆下定六恒轉下般若七見諸如來
下方便八成就大願下願九心恒徧入下
力十得佛智光下智後修習一切如來下
明二嚴行末爲佛母者是其本行故

爾時善財童子見摩耶夫人現如是等閻浮
提微塵數諸方便門既見是已如摩耶夫人
所現身數善財亦現作爾許身於一切處摩
耶之前恭敬禮拜即時證得無量無數諸三
昧門分別觀察修行證入從三昧起右繞摩
耶并其眷屬合掌而立

牧一

十四

第二爾時善財下設敬自道已深故現身
等彼上二並是住體徧應上二並是住體
緣起相由門中三義一諸緣各異義二互
遍相資義三體用無礙義今言住體即諸
緣各別言適應者即互遍相資即住體而
遍應是第三體用無礙也然上摩耶萬類
殊應即異體中多今此善財一類之身遍
對摩耶即同體中多若約摩耶善財並不
分而遍同異雖殊住體遍應義無別也摩
耶亦是同體一即多以隨所應異無二體
故下自言非一處住非多處住善財亦是
同體多即一諸處善財即一身故又二聖
互望並舍同體異體以一身故又二聖
故此即摩耶為同體以多善財對摩耶故
即善財異體

白言大聖文殊師利菩薩教我發阿耨多羅
三藐三菩提心求善知識親近供養我於一
一善知識所皆往承事無空過者漸來至此
願為我說菩薩云何學菩薩行而得成就

第三白言大聖下諮問所以叙文殊等者

若約等覺則因位極故若約會緣從初發

心一一善友皆是所會之緣同入此故

答言佛子我已成就菩薩大願智幻解脫門

第三答言佛子下授已法界分三初名體

大有二義一願大願為一切諸佛母故二

牧一

十五

智大智亦二義權智即能起大願能成幻

事二實智即是般若生佛真身幻亦二義

一願智體虛當相名幻故上文云幻智即

是菩薩菩薩即是幻智故能無不為二者

即智所作生佛之義謂於己身不壞小而

廣容若於佛身無生起而現起又願收普

賢智收文殊皆入大幻同為般若亦名佛

母不壞小而廣容即廣狹無礙門無生起
而生起即事理無礙門又願收普賢等
者上約別願今是通願無願不收無智不
攝等願智相融皆是大幻成不共般若故
也生佛也

是故常為諸菩薩母佛子如我於此閻浮提

中迦毗羅城淨飯王家右脇而生悉達太子

現不思議自在神變如是乃至盡此世界海

所有一切毗盧遮那如來皆入我身示現誕

生自在神變又善男子我於淨飯王宮菩薩

將欲下生之時見菩薩身一一毛孔咸放光

明名一切如來受生功德輪一一毛孔皆現

不可說不可說佛刹微塵數菩薩受生莊嚴

彼諸光明皆悉普照一切世界照世界已來

入我頂乃至一切諸毛孔中又彼光中普現

一切菩薩名號受生神變宮殿眷屬五欲自

娛又見出家往詣道場成等正覺坐師子座

菩薩圍繞諸王供養為諸大眾轉正法輪又

見如來往昔修行菩薩道時於諸佛所恭敬

供養發菩提心淨佛國土念念示現無量化

身充徧十方一切世界乃至最後入般涅槃

如是等事靡不皆見又善男子彼妙光明入

我身時我身形量雖不踰本然其實已超諸

世間所以者何我身爾時量同虛空悉能容

受十方菩薩受生莊嚴諸宮殿故

二是故下業用二初總二佛子如我下別

於中有四初為現在遮那母二初標為刹

海遮那母二又善男子下別顯生佛之相

文中四初毛光為先相復分為五初光入

身二又彼光中下光現變三又見出家下

現八相四又見如來下現因果五又善男子下令身難思謂身不大而容十方無盡法界

爾時菩薩從兜率天將降神時有十佛刹微塵數諸菩薩皆與菩薩同願同行同善根同

教一

十六

莊嚴同解脫同智慧諸地諸力法身色身乃至普賢神通行願悉皆同等如是菩薩前後圍繞又有八萬諸龍王等一切世主乘其宮殿俱來供養菩薩爾時以神通力與諸菩薩普現一切兜率天宮一一宮中悉現十方一切世界閻浮提內受生影像方便教化無量衆生令諸菩薩離諸懈怠無所執著又以神力放大光明普照世間破諸黑闇滅諸苦惱令諸衆生皆識宿世所有業行永出惡道又為救護一切衆生普現其前作諸神變現如

教一

十七

是等諸奇特事與眷屬俱來入我身彼諸菩薩於我腹中遊行自在或以三千大千世界而為一步或以不可說不可說佛刹微塵數世界而為一步

第二正明自在入胎五初爾時菩薩下眷屬翼從二菩薩爾時下菩薩現通三又以神力下光明息苦四又為救護下現變入胎五彼諸菩薩下入已遊步

又念念中十方不可說不可說一切世界諸如來所菩薩衆會及四天王天三十三天乃至色界諸梵天王欲見菩薩處胎神變恭敬供養聽受正法皆入我身雖我腹中悉能容受如是衆會而身不廣大亦不迫窄其諸菩薩各見自處衆會道場清淨嚴飾
三又念念中下腹包衆海

善男子如此四天下閻浮提中菩薩受生我
 為其母三千大千世界百億四天下閻浮提
 中悉亦如是然我此身本來無二非一處住
 非多處住何以故以修菩薩大願智幻莊嚴
 解脫門故

四善男子下舉此類於百億世界稱一性
 故體周徧故不如事故又上句不壞多故
 下句不壞一故又上句理如事故下句事
 如事故又一與多相即入故此並釋中智
 幻之義 本末無二稱一性故者疏以躡上
 即此多身便云本來無二多皆稱
 性故若約事說亦可本唯一耳下非一處
 住非多處住總有四釋第一唯就體上以
 辯非一處非多云不如事故者謂理唯一
 味不如事之多也第二對約不壞性相說
 上句不壞相下句不壞性亦是不壞一多
 說此一即是對別約事之一第三對約事
 理相如說相如即無礙之義耳亦是事理
 相適第四對唯約於事互相融說即事
 無礙義然具即入二門通緣起相由法性
 融通及同體異體言並是釋中智幻之義

者以名中云大願智幻上廣引願為諸佛
 之母竟故此結中是釋上名中智幻之義
 也

善男子如今世尊我為其母往昔所有無量
 諸佛悉亦如是而為其母善男子我昔曾作
 蓮華池神時有菩薩於蓮華藏忽然化生我
 即捧持瞻侍養育一切世間皆共號我為菩
 薩母又我昔為菩提場神時有菩薩於我懷
 中忽然化生世亦號我為菩薩母善男子有
 無量最後身菩薩於此世界種種方便示現
 受生我皆為母善男子如此世界賢劫之中
故一
 過去世時拘留孫佛拘那含牟尼佛迦葉佛
 及今世尊釋迦牟尼佛現受生時我為其母
 未來世中彌勒菩薩從兜率天將降神時放
 大光明普照法界示現一切諸菩薩眾受生
 神變乃於人間生大族家調伏眾生我於彼

時亦爲其母如是次第有師子佛法幢佛善
眼佛淨華佛華德佛提舍佛弗沙佛善意佛
金剛佛離垢佛月光佛持炬佛名稱佛金剛
栴佛清淨義佛紺身佛到彼岸佛寶燄山佛
持明佛蓮華德佛名稱佛無量功德佛最勝
燈佛莊嚴身佛善威儀佛慈德佛無住佛大
威光佛無邊音佛勝冤敵佛離疑惑佛清淨
佛大光佛淨心佛雲德佛莊嚴頂髻佛樹王
佛寶璫佛海慧佛妙寶佛華冠佛滿願佛大
自在佛妙德王佛最尊勝佛栴檀雲佛紺眼
佛勝慧佛觀察慧佛熾盛王佛堅固慧佛自
在名佛師子王佛自在佛最勝頂佛金剛智
山佛妙德藏佛寶網嚴身佛善慧佛自在天
佛大天王佛無依德佛善施佛燄慧佛水天
佛得上味佛出生無上功德佛仙人侍衛佛

九

十九

隨世語言佛功德自在幢佛光幢佛觀身佛
妙身佛香燄佛金剛寶嚴佛喜眼佛離欲佛
高大身佛財天佛無上天佛順寂滅佛智覺
佛滅貪佛大燄王佛寂諸有佛毗舍佉天佛
金剛山佛智燄德佛安隱佛師子出現佛圓
滿清淨佛清淨賢佛第一義佛百光明佛最
增上佛深自在佛大地王佛莊嚴王佛解脫
佛妙音佛殊勝佛自在佛無上醫王佛功德
月佛無礙光佛功德聚佛月現佛日天佛出
諸有佛勇猛名稱佛光明門佛娑羅王佛最
勝佛藥王佛寶勝佛金剛慧佛無能勝佛無
能映蔽佛衆會王佛大名稱佛敏持佛無量
光佛大願光佛法自在不虛佛不退地佛淨
天佛善天佛堅固苦行佛一切善友佛解脫
音佛遊戲王佛滅邪曲佛瞻蔔淨光佛具衆

德佛最勝月佛執明炬佛殊妙身佛不可說
佛最清淨佛友安衆生佛無量光佛無畏音
佛水天德佛不動慧光佛華勝佛月皎佛不
退慧佛離愛佛無著慧佛集功德蘊佛滅惡
趣佛普散華佛師子吼佛第一義佛無礙見

教一

二十

佛破他軍佛不著相佛離分別海佛端嚴海
佛須彌山佛無著智佛無邊座佛清淨住佛
隨師行佛最上施佛常月佛饒益王佛不動
聚佛普攝受佛饒益慧佛持壽佛無滅佛具
足名稱佛大威力佛種種色相佛無相慧佛
不動天佛妙德難思佛滿月佛解脫月佛無
上王佛希有身佛梵供養佛不瞬佛順先古
佛最上業佛順法智佛無勝天佛不思議功
德光佛隨法行佛無量賢佛普隨順自在佛
最尊天佛如是乃至樓至如來在賢劫中於

此三千大千世界當成佛者悉爲其母如於
此三千大千世界如是於此世界海十方無
量諸世界一切劫中諸有修行普賢行願爲
化一切諸衆生者我自見身悉爲其母

二善男子下爲過去諸佛母三善男子下

爲賢劫千佛母義通三世四如於此下結

通橫豎無窮

爾時善財童子白摩耶夫人言大聖得此解
脫經今幾時答言善男子乃往古世過不可
思議非最後身菩薩神通道眼所知劫數爾

教一

三

時有劫名淨光世界名須彌德雖有諸山五
趣雜居然其國土衆寶所成清淨莊嚴無諸
穢惡有千億四天下有一四天下名師子幢
於中有八十億王城有一王城名自在幢有
轉輪王名大威德彼王城北有一道場名滿

月光明其道場神名曰慈德時有菩薩名離垢幢坐於道場將成正覺有一惡魔名金色光與其眷屬無量衆俱至菩薩所彼大威德轉輪聖王已得菩薩神通自在化作兵衆其數倍多圍繞道場諸魔惶怖悉自奔散故彼菩薩得成阿耨多羅三藐三菩提時道場神見是事已歡喜無量便於彼王而生子想頂禮佛足作是願言此轉輪王在在生處乃至成佛願我常得與其爲母作是願已於此道場後曾供養十那由他佛善男子於汝意云何彼道場神豈異人乎我身是也轉輪王者今世尊毗盧遮那是我從於彼發願已來此佛世尊於十方刹一切諸趣處處受生種諸善根修菩薩行教化成就一切衆生乃至示現住最後身念念普於一切世界示現菩薩

受生神變常爲我子我常爲母善男子過去現在十方世界無量諸佛將成佛時皆於齋中放大光明來照我身及我所住宮殿屋宅彼最後生我悉爲母

三爾時善財下辦法眼根源二初問二答言下答文中六初輪王久遠非後身菩薩所知者顯唯佛知非但久遠亦顯時無時相佛智契故二彼王城下有佛魔來三彼大威德下聖帝助降表智王助體本覺現故此時已得菩薩神通明今始成非實始也四時道場下場神與願智假慈與故神於王生如一子想五善男子下結會古今六我從於彼下爲母普周前來爲生時之母即是願母此明爲佛成道時母即是智母齋中放光者生長同氣之所表佛佛皆

從無二理生故

善男子我唯知此菩薩大願智幻解脫門如
 諸菩薩摩訶薩具大悲藏教化衆生常無厭
 足以自在力一一毛孔示現無量諸佛神變
 我今云何能知能說彼功德行善男子於此
 世界三十三天有王名正念其王有女名天
 主光汝詣彼問菩薩云何學菩薩行修菩薩
 道時善財童子敬受其教頭面作禮繞無數
 而戀慕瞻仰却行而退

後三段可知

遂往天宮見彼天女禮足圍繞合掌前住白
 言聖者我已先發阿耨多羅三藐三菩提心
 而未知菩薩云何學菩薩行云何修菩薩道
 我聞聖者善能誘誨願爲我說

第二遂往天宮下十友別明會緣然位德

故一

王三

已極託迹凡流深悲接生不標神異但以
 法利人又顯求者道深或但不法門之名
 則惡領旨趣第一天主光即幻智念力善
 友言天主光者謂悲智勝用光淨自在破
 闡義故父名正念者此由定發故故法門

名無礙清淨念初一句即依教趣求第二

見彼下見敬詣問

天主光女父名正念者即第三會問梵行之王

也又云往三十三天者是摩耶捨化所生天也則知摩耶非獨在天故晉經云在迦毘羅城

天女答言善男子我得菩薩解脫名無礙念

清淨莊嚴善男子我於此解脫力憶念過去
 有最勝劫名青蓮華我於彼劫中供養恒河
 沙數諸佛如來彼諸如來從初出家我皆瞻
 奉守護供養造僧伽藍營辦什物又彼諸佛
 從爲菩薩住母胎時誕生之時行七步時大

師子吼時住童子位在宮中時向菩提樹成正覺時轉正法輪現佛神變教化調伏衆生之時如是一切諸所作事從初發心乃至法盡我皆明憶無有遺餘常現在前念持不忘又憶過去劫名善地我於彼供養十恒河沙數諸佛如來又過去劫名為妙德我於彼供養一佛世界微塵數諸佛如來又劫名無所得我於彼供養八十四億百千那由他諸佛如來又劫名善光我於彼供養閻浮提微塵數諸佛如來又劫名無量光我於彼供養二十恒河沙數諸佛如來又劫名最勝德我於彼供養一恒河沙數諸佛如來又劫名善悲我於彼供養八十恒河沙數諸佛如來又劫名勝遊我於彼供養六十恒河沙數諸佛如來又劫名妙月我於彼供養七十恒河沙數

諸佛如來善男子如是憶念恒河沙劫我常常不捨諸佛如來應正等覺從彼一切諸如來所聞此無礙念清淨莊嚴菩薩解脫受持修行恒不忘失如是先劫所有如來從初菩薩乃至法盡一切所作我以淨嚴解脫之力皆隨憶念明了現前持而順行曾無懈廢

第三天女答下示已法門於中二先標名謂以一念無礙智普觀三世無不明現而無去來今為無礙念不雜異念為清淨念念佛功德有益悲智故曰莊嚴後善男子

教一
下明業用於中三一念最初一劫二又憶下中間諸劫三善男子如是憶下總結多劫非唯憶念亦於彼多劫多佛聞持此門善男子我唯知此無礙念清淨解脫如諸菩薩摩訶薩出生死夜朗然明徹永離癡冥未

嘗惛寐心無諸蓋身行輕安於諸法性清淨
 覺了成就十力開悟羣生而我云何能知能
 說彼功德行善男子迦毗羅城有童子師名
 曰徧友汝詣彼問菩薩云何學菩薩行修善
 薩道時善財童子以聞法故歡喜踊躍不思
 議善根自然增廣頂禮其足繞無數而辭退
 而去

後三段並可知下諸善友六段之文多有
 不具皆可思準

從天宮下漸向彼城至徧友所禮足圍繞合
 掌恭敬於一面立白言聖者我已先發阿耨
 多羅三藐三菩提心而未知菩薩云何學善
 薩行云何修菩薩道我聞聖者善能誘誨願
 為我說徧友答言善男子此有童子名善知
 衆藝學菩薩字智汝可問之當為汝說

第二童子師徧友幻智師範善知識謂為
 童蒙師徧與衆生為善友故居迦毗羅黃
 色城者中道執物故不得法者略有四義
 一與衆藝法門同故二法有所付顯流通
 故三表一切法門體無二故四表無所得
 方為得故

等二通友可知

大方廣佛華嚴經疏鈔會本第七十六之一

音釋

防符防方切禦禦魚巨切扞扞侯肝切拒拒也璫璫音當耳
 條音狄階階音皆禮禮音皆切切摩訶摩訶音行行音乘乘音行行音以以音淺淺音切切
 丘丘音迦迦音躡躡音尼尼音輒輒音切切摩訶摩訶音行行音乘乘音行行音以以音淺淺音切切

大方廣佛華嚴經疏鈔會本第七十六之三 牧二

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財即至其所頭頂禮敬於一面立白

言聖者我已先發阿耨多羅三藐三菩提心

而未知菩薩云何學菩薩行云何修菩薩道

我聞聖者善能誘誨願為我說

第三善知衆藝幻智字母善知識中初二

可知

時彼童子告善財言善男子我得菩薩解脫

名善知衆藝

第三時彼童子下授已法門中二初標名

體謂以無礙智窮世間之伎藝故

我恒唱持此之字母

二我恒下顯其業用字母為衆藝之勝書

說之本故偏明之有標列結列有四十二

門二我恒下顯其業用者文有三一標章

正意言字母為衆藝之勝者出偏示所

以也標知衆藝而偏釋故智論云諸陀

羅尼皆從分別語生四十二字是一切字

根本因字有語因語有名因名有義菩薩

若聞其字乃至能了其義是字初阿後茶

中有四十得是字陀羅尼多所成益乃至

廣說又如本行樂云爾時菩薩為諸童子

一一分別字之本末乃至訓化三萬二千

童子勤發無上真正道意是知字為衆藝

之本故十地中以皆言般若波羅蜜門者

從字入於無相智故字義為門故毗盧遮

那經中皆言不可得智無所得即般若故

又文殊五字經云受持此陀羅尼即入一

切法平等速得成就摩訶般若纒誦一徧

如持一切八萬四千修多羅藏然初五字

若準阿目佉三藏即全是文殊真言若準

今本而第二一字不同今依彼經釋之皆

所不堪為化是等故燕存有無說釋曰因
 字是有無相智是無故念誦喻伽之者先
 觀一相後入字義也阿字相觀云八葉白
 蓮一時開炳現阿字素光色斯即字相也
 而智表菩提心悟本不生圓滿具足猶如
 月輪即是字義相有義無故云波羅蜜
 今經唱阿字時即是相也入般若波羅蜜
 門即是無相智也智論云此字是實相門
 則顯三種般若若不捨離字即名實相若
 入般若波羅蜜門即觀照般若若悟不生等
 即實相般若也故此處下第二明引遮那
 又上義證今即文證不可得言即般若相
 故般若中廣說無得為般若故又文殊下
 第二引五字證為般若門然初五字下第
 二釋別列中合為四十二段今跡有三初
 別釋五字約五字陀羅尼經而引不空會
 通字音然古諸德於此經中不多解釋靜
 法有章名為澁澁六門分別一釋名二體
 性三建立四釋相五利益六問答而其釋
 相亦廣引諸經而不全具又諸經字音參
 雜以梵音輕重三藏解釋不若下義但取
 字同故多乖舛如混禁以阿字為礙中亦
 囉字為多此等不以義定故多訛謬今亦
 別有一章總引十經一論一典善譯華嚴
 四十二字門二大般若第四百九十三引
 大品般若第八四放光般若第六五光讚
 般若第十六普曜經第七與善三藏別
 譯文珠問般若字母第八別譯金剛頂伽
 智度論其五字經唯釋初之五字一論一具

入無差別境界
 一阿者是無生義以無生之理統該萬法

故經云無差別境而菩薩得此無生則能
 達諸法空斷一切障故云威力今素定用
 分二先別釋五字後收攝圓融今初五字
 鈔却廣引五字分為五段文皆有三一
 本經字母二以彼經義釋之三會今經之
 意今初阿者即第一勝經字母即今經之
 唱阿字時今但略取所勝之字下四十一
 字釋義皆然二是無生義即五字釋義
 三以無生之理下會釋今經云一切法皆
 悉無生故無差別故上經云一切法無生
 一切法無差別故上經云一切法無生
 大般若初生故智論釋云若菩薩一切
 語法中聞阿字時即時隨義所謂一切法

從初來不生相阿提秦言初阿釋波薩秦
言不生故釋曰論文二節一隨釋義二
阿提秦言初下會釋方言下四十一字皆
然見此論文則知四十二字皆是所依之
相從此入於無得般若故名般若若之門
於光云阿者謂諸法來入不見有起光諸
云阿者因緣之門一切法已過去者亦無
所起釋曰上二經起即生義因緣之門從
緣生也文殊問經云阿者是無常聲普曜
云然此言云無者是宜無常苦空無我之
音上二經似同小乘之無若取無彼常等
即與無生義同此初阿字上聲短呼故譯
濕槃惡字當初雖呼小異義亦同也故云
惡者不破壞故不破壞者名曰三寶喻如
金剛亦同
無生義

唱多字時入般若波羅蜜門名無邊差別門

二多者彼經第二當囉字是清淨無染離

塵垢義今云多者毗盧遮那經釋多云如

如解脫金剛頂云如不可得故謂如即

無邊差別故如不可得此順多字義應是

譯人之誤囉多二字字形相近聲相濫故

若順無塵垢釋以無邊之門方淨塵垢多

者此廣釋經也彼經第二下疏釋有五
依五字釋二今云多下幸今多釋三如即
無邊差別者會經也四應是譯人下會釋
偏正言字形相近者今示二梵之形此多
字欠囉字此二小近聲相濫者同疊韻故
五若順無塵下正以囉字會釋經文以諸
經字義第二多同故大品云囉字悟一切
法離塵垢故放光云二囉者垢貌於諸法
無有塵光讚云是囉之門法離塵垢金剛
頂云囉者一切法離故涅槃云囉者能壞
貪真癡說真實法亦壞塵垢義智論云若
聞囉字即隨義知一切法離塵垢相以囉
業言垢故以上諸經皆第二
囉字同離垢義故無感矣

唱波字時入般若波羅蜜門名普照法界

三波者五字經云亦無第一義諦諸法平

等謂真俗雙亡是真法界諸法皆等即是

普照三波者別譯及餘經論多是波字今

切法勝義教大品云波者第一義故放光

云波者諸法泥洹最第一義文殊問經云

出勝義釋曰上諸經皆第一義第一義但

是所達唯金剛頂云波者第一義第一義

則具般若相矣故疏云謂真俗雙亡下會
經前二字以第一義遺俗今亦無第一義
則復追真為雙亡真俗是真法界上即所
照從諸法皆等下舍普照義智論云若聞

跛字即知一切法入第一義以波羅末陀
秦言第一義故釋曰此亦但入第一義耳

唱者字時入般若波羅蜜門名普輪斷差別

四者者諸法無有諸行謂諸行既空故徧

摧差別四者與善譯為左字義則全同五

下會經大般若云入者字門悟一切法遠
離生死若生若死皆無所得釋曰諸行即

生死體也然諸經多明生死之行大品溼
槃義當遮字俱明出世之行大品云遮字

修不可得涅槃云遮者即是修義調伏一
切諸衆生故然出世行亦不可得方為般

若之門耳智論云若聞遮字即時知一切
法諸行皆悉非行以遮利夜秦言行故

唱那字時入般若波羅蜜門名得無依無上

五那者諸法無有性相言說文字皆不可

得謂性相雙亡故無所依能所詮亡是謂

無上五那者別譯為義字義全同文中先

經文諸經多見那字大般若云問那字門

入一切法遠離名相若名若相皆以無所

得而為方便故大品云那字門諸法離名
性相不同不失故放光云那者謂於諸法

字本性亦不得亦不失光讚云是那之門
一切諸法離諸名字計其本淨而不可得

普曜云其言不者出不隨衆生離名色之
音故文殊問經云曩字是遍知名色之聲
金剛頂亦云名色亦不可得上三經皆云
名色名即名字總取二字為生死自性涅
槃云那者三寶安住無有傾動論如門闢
釋曰其實三寶永離名相智論云若聞那
字即知一切法不得不失不
來不去以那素秦言不故

又云以那字無性相故者字無有諸行者

字無有諸行故跛字無第一義跛字無第

一義故囉字無塵垢義以囉字無塵垢義

故阿字法本不生又云以那字下第二收

後倒收謂由第五雙無性相何有第四諸

行諸行即相故有相則有第三第一義諦

既無有行何有第一義諦由第一義空故

有第二本來清淨既無第三何有第二由

第二本淨故方說不生阿字法本不生故

既無第二何有不生阿字法本不生故

那字無有性相阿字法本不生故

阿字生第五那字則周而如環謂不生之

中何有性相故今五字互相生起旋轉無
礙汝知是要當觀是心本來清淨無染無
著離我所分別之相汝知是要下結成
觀行悟本清淨成

三空觀云離我我所即遮那經中字義
法故上三段皆五字經文遮那經中字義
與此無殊下多依彼經及阿目佉所譯而

梵音輕重有殊釋義無別遮那經下會釋
二文亦是結前

生後結前五字生後餘三十七字多依彼
經即此盧遮那經及阿目佉所譯即別譯

華嚴四十二字門此別譯義既與大般若
同則是依夫般若而有二三字音小異故

不言依耳然阿目佉別譯皆先牒經般若
之名而別名為先後方釋義次下當見

唱邏字時入般若波羅蜜門名離依止無垢

六邏字悟一切法離世間故愛支因緣永

不現故離世故無依愛不現故無垢六邏
字彼

為攝字云稱攝字時入無垢般若波羅蜜
悟一切法出世間故愛支因緣永不現故

釋曰今疏但引釋義更不引經彼與今經
全同但此別名在下彼別名在上耳然準

五字及彼譯四十二字初十二字唯第五
有不可得言餘十一字即以不生清淨亦

無無有等為般若相餘三十字皆有不可
得言不可得言即般若相其不生等亦般

若相故有不可得言更不於不可得言若諸
字中無不可得及不生等則但是所依之

法如前遮字無有諸行若無有但言於
遮遮即行故但是所依如色即是有空是般

若相若但云色但是所空耳諸字例然亦
如下第十五迦字云作者不可得若無可
得但是作者耳迦即作者故餘皆準之此
下諸字文亦多三初牒字母次引彼釋後
會經文牒字之文下鈔不科後二皆科而
經若易蕪無會經但引義耳今此具二先
引彼釋後離世間下會釋今經可知然大
品放光等多為邏字耳智論云聞邏字即
知一切法離輕重相以還此云輕故意明
有感為重斷即為輕今不可得亦無輕矣
即無無明亦盡也

唱拖字時入般若波羅蜜門名不退轉方便

七拖字悟一切法調伏寂靜真如平等無

分別故方為不退轉方便七拖字別譯為
娜字大品為施

字放先為拖義皆同也文中先釋義後方
為不退轉下會經也智論云若開拖字知

一切法善相以施摩秦言善故釋
曰調伏寂靜真如平等善之極也

唱婆字時入般若波羅蜜門名金剛場

八婆字悟一切法離縛解故方入金剛場

八婆上聲字別譯及般若皆為應字與蒲
我反大同文中先釋義後方入金剛場者

會經如佛入金剛三昧斷如金剛惑在金
剛場則無縛解為真斷也智論云若問婆

字即知一切法無縛
脫以婆他此言轉故

唱茶字時入般若波羅蜜門名曰普輪

九茶字悟一切法離熱矯穢得清涼故是

普摧義九茶字別譯為等字二俱上聲大

品放光亦為茶字文中先釋義後是普摧義即會經也智論云若聞茶字即知諸法不熱天竺茶開陀秦言不熱故釋

日若茶是不熱則前離熱已是
所遺得清涼故方為般若之相

唱沙字時入般若波羅蜜門名為海藏

十沙字悟一切法無罣礙故如海含像十沙

波我字別譯為灑字大品放光等皆為沙字文中先釋義後如海含像若會經像之與水不相礙故智論云若聞沙字即知人身六種之相以沙此言六故釋曰以大品

云沙字門諸法六自在王性清淨故即內六處為六自在王心海湛然不礙見聞覺知猶如湛海不礙像故

唱縛字時入般若波羅蜜門名普生安住

十一縛字悟一切法言語道斷故能徧安

住第十一縛縛可字此下疏文恐繁不舉次第今鈔勝疏欲令不亂皆如次第若有

會經即科出之其釋義或略不指文中能
遍安住即是會經此乃仍上釋義便會經
文智論云若聞縛字知一切法離
言語相以縛婆他秦云語言故

唱哆字時入般若波羅蜜門名圓滿光

哆字悟一切法真不動故不動則圓滿發

光十二哆字從不動則圓滿發光會經也如蜜室燈定如止水影圓契於如知

無動矣智論云若聞哆字即知諸法在如中不動以哆他秦言如故

唱也字時入般若波羅蜜門名差別積聚

也字悟如實不生故則諸乘差別積聚皆

不可得十三也字悟如實不生是釋義則知諸法入在實相等不生不滅以夜他跋秦言實故釋曰得此論釋知異第一阿字

彼云初不生今云如實不生則不生所依法體異也

唱瑟吒字時入般若波羅蜜門名普光明息

煩惱

瑟吒字悟一切法制伏任持相不可得故

普光明即能制伏任持煩惱即所制伏息

即伏羲十四瑟吒字後普光明下會經智
障礙故釋曰障礙即制伏在持

唱迦字時入般若波羅蜜門名無差別雲

迦字悟作者不可得則作業如雲皆無差

別十五迦字悟作者不可得此字上略一

悟一切法下猶有不可得此後諸字皆上有

論云若聞迦字即知諸法中無有作者以

何有作業業既如雲不可

承攬無我無造故無差別

唱娑字時入般若波羅蜜門名降靈大雨

娑上字即時平等性十六娑字但有釋義

等性不可得故智論云若聞娑字知一切

法一切種不可得故以薩婆秦言一切故釋

曰論云一切種智故普羅云其言智者出

智慧不壞音金剛頂云一切法諦不可得

也智應時而說亦可得故今經名降注大雨

唱摩字時入般若波羅蜜門名大流湍激衆

峯齊峙

麼字即我所執性我慢高舉若峯齊峙我

慢則生死長流湍馳奔激十七麼字若別

為第八大品云麼即悟一切法我所執性

不可得我慢高舉下會經智論云若聞麼

字知一切法離我所執

義以麼迦秦言我所故

唱伽字時入般若波羅蜜門名普安立

伽字即一切法行取性十八伽字別譯為

故不會經若欲會者以行取故而能安立

智論云若聞伽字即知一切法底不可得

以伽隨秦言底故釋曰

行取即生死底甚深故

唱他字時入般若波羅蜜門名真如平等藏

他字即是處所性十九他字疏但釋義易

是所依處出三一切終歸此故智論云若

聞他字即知四句如去不可得以多他阿

伽度秦言如去故如去

即是處所如來時去故

淨 唱社字時入般若波羅蜜門名入世間海清

社字即能所生起
二十社字別譯為慈字但舉其義若會經者有能有所是世間海故贊首品能緣所緣力一切法出生速滅不覺停念念念悉如是今不可得成般若矣智論云若聞闍字即知諸法生死不可得以闍提闍羅秦言生死故

唱鎖字時入般若波羅蜜門名念一切佛莊

嚴

鎖字即安隱性
二十一鎖字別譯是婆嚩安隱故智論云若而濕波字即知一切法不可得如濕波字不可得論云濕波字無別義而光讚中云無所起無所起即安隱義

唱施字時入般若波羅蜜門名觀察簡擇一

切法聚

施字即能持界性
二十二施字別譯為馱有施字注之為上故然經云揀擇法聚即能持界性法聚差別即是界義各各持自性也智論云若聞馱字知一切法性不可得以馱摩此云法故

唱奢字時入般若波羅蜜門名隨順一切佛

教輪光明

奢字即寂靜性
二十三奢字別譯為捨大會經者寂靜則順佛教智論云若聞餘字即知諸佛寂滅相以除多餘此云寂滅故

藏

唱佉字時入般若波羅蜜門名修因地智慧

佉字即如虛空性
二十四佉字若會經者論云若聞佉字知一切法等於虛空不可得義以佉伽秦言虛空故

唱又字時入般若波羅蜜門名息諸業海藏

又字即盡性
二十五又別譯為澁澁字若會經者業海深廣無不包舍非是無為終竟須盡智論云若聞又字則知一切法盡不可得以又耶秦言盡

唱娑多字時入般若波羅蜜門名蠲諸惑障

開淨光明

娑多字即任持處非處令不動性感障為
非處開淨光明為其處
二十六娑多先釋下會經智論云若聞娑多字即知諸法邊不可得以阿利迦多度求那秦言是事邊

不可得釋曰以大品云多字門諸法有不可得故論為此釋以有即有邊必對無故有是妄惑故為非處以為有邊無是真空故名為處故為無邊惑智雙絕即不可得

唱壞字時入般若波羅蜜門名作世間智慧門
壞字即能所知性二十七壞字別譯為壞字若會經者能所知性即智慧門能知為智慧智慧即門所知為智慧智慧之門智論云若聞卷字即知一切法中無智相以慈那秦言
查故釋曰但有能知必有所耳

唱曷攤多字時入般若波羅蜜門名生死境界智慧輪

曷攤多字即執著義性執著為生死境界

即智慧輪二十八曷攤多別譯為攝他上有四義一文義是所詮義二境義是所緣境三道理義謂苦無常等四性義即第一義空今是第二生死是果執著是因並是智慧所說境義智論云若聞曷攤多字即知一切法義不可得
以阿利他秦言義故
唱婆字時入般若波羅蜜門名一切智宮殿

圓滿莊嚴

婆字即可破壞性圓滿之言不空譯為道場然此婆字宜滿餓反諸本多云蒲我則與第八不殊二十九婆字圓滿之言下會稱婆字時入一切宮殿道場莊嚴殿若波羅蜜門以梵云曼荼羅通圓滿道場二義故智論云若聞婆字了知一切法不可得破壞相以婆伽秦言破故釋曰經中宮殿莊嚴以從緣故亦可破壞以不可得即非莊嚴方為圓滿成般若夫從然此婆下會共文謂順於諸經多是去聲故

唱車字時入般若波羅蜜門名修行方便藏各別圓滿

車字即欲樂覆性三十車字別譯為護若故各別圓滿智論云若聞車字即知一切法無所去以伽車秦言去故大品亦云聞車字時入諸法欲不可得而論云去者以放光云車者無可棄去即是樂欲所去耳
見諸佛
唱娑麼字時入般若波羅蜜門名隨十方現

娑麼字即可憶念性

三十一 娑麼會經可知智論云若聞濕

森字即知諸法堅牢如金剛石義以阿濕
森秦言石故釋曰意明專念堅牢我心匪
石不可轉也
亦不可得

唱訶婆字時入般若波羅蜜門名觀察一切

無緣衆生方便攝受令出生無礙力

訶婆字即可呼召性無緣召令有緣故

三
二 訶婆字別譯為訶轉文中釋義無緣召
令有緣即會經也智論云若聞火字即知
一切法無音聲以
火夜秦言喚來故

唱縊字時入般若波羅蜜門名修行趣入一

切功德海

縊字即勇健性

三十三 縊字別譯為多婆
字若會經者勇健方能修
入功德智論云若聞縊字即知一切法無
怪無施以未縊羅秦言怪故釋曰無怪最
勇健施為行首勇
而能行故偏說耳

唱伽字時入般若波羅蜜門名持一切法雲

堅固海藏

廿三

十二

伽字即厚平等性

二十四 伽字若會經者
如地之厚平等能持亦

能含藏如海平等能持能包雲雨說法智
論云若聞伽字即知諸法不厚不薄以伽
那秦言厚故釋曰厚薄
之事事則已入般若矣

唱吒字時入般若波羅蜜門名隨願普見十

方諸佛

吒字即積集性

三十五 吒字別譯為陀
能普見智論云若聞吒字即知一切法無
住處南天竺地那此言處故釋曰積即念
念即
處也

唱拏字時入般若波羅蜜門名觀察字輪有

無盡諸億字

拏字即離諸諠諍無往無來行住坐卧謂

以常觀字輪故

三十六 拏字別譯為偈字
先釋義後謂以常觀下會
經智論云若聞拏字即知一切法及眾生
不去不來不生不滅不即不立眾生空法
空以南天竺云拏秦言不故釋曰去等即
是喧諍無即是不上二俱不可得方為般
若

唱娑頗字時入般若波羅蜜門名化衆生究竟處

娑頗字即徧滿果報

三十七娑頗字別譯但云頗字若會經者

化生究竟方為遍滿果報智論云若聞頗字即知一切法因果皆至以頗羅秦言空故釋曰因果俱空方為圓滿亦不可得

唱娑迦字時入般若波羅蜜門名廣大藏無礙辯光明輪徧照

娑迦字即積聚蘊性

三十八娑迦字別譯為塞迦若會經者蘊積為廣大藏無礙光輪所積蘊也智論云

若聞歌字即知一切法五眾不可得以歌大悉言衆故釋曰五眾即五蘊也略舉一蘊耳

唱也娑字時入般若波羅蜜門名宣說一切佛法境界

也娑字即衰老性相

三十九也娑字若會經者衰老性即佛法境界兼除老死者菩薩勇猛觀境也智論

云若聞娑字即知娑字空諸法亦爾釋曰以是通相更無別釋然衰老性即是別義

唱室者字時入般若波羅蜜門名於一切衆生界法雷徧吼

室者字即聚集足迹謂聚集即一切衆生

法雷即是足迹

四十室者字別譯云室左文中先釋義謂積集即下會經諸處即是足跡者佛所行跡故智論云若聞遮字即知一切法不動相義以遮

遍秦言動故釋曰以大品云遮字門諸法行不可得行即動義足即能行即因行有跡跡為所行若依此義法雷通吼即行法也

唱侘字時入般若波羅蜜門名以無我法開曉衆生

侘字即相驅迫性謂無我曉之即為驅迫

四十一侘別譯為吒文中先釋義後謂無我下會經智論云若聞吒字即知一切法此彼岸不可得以此羅秦言岸故釋曰即無我驅迫今至彼岸亦不可得若約表位此當等覺故法身欲滿始本欲齊故亡二岸

唱陀字時入般若波羅蜜門名一切法輪差別藏

陀字即究竟處所謂此究竟處含藏一切

法輪然新譯乃是茶字去聲引之四十二

中先釋義後謂此究竟下會經從然新譯

下會經字音即與善別譯也智論云若問

茶字即知一切法必不可得以此茶泰言

必故釋曰唯至究竟為必不可得故設若

中以無所得則得菩提又約表位此四十

二當妙覺故大品云茶字門入知諸法邊

竟處光讚云是陀之門一切法究竟邊際

盡其處所無生無死無有作者皆菩提意

也若約初發心時便成

正覺則初阿最後茶

上來從娑字來皆上有悟一切法下有不

可得言今並略之若具皆如瑟吒字耳其

中難者已釋餘以經疏相對文並可知更

有對會及修觀儀所得功德並別章具也

上來從娑字下第二總相結束於中分三

一會釋上文以疏恐繁故文略之若欲說

時應須一一具其上下一切等言如上云

智論多具上下二其中難者下二會上之

對會同異前已會竟二修觀儀式三所得

明所得功德者彼文結云又善男子如是

字門是悟入法界邊際除如是字義不可

法門不可顯示不可執取不可了持不可

說不可顯示不可執取不可了持不可

察難諸相故善男子譬如虛空是一切佛

所跡起處此諸字門亦復如是諸法空義

皆入此門方得顯了若菩薩摩訶薩於如

是入諸字門得善巧智於諸言音所詮所

表皆無罣礙於一切法平等空性盡能證

持於眾言音咸得善巧若菩薩摩訶薩能

聽如是入諸字門即顯字印聞已受持讀

誦通利為他解說不貪名利由此因緣得

二十種功德何等二十謂得強憶念得勝

斷憊得堅固力得法音趣得增上覺得殊

勝慧得無礙辯得總持門得無礙感得連

順不生患愛得無高下平等而住得於有

情言音善巧得善巧處善巧界善巧緣

起善巧因善巧緣善巧得法善巧得根勝

劣善巧得他心善巧得宿住隨念智善巧神境

得天耳智善巧得智善巧得宿住隨念智善巧神境

智善巧生死智善巧得往來威儀說善巧是為

非處智善巧得往來威儀說善巧是為

得二十種殊勝功德大般若放光讚大

同於此第三修觀儀式者彼文標名大方

廣佛華嚴經入法界品頌證毗盧遮那法

身字輪喻伽儀執釋云夫欲頓入一乘修

習毗盧遮那如來法身觀者先應發起普

賢善薩微妙行願復應以三密加持身心

則能悟入文殊師利大智慧海然修行若

晨初於空閑處攝念安心閉目端身結跏

跌坐運心普緣無邊刹海諦觀三世一切
 如來過於一佛菩薩前慈愍恭敬禮拜
 旋繞又以種種供養已復應觀自心本不生
 聖眾廣大供養已復應觀自心本不生
 自性成就光明遍照猶如虛空復應深起
 悲念哀愍眾生不悟自心輪迴諸趣我當
 普化技濟令其開悟盡無有餘復應觀察
 自心諸眾生心及諸佛心本無有異平等
 一相成大菩提心堂微清淨廓然周遍固
 明皎潔成大月輪量等虛空無有邊際復
 於月輪內右旋布列四十二梵宇悉皆全
 色放大光明照徹十方分明顯現一一光
 中共無量刹海一一刹海有無量諸佛一
 一諸佛有無量聖眾前後圍繞坐菩提場
 成等正覺智入三世身過十方轉大法輪
 及脫羣品悉令現證無住涅槃復應悟入
 般若波羅蜜四十二字門了一切法皆無
 所得能觀法界悉皆平等無異無別參分
 如者若能與是旋陀羅尼觀行相應即能
 現證毗盧遮那如來智身於諸法中得無
 礙障

善男子我唱如是字母時此四十二般若波

羅蜜門為首入無量無數般若波羅蜜門

結云四十二門者謂表四十二位故故智

論中諸位圓融明初阿具後諸字

善男子我唯知此善知眾藝菩薩解脫如諸
 菩薩摩訶薩能於一切世出世間善巧之法
 以智通達到於彼岸殊方異藝咸綜無遺文
 字算數蘊其深解醫方呪術善療眾病有諸
 眾生鬼魅所持冤憎呪詛惡星變怪死屍奔
 逐癩癘羸瘦種種諸疾咸能救之使得痊愈
 又善別知金玉珠貝珊瑚瑠璃摩尼磲磔雞
 陸羅等一切寶藏出生之處品類不同價直
 多少村營鄉邑大小都城宮殿苑園巖泉藪
 澤凡是一切人眾所居菩薩咸能隨方攝護
 又善觀察天文地理人相吉凶鳥獸音聲雲
 霞氣候年穀豐儉國土安危如是世間所有
 技藝莫不該練盡其源本又能分別出世之
 法正名辯義觀察體相隨順修行智入其中
 無疑無礙無愚闇無頑鈍無憂惱無沈沒無

不現證而我云何能知能說彼功德行

第四謙推中推勝即就其所知衆藝寄勝

推之不捨世俗皆與實相不相違背會同

般若之門

善男子此摩竭提國有一聚落彼中有城名

婆咀那有優婆夷號曰賢勝汝詣彼問菩薩

云何學菩薩行修菩薩道

五指後婆怛那者此云增益以無盡三昧

能出生故友名賢勝者賢猶直善無依道

場直善之最故

時善財童子頭面敬禮知藝之足繞無數而

戀仰辭去

向聚落城至賢勝所禮足圍繞合掌恭敬於

一面立白言聖者我已先發阿耨多羅三藐

三菩提心而未知菩薩云何學菩薩行云何

修菩薩道我聞聖者善能誘誨願為我說

第四賢勝優婆夷幻智無依善友初二可

知

賢勝答言善男子我得菩薩解脫名無依處

道場既自開解復為人說又得無盡三昧非

彼三昧法有盡無盡以能出生一切智性眼

無盡故又能出生一切智性耳無盡故又能

出生一切智性鼻無盡故又能出生一切智

性舌無盡故又能出生一切智性身無盡故

又能出生一切智性意無盡故又能出生一

切智性功德波濤無盡故又能出生一切智

性智慧光明無盡故又能出生一切智性速

疾神通無盡故

三賢勝答下授已法門中二初得解脫後

得三昧今初直就經文內外無依即是道

場賢首云梵名那阿賴耶曼荼羅那者此云無也不也阿賴耶云依處也依止也曼荼羅云道場也圓場也謂無阿賴耶染分依處而有淨分圓場出生勝德不可窮盡即轉依究竟顯德無盡故也下二句即二利之用後得三昧先名後非彼下用即為釋名於中初揀濫後以能下顯是謂體則雙超盡及無盡但從用出生說無盡耳然則二門相成無依道場即空如來藏無盡三昧即是不空要心無依契於本空方見不空具性功德故云出生智性眼等息妄顯出故曰出生出非本無猶稱智性

善男子我唯知此無依處道場解脫如諸菩薩摩訶薩一切無著功德行而我云何盡能知說善男子南方有城名為沃田彼有長者

名堅固解脫汝可往問菩薩云何學菩薩行大
修菩薩道爾時善財禮賢勝足繞無數帀戀慕瞻仰辭退南行

指後云沃田者是南天竺近水沃潤故顯無念定水能滋長故長者名堅固解脫者無著清淨惑不能壞即解脫故

到於彼城詣長者所禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願為我說長者答言善男子我得菩薩解脫名無著念清淨莊嚴我自得是解脫已來於十方佛所勤求正法無有休息善男子我唯知此無著念淨莊嚴解脫如諸菩薩摩訶薩獲無所畏大師子吼安住廣大福智之聚而我云何能知

能說彼功德行善男子即此城中有一長者
名為妙月其長者宅常有光明汝詣彼問菩
薩云何學菩薩行修菩薩道時善財童子禮
堅固足繞無數帀辭退而行

第五堅固長者幻智無著善友示法門中

教二

十九

先顯名無著約境離所知故無念約心心

體離念故無煩惱二障永盡是曰清淨淨

則能嚴法身後我自得下彰用既二障不

生則無愛見故無求求法無厭無休

第五堅固

長者無念的心者即以無字兩用若無若
念三字連釋則無著的止而不礙念念明

此即止觀雙行也亦離二障則
以智斷而嚴法身三德備矣

向妙月所禮足圍繞合掌恭敬於一面立白

言聖者我已先發阿耨多羅三藐三菩提心

而未知菩薩云何學菩薩行云何修菩薩道

我聞聖者善能誘誨願為我說妙月答言善

男子我得菩薩解脫名淨智光明善男子我
唯知此智光解脫如諸菩薩摩訶薩證得無
量解脫法門而我云何能知能說彼功德行
善男子於此南方有城名出生彼有長者名
無勝軍汝詣彼問菩薩云何學菩薩行修菩
薩道是時善財禮妙月足繞無數帀戀仰辭
去

第六妙月長者幻智智光善友真智廓妄

名為淨智後智照法名為智光能淨能光

若秋空滿月故名妙月

漸向彼城至長者所禮足圍繞合掌恭敬於

一面立白言聖者我已先發阿耨多羅三藐

三菩提心而未知菩薩云何學菩薩行云何

修菩薩道我聞聖者善能誘誨願為我說長

者答言善男子我得菩薩解脫名無盡相我

以證此菩薩解脫見無量佛得無盡藏善男子我唯知此無盡相解脫如諸菩薩摩訶薩得無限智無礙辯才而我云何能知能說彼功德行善男子於此城南有一聚落名之爲法彼聚落中有婆羅門名最寂靜汝詣彼問菩薩云何學菩薩行修菩薩道時善財童子禮無勝軍足繞無數匝戀仰辭去

二十

第七無勝軍長者幻智無盡相善友法門之名即所成德相無窮盡故我以證下以用釋名得無盡藏謂聞諸妙法又諸心境無非佛法故若佛若法皆無有盡既見佛得法無盡故無能勝衆德所聚從喻如軍亦能普勝諸魔軍故皆從體出故城名出生第七無勝軍解脫有二釋一約用無盡又諸心境下二約體無盡既見佛下以

漸次南行詣彼聚落見最寂靜禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說婆羅門答言善男子我得菩薩解脫名誠願語過去現在未來菩薩以是語故乃至於阿耨多羅三藐三菩提無有退轉無已退無現退無當退善男子我以住於誠願語故隨意所作莫不成滿

廿一

廿二

第八最寂靜婆羅門幻智誠願語善友授法中先標名有二義故一始終無妄故如從初發心立弘誓言必如言行不乖先語故二者隨行不虛故如忍辱仙人言我不瞋令身還復後過去下以用釋名即如次釋前二義虛誑言息故云寂靜寂靜即爲

淨行言行君子之樞機苟能誠實斯則可

法故城名為法第八最寂靜即如次釋前二義者先釋始終無妄後

善男子我以住是下釋隨行不虛心行稱

言故所作成滿通二利滿虛誑言息下以

法釋名於中初釋最寂靜次寂靜即為淨

行釋婆羅門後言行君子之樞機下釋其

城名然此一句即周易繫辭子曰君子居

其室出其言善則千里之外應之況其過

者乎居其室出其言不善則千里之外違

之況其過者乎言出乎身加乎民行發乎

通見乎遠言行君子之樞機雖機動天地

之發榮辱之主言行君子之所以動天地

也可不慎乎雖為外典意與斯合但所行內外異耳

善男子我唯知此誠語解脫如諸菩薩摩訶

薩與誠願語行止無違言必以誠未曾虛妄

無量功德因之出生而我云何能知能說善

男子於此南方有城名妙意華門彼有童子

名曰德生復有童女名為有德汝詣彼問菩

薩云何學菩薩行修菩薩道

指後云妙意華門者妙意華者即蘇滿那

華其城門側有之故亦在南天當受其訓

得求友之妙意勝因之華故童子表於淨

智智則萬德由生童女表於淨慈悲為衆

德之本以悲智相導故二人同會會緣之

終此二滿故將見慈氏紹佛位故會緣之終此二

滿者即悲智滿言將見慈氏紹佛位者慈氏悲滿佛位智滿耳

時善財童子於法尊重禮婆羅門足繞無數

而戀仰而去

大方廣佛華嚴經疏鈔會本第七十六之二

音釋

跛補火切矯曲天切湍他官切壞如兩切

勒可統切療力照切鬼精怪也魅精怪也

呪詛則切願願也癩癩音類病音開

縊蕪可切惡烏故切邏魯可切擢勒可切娜奴可切鑠

蕪果切去印切茹

大方廣佛華嚴經疏鈔會本第七十七之一 牧三

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子漸次南行至妙意華門城見

德生童子有德童女頂禮其足右繞畢已於

前合掌而作是言聖者我已先發阿耨多羅

三藐三菩提心而未知菩薩云何學菩薩行

云何修菩薩道唯願慈哀為我宣說時童子

童女告善財言善男子我等證得菩薩解脫

名為幻住

第九德生有德幻智歸幻門善友第一依

教趣求第二見德生下見敬諮問第三時

童子下示已法門於中二初標名後業用

今初謂能所境智染淨之法皆從緣起無

定性故如幻而住

得此解脫故見一切世界皆幻住因緣所生

故一切衆生皆幻住業煩惱所起故一切世

間皆幻住無明有愛等展轉緣生故一切法

皆幻住我見等種種幻緣所生故一切三世

皆幻住我見等顛倒智所生故一切衆生生

滅生老病死憂悲苦惱皆幻住虛妄分別所

生故一切國土皆幻住想倒心倒見倒無明

所現故一切聲聞辟支佛皆幻住智斷分別

所成故一切菩薩皆幻住能自調伏教化衆

生諸行願法之所成故一切菩薩衆會變化

調伏諸所施為皆幻住願智幻所成故善男

子幻境自性不可思議

二得此解脫下明業用中二初別明後結

歎今初有十種幻皆上句標幻下句以緣

生釋成十中初一為總緣生世界並通染

淨刹海亦名世界故餘九為別初五約滌
分依他如幻緣生故一約有情苦果從業
惑集生二約十二因緣順觀即世間故次
第相由故云展轉三就五類法中但除無
為故云一切以無為無有起非幻緣生故

依三

二

異熟識等從無始惡習內執為我四惑相
應故云我見等及外取妄境云種種幻緣
故感心等悉皆如幻四五二句別明不相
應行四即是時謂依行相續不斷分位建
立為時所依行空時何所立妄計有體是

顛倒智五即無常生老等謂依生已壞滅
分位建立無常等皆妄分別有三就五類者疏文有
三一釋一切法即有為一切以無為下出
揀無為所以同掌珍論真性有為空故二
從異熟識等下出餘四類之果異熟是心
等餘七識及心所色法并不相應從無始
下釋我見等能成之固然我見有二一與
七識相應即執第八以為內我或謂我所

而四惑相應今言我見等者等取愛慢二
者與六識相應我執兼外取妄境以為我
所及起餘惑故云種種三惑感已下辨因
感果可知四五二句者然不相應有二上
四今二門中畧遺其四等於所餘四言
即是時者釋經三世三世是二十四中之
一時故從謂依行下出三世如幻之由行
即五蘊剎那生滅前後相續已謝為過去
未起為未來生已未謝名為現在離行之
外何有分位而有三世耶況所依行空能
依何有五即無常者即二十四中之三一
無常二生三老等即等上經言生滅及死
皆無常攝生老二字即是二法但畧無住
又諸聖教多有非恆有不無為滅名者
生名為有有非恆有不無為滅名者無
無非恆無不有非角由不無為滅名者無
二常之相故名無常謂依生已下顯如幻
所由故唯識第二云然有為法因緣力故
本無今有變有還無表異無為假力四相
本無今有有位名生位變停即說為住
住別前後復立異名變有還無無時稱滅
斯即依生已壞滅分位建立也言皆妄分
別者正顯幻因然其憂悲苦惱即生老中
事體非不相應行又上四五亦是前十二
因中別義四明次一切國土義通滌淨眾
生塗土多從三倒所生以不了唯心妄取
境界故上云一切國土但想所持既有妄

想故心見皆倒言無明所現亦通淨刹謂

登地已上無明未盡所見國土種種不同

既云無明則揀非佛土既有妄想者即出三倒也一思想二

心倒三見倒然十行品已廣分別彼有多義今是一義以心見非倒由想亂故令餘

二皆後三種但約淨分依他從緣如幻可

以意得後善男子下結歎言自性不思議

者幻法非有體不實故非無相非無故非

一性相異故非異無二體故空有相即一

異兩亡既離二邊亦忘中道由斯交徹故

能一中現多多皆即一重重無礙為不思

議故推勝云善入無邊諸事幻網有者此

中且約有無一異兼下中道以為三觀亦應有離四句又以合性相非一非俱非句

非異之義當非俱句既離二邊已是中道亦亡中道絕待中也上即事理無礙由斯

交徹下即事理無礙餘義如前

善男子我等二人但能知此幻住解脫如諸

第一三七冊 大方廣佛華嚴經疏鈔會本 一五·一五五七

菩薩摩訶薩善入無邊諸事幻網彼功德行

我等云何能知能說

第四善男子我等下謙已推勝

時童子童女說自解脫已以不思議諸善根

力令善財身柔軟光澤而告之言善男子於

此南方有國名海岸有園名大莊嚴其中有

一廣大樓閣名毘盧遮那莊嚴藏從菩薩善

根果報生從菩薩念力願力自在力神通力

生從菩薩善巧方便生從菩薩福德智慧生

善男子住不思議解脫菩薩以大悲心為諸

眾生現如是境界集如是莊嚴

第五時童子下指示後友於中二初以力

真加後而告下以言顯示於中三初指處

二示人三教問今初國名海岸者南海北

岸一生菩薩臨智海故園名大莊嚴因圓

八五 龍藏

萬行而嚴果故又生死園苑以萬行樹林
 嚴自果故廣大樓閣等者約事則其中廣
 博同虛空故有多光明能徧照故阿僧祇
 等寶所嚴故蘊多樓閣包多事故約法則
 二智相依緣起相由故云樓閣智即法界
 是為廣大名毘盧等順成上義二智光明
 徧照事理故智能包含萬德即莊嚴藏華
 嚴萬行不離此故上約其果從菩薩下出
 因善根果報約其宿因是彼善根之果報
 故念力願等約其現緣後住不思議下現
 依所為約事則下先釋廣大有多光下釋
 毗盧遮那阿僧祇下釋莊嚴蘊多
 接下
 釋藏
 彌勒菩薩摩訶薩安處其中為欲攝受本所
 生處父母眷屬及諸人民令成熟故又欲令
 彼同受生同修行衆生於大乘中得堅固故

又欲令彼一切衆生隨住地隨善根皆成就
教三
 故又欲為汝顯示菩薩解脫門故顯示菩薩
 徧一切處受生自在故顯示菩薩以種種身
 普現一切衆生之前常教化故顯示菩薩以
 大悲力普攝一切世間資財而不厭故顯示
 菩薩具修諸行知一切行離諸相故顯示菩
 薩處處受生了一切生皆無相故
 二彌勒菩薩下示人先正示後為欲下顯
 住因彌勒梵音具云迷帝隸此云慈氏其
 姓也具云迷諦隸者西域記亦
 翻為梅怛麗皆梵音輕重然有三緣
 一由本願過去值大慈如來因立大願願
 得斯號故二由此得慈心三昧故三由母
 懷時有慈心故如滿慈子名阿逸多此云
 無勝以生具相好勝德無過故今以姓而
 呼但云慈氏慈依智住故曰處中悲智雙

遊皆爲利物故云爲欲等然有三緣者此由遇慈氏如來故得慈心三昧轉相生謂母亦慈也慈依智住者上以樓閣爲二智故

汝詣彼問菩薩云何行菩薩行云何修菩薩道云何學菩薩戒云何淨菩薩心云何發菩

薩願云何集菩薩助道具云何入菩薩所住

地云何滿菩薩波羅蜜云何獲菩薩無生忍

云何具菩薩功德法云何事菩薩善知識

三詣彼下教問中二先正教興十問者表

無盡故

何以故善男子彼菩薩摩訶薩通達一切菩

薩行了知一切衆生心常現其前教化調伏

彼菩薩已滿一切波羅蜜已住一切菩薩地

已證一切菩薩忍已入一切菩薩位已蒙授

與具足記已遊一切菩薩境已得一切佛神

力已蒙一切如來以一切智甘露法水而灌六

其頂善男子彼善知識能潤澤汝諸善根能

增長汝菩提心能堅汝志能益汝善能長汝

菩薩根能示汝無礙法能令汝入普賢地能

爲汝說菩薩願能爲汝說普賢行能爲汝說

一切菩薩行願所成功德

後何以釋廣問所由先徵後釋徵意云

何以要須廣問釋有二意一所求德廣能

具說故後善男子汝不應下能求大心法

應爾故前中二初通顯彌勒德圓位滿後

善男子彼善知識下別顯是其真善友故

設若德滿非已有緣亦難求故

善男子汝不應修一善照一法行一行發一

願得一記住一忍生究竟想不應以限量心

行於六度住於十地淨佛國土事善知識何

以故善男子菩薩摩訶薩應種無量諸善根
應集無量菩提具應修無量菩提因應學無
量巧迴向應化無量衆生界應知無量衆生
心應知無量衆生根應識無量衆生解應觀
無量衆生行應調伏無量衆生應斷無量煩
惱女三應淨無量業習應滅無量邪見七應除無量
雜染心應發無量清淨心應拔無量苦毒箭
應泐無量愛欲海應破無量無明闇應摧無
量我慢山應斷無量生死縛應度無量諸有
流應竭無量受生海應令無量衆生出五欲
淤泥應使無量衆生離三界牢獄應置無量
衆生於聖道中應消滅無量貪欲行應淨治
無量瞋恚行應摧破無量愚癡行應超無量
魔網應離無量魔業應淨治菩薩無量欲樂
應增長菩薩無量方便應出生菩薩無量增

上根應明潔菩薩無量決定解應趣入菩薩
無量平等應清淨菩薩無量功德應修治菩
薩無量諸行應示現菩薩無量隨順世間行
應生無量淨信力應住無量精進力應淨無
量正念力應滿無量三昧力應起無量淨慧
力應堅無量勝解力應集無量福德力應長
無量智慧力應發起無量菩薩力應圓滿無
量如來力應分別無量法門應了知無量法
門應清淨無量法門應生無量法光明應作
無量法照耀應照無量品類根應知無量煩
惱病應集無量妙法藥應療無量衆生疾應
嚴辦無量甘露供應往詣無量佛國土應供
養無量諸如來應入無量菩薩會應受無量
諸佛教應忍無量衆生罪應滅無量惡道難
應令無量衆生生善道應以四攝攝無量衆

生應修無量總持門應生無量大願門應修
無量大慈大願力應勤求無量法常無休息
應起無量思惟力應起無量神通事應淨無
量智光明應往無量衆生趣應受無量諸有
生應現無量差別身應知無量言辭法應入
無量差別心應知菩薩大境界應住菩薩大
宮殿應觀菩薩甚深妙法應知菩薩難知境
界應行菩薩難行諸行應具菩薩尊重威德
應踐菩薩難入正位應知菩薩種種諸行應
現菩薩普徧神力應受菩薩平等法雲應廣
菩薩無邊行網應滿菩薩無邊證度應受菩
薩無量記莖應入菩薩無量忍門應治菩薩
無量諸地應淨菩薩無量法門應同諸菩薩
安住無邊劫供養無量佛嚴淨不可說佛國
土出生不可說菩薩願

牧三

八

二明能求大心法應爾故者即廣誠勸於
中二先誠勸求法後誠勸事友前中二先
標不應誠其去劣後何以釋所應作令
其廣修文中先徵後釋釋中亦二先別明
應修後善男子舉要下結略顯廣前中有
九十八門分爲十段一上求菩提行二應
化下下救衆生行三應斷下自斷惑障行
四應令無量衆生下勸物出離行五應消
滅下淨自根欲行除三不善根則成三善
根等故六應生淨信下力用自在行七應
分別下攝牧三法治惑行八應嚴辦下供佛攝九
生行九應修總持下悲願深廣行十應入
差別心下證入圓滿行
善男子舉要言之應普修一切菩薩行應普
化一切衆生界應普入一切劫應普生一切

處應普知一切世應普行一切法應普淨一切剎應普滿一切願應普供一切佛應普同一切菩薩願應普享一切善知識

二結略顯廣者謂別陳難具故

善男子汝求善知識不應疲倦見善知識勿生厭足請問善知識勿憚勞苦親近善知識勿懷退轉供養善知識不應休息受善知識教不應倒錯學善知識行不應疑惑聞善知識演說出離門不應猶豫見善知識隨煩惱行勿生嫌怪於善知識所生深信尊敬心不應變改

第二善男子汝求下誠勸事友中三初誠次勸後雙結二門今初分二先正誠其離過後何以故下舉益釋成今初言見隨煩惱行勿嫌怪者善友有二一實二權權能

行於非道內外生熟善巧難知故不應嫌實中復二一行二解今但求解不應觀行故如智論五十說亦如有目跛人猶能示道

何以故善男子菩薩因善知識聽聞一切菩薩諸行成就一切菩薩功德出生一切菩薩大願引發一切菩薩善根積集一切菩薩助道開發一切菩薩法光明顯示一切菩薩出離門修學一切菩薩清淨戒安住一切菩薩功德法清淨一切菩薩廣大志增長一切菩薩堅固心具足一切菩薩陀羅尼辯才門得一切菩薩清淨藏生一切菩薩定光明得一切菩薩殊勝願與一切菩薩同一願聞一切菩薩殊勝法得一切菩薩秘密處至一切菩薩法寶洲增一切菩薩善根芽長一切菩薩

牧三

+

智慧身護一切菩薩深密藏持一切菩薩福德聚淨一切菩薩受生道受一切菩薩正法雲入一切菩薩大願路趣一切如來菩提果攝取一切菩薩妙行開示一切菩薩功德往一切方聽受妙法讚一切菩薩廣大威德生一切菩薩大慈悲力攝一切菩薩勝自在力生一切菩薩菩提分作一切菩薩利益事
二舉益釋成中有二初明善友能示行故二明善友爲外護故今初先徵意云但起廣心足成大道何以要令事友誠離過耶釋云法假人弘不因善友何能聞諸妙行於中有三十五句句各一行
善男子菩薩由善知識任持不墮惡趣由善知識攝受不退大乘由善知識護念不毀犯菩薩戒由善知識守護不隨逐惡知識由善

校三

十一

知識養育不缺滅菩薩法由善知識攝取超越凡夫地由善知識教誨超越二乘地由善知識示導得出離世間由善知識長養不染世法由承事善知識修一切菩薩行由供養善知識具一切助道法由親近善知識不爲業惑之所摧伏由恃怙善知識勢力堅固不怖諸魔由依止善知識增長一切菩提分法何以故善男子善知識者能淨諸障能滅諸罪能除諸難能止諸惡能破無明長夜黑闇能壞諸見堅固牢獄能出生死城能捨世俗家能截諸魔網能拔衆苦箭能離無智險難處能出邪見大曠野能度諸有流能離諸邪道能示菩提路能教菩薩法能令安住菩薩行能令趣向一切智能淨智慧眼能長菩提心能生大悲能演妙行能說波羅蜜能攝

惡知識能令住諸地能令獲諸忍能令修習一切善根能令成辦一切道具能施與一切大功德能令到一切種智位能令歡喜集功德能令踊躍修諸行能令趣入甚深義能令開示出離門能令杜絕諸惡道能令以法光照耀能令以法雨潤澤能令消滅一切惑能令捨離一切見能令增長一切佛智慧能令安住一切佛法門

第二善男子菩薩由善知識下明善友能爲外護前即能生此能養育於中二前正明能爲攝護後何以下舉因釋成於中初徵意云善惡在已善友何能令我不墮惡趣等耶釋意云由友令離惡因故因亡果喪豈非友力以此四十句釋上正明十五句有通有別通則後諸惡因通對前果別

則各各配屬如由除諸難不退大乘由止諸惡不犯淨戒由破無明不隨惡友下諸句或有二三對上一句可以意得恐繁不配

善男子善知識者如慈母出生佛種故如慈父廣大利益故如乳母守護不令作惡故如教師示其菩薩所學故如善導能示波羅蜜道故如良醫能治煩惱諸病故如雪山增長一切智藥故如勇將殄除一切怖畏故如濟客令出生死暴流故如船師令到智慧寶洲故善男子常當如是正念思惟諸善知識

第二善男子善知識者如慈母下教勸謂教其事友之方文有四段皆約喻顯一教念友勝德於中先歎勝後常當如是下結勸

復次善男子汝承事一切善知識應發如大地心荷負重任無疲倦故應發如金剛心志願堅固不可壞故應發如鐵圍山心一切諸苦無能動故應發如給侍心所有教令皆隨順故應發如弟子心所有訓誨無違逆故應發如僮僕心不厭一切諸作務故應發如養母心受諸勤苦不告勞故應發如傭作心隨所受教無違逆故應發如除糞人心離憍慢故應發如已熟稼心能低下故應發如良馬心離惡性故應發如大車心能運重故應發如調順象心恒伏從故應發如須彌山心不傾動故應發如良犬心不害主故應發如旃荼羅心離憍慢故應發如犍牛心無威怒故應發如舟船心往來不倦故應發如橋梁心濟渡忘疲故應發如孝子心承順顏色故應

發如王子心遵行教命故

二復次汝承事下教起事友心行有二十一句文顯

復次善男子汝應於自身生病苦想於善知識生醫王想於所說法生良藥想於所修行生除病想又應於自身生遠行想於善知識生導師想於所說法生正道想於所修行生遠達想又應於自身生求度想於善知識生船師想於所說法生舟楫想於所修行生到岸想又應於自身生苗稼想於善知識生龍王想於所說法生時雨想於所修行生成熟想又應於自身生貧窮想於善知識生毗沙門王想於所說法生財寶想於所修行生富饒想又應於自身生弟子想於善知識生良工想於所說法生技藝想於所修行生了知

想又應於自身生恐怖想於善知識生勇健
 想於所說法生器仗想於所修行生破冤想
 又應於自身生商人想於善知識生導師想
 於所說法生珍寶想於所修行生拈拾想又
 應於自身生兒子想於善知識生父母想於
 所說法生家業想於所修行生紹繼想又應
 於自身生王子想於善知識生大臣想於所
 說法生王教想於所修行生冠王冠想服王
 服想繫王繒想坐王殿想

三復次汝應於自身下身友對辨文有十

句句各四事可知句各四事者此四亦即
 釋故云可知初二句即親近善友第三句
 即聽聞正法第四句即如說修行正念思
 惟遍於四句故句句皆令如是想亦可第
 四句合正念思惟又第一句是具四之人
 餘三

善男子汝應發如是心作如是意近善知識

教三

十四

何以故以如是心近善知識令其志願永得
 清淨復次善男子善知識者長諸善根譬如
 雪山長諸藥草善知識者是佛法器譬如大
 海吞納衆流善知識者是功德處譬如大海
 出生衆寶善知識者淨菩提心譬如猛火能

鍊真金善知識者出過世法如須彌山出於
 大海善知識者不染世法譬如蓮華不著於
 水善知識者不受諸惡譬如大海不宿死屍
 善知識者增長白法譬如月光色圓滿善
 知識者照明法界譬如盛日照四天下善知

教三

十五

識者長菩薩身譬如父母養育兒子

四善男子汝應發如是心下結勸成益於
 中二初正勸後何以下舉益釋成於中亦
 二先正釋事友之益後復次下重讚友為
 能益故宜承事

善男子以要言之菩薩摩訶薩若能隨順善知識教得十不可說百千億那由他功德淨十不可說百千億那由他深心長十不可說百千億那由他菩薩根淨十不可說百千億那由他菩薩力斷十不可說百千億阿僧祇障超十不可說百千億阿僧祇魔境入十不可說百千億阿僧祇法門滿十不可說百千億阿僧祇助道修十不可說百千億阿僧祇妙行發十不可說百千億阿僧祇大願善男子我復略說一切菩薩行一切菩薩波羅蜜一切菩薩地一切菩薩忍一切菩薩總持門一切菩薩三昧門一切菩薩神通智一切菩薩迴向一切菩薩願一切菩薩成就佛法皆由善知識力以善知識而為根本依善知識生依善知識出依善知識長依善知識住善

知識為因緣善知識能發起

第三善男子以要下雙結誠勸二門謂別說難窮故結廣從略於中亦二先寄數結多後我復略說下總收結多既通一切何但百千明知前云十不可說意願無盡耳時善財童子聞善知識如是功德能開示無量菩薩妙行能成就無量廣大佛法踊躍歡喜頂禮德生及有德足繞無量而慇懃瞻仰辭退而去

第六時善財下戀德禮辭

第二明會緣入實相竟

爾時善財童子聞善知識教潤澤其心正念思惟諸菩薩行向海岸國

自下大文第三慈氏一人明攝德成因相前既會緣入實定堪成佛故辦一生補處成因之義文唯五段以補處位極顯彰闕

謙推故第一依教趣求中二初標念前趣

後慈氏一人者先來意後故辦
一生已下釋攝德成因之名

自憶往世不修禮敬即時發意勤力而行復
憶往世身心不淨即時發意專自治潔復憶
往世作諸惡業即時發意專自防斷復憶往

牧三
十六

世起諸妄想即時發意恒正思惟復憶往世
所修諸行但為自身即時發意令心廣大普
及含識復憶往世追求欲境常自損耗無有
滋味即時發意修行佛法長養諸根以自安
隱復憶往世起邪思念顛倒相應即時發意
生正見心起菩薩願復憶往世日夜劬勞作
諸惡事即時發意起大精進成就佛法復憶
往世受五趣生於他身皆無利益即時發
意願以其身饒益衆生成就佛法承事一切
諸善知識如是思惟生大歡喜復觀此身是

牧三
十七

生老病死衆苦之宅願盡未來劫修菩薩道
教化衆生見諸如來成就佛法遊行一切佛
刹承事一切法師住持一切佛教尋求一切
法侶見一切善知識集一切諸佛法與一切
菩薩願智身而作因緣作是念時長不思議
無量善根即於一切菩薩深信尊重生希有
想生大師想諸根清淨善法增益起一切菩
薩恭敬供養作一切菩薩曲躬合掌生一切
菩薩普見世間眼起一切菩薩普念衆生想
現一切菩薩無量願化身出一切菩薩清淨
讚說音想見過現一切諸佛及諸菩薩於一
切處示現成道神通變化乃至無有一毛端
處而不周徧又得清淨智光明眼見一切菩
薩所行境界其心普入十方刹網其願普徧
虛空法界三世平等無有休息如是一切皆

以信受善知識教之所致耳

二自憶下別生勝念悔往修來於中四一

觀昔非以行對治二復觀此身下觀其現

苦策進當善諸修行者願審此傲之三作

是念時下明觀念之益益其勝觀四如是

一切下結益所屬

善財童子以如是尊重如是供養如是稱讚

如是觀察如是願力如是想念如是無量智

慧境界於毗盧遮那莊嚴藏大樓閣前五體

投地暫時斂念思惟觀察以深信解大願力

故入徧一切處智慧身平等門

第二善財童子以如是下見敬諮問於中

二初見敬後諮問前中亦二先見依後見

正各自申敬前中二先入定申敬後出定

敬讚前中三初結前標後二別顯定用三

收三

十八

總結成益今初斂念者標定思察者定加

行信願者是定因入徧下辨定名相

大方廣佛華嚴經疏鈔會本第七十七之一

音釋

淤泥泥依侶切淤泥滓濁泥也踐慈衍切踏也記蒯彼列切記蒯

謂授將來成佛之記劫國名號之蒯也擯必刃切傭餘對切傭雇作也

旃荼羅梵語也亦云旃陀羅此云旃荼羅同都切犛牛居

隨切糖捨捨居運切捨捨收捨也

大方廣佛華嚴經疏鈔會本第七十七之一 收四

唐于闐國三藏沙門實又難陀 譯

唐清涼山大華嚴寺沙門澄觀撰述

普現其身在於一切如來前一切菩薩前一

切善知識前一切如來塔廟前一切如來形

像前一切諸佛諸菩薩住處前一切法寶前

一切聲聞辟支佛及其塔廟前一切聖眾福

田前一切父母尊者前一切十方眾生前皆

如上說尊重禮讚盡未來際無有休息等虛

空無邊量故等法界無障礙故等實際徧一

切故等如來無分別故猶如影隨智現故猶

如夢從思起故猶如像示一切故猶如響緣

所發故無有生遞與謝故無有性隨緣轉故

二普現下別顯定用即雙運定慧於中二

一明即智定之妙用於中先羅身雲於法

界後等虛空下契法性之真源 契法性之者文有十

句初四法說一向契實前三約法後一約

人人亦得名圓成實故次四喻明就相契

實即法而虛同實理故皆上句標下句

釋成後二句約法結其性相經言無有生

逸與謝者以更與謝故無定生下句

既從緣生明無定性無性即法界也

又決定知一切諸報皆從業起一切諸果皆

從因起一切諸業皆從習起一切佛興皆從

信起一切化現諸供養事皆悉從於決定解

起一切化佛從敬心起一切佛法從善根起

一切化身從方便起一切佛事從大願起一

切菩薩所修諸行從迴向起一切法界廣大

莊嚴從一切智境界而起

二又決定知下明稱法界之深觀於中三

初了法從緣次離於斷下智契無性三知

一切法如種生芽下會歸中道此三無礙

即三觀一心 此三無礙者初假次空後中

說有前後善財觀心一念頓

具非是從假
入空等也
今初報酬善惡故云業起果

自種生云從因起自修成佛信為道源感

他化身敬心便現今初報酬者文有十句但釋其四事相滯故業

是增上緣即諸業習氣果即異執由名言種從信起佛通真應信為道源必到佛地故化身信心成佛乃是自佛餘六可知故疏

不

離於斷見知迴向故離於常見知無生故離

無因見知正因故離顛倒見知如實理故離

自在見知不由他故離自他見知從緣起故

離邊執見知法界無邊故離往來見知如影

像故離有無見知不生滅故離一切法見知

空無生故知不自在故知願力出生故離一

切相見入無相際故

二智契無性中離顛倒見者通三四倒四

倒謂常計無常是各顛倒見於實理則無

斯倒若以無常為常亦非見如實理以壞

相故自在見者謂自在天能生萬物故知

由自業故不由他離自他見者單執自他

則乖緣起邊執見者堅執生死等有其始

末故離有無者從無之有名生自有還無

稱滅體無生滅何得有無知空無生約理

遺法知不自在約緣遺法知願力生約因

遺法及二契無性下有十一句略不釋初三

定有則著常故三既知正固非無因矣斷

是二乘倒不見因釋釋第四句中常計無常

是凡夫倒寧知二空如實之理自在見者

即第五句妄謂自在能生萬物今知從業

故不從他自修人業尚不生天安得由他

令我苦樂釋次二句疏文可知其往來見

易故不釋影像隨身去來無實隨業六道

實無往來中論云諸行往來者常不應往

知離一切法見釋有三句初以理遣者法

性空中法即非法二緣會不得不自在願

因出生諸法因成無性
淨法亦無末句易見

知一切法如種生芽故如印生文故知質如
像故知聲如響故知境如夢故知業如幻故
了世心現故了果因起故了報業集故了知
一切諸功德法皆從菩薩善巧方便所流出

故

三會歸中道者然隨一句皆離上諸過今

且通說三會歸中道者疏中有二先總明
言隨一句皆離上諸過者如隨種

生芽即離斷常無因顛倒等今且通
說者不對諸過但通相說中道義耳如種
生芽者從水土等緣生故非無此如初段

緣生則無性故非有如第二段非有非無

即是中道如是離斷常等可以思準種芽

橫喻萬法如印生文即豎喻諸法涅槃云

此陰亦滅彼陰續生如蠟印印泥印壞文

成等自下諸句通於橫豎了世心現亦唯

心觀以心為緣現而無性即中道觀餘並

可知如種生芽下二別釋唯就種芽示中
道相餘並略之說此中觀便收前二

即顯空假是中道之空假耳非是從彼
空假入斯中矣如是離斷常等者例釋上
文總離諸過種芽橫喻者言知一切法故
謂若善若惡若內若外皆從自種假緣生
故如印生又豎喻者此陰亦滅言現在陰
滅也彼陰續生者三世相望故即涅槃經

須彌山頂品已引今復略示謂此陰亦滅
者中陰生也而此五陰不至中陰中陰五

陰非餘處來因現在陰有中陰陰如蠟印
印泥者蠟印況於現在陰也泥上文成喻

中陰陰也印壞者現陰滅也文成者中陰
陰生也印不至泥如現在陰不至後陰以

印因緣而生是文即如現在陰有陰
陰也現陰不至後陰即是不常後陰非餘

處來因現陰有即是世心現亦唯心觀者正
道義餘如前說了世心現亦唯心觀者正

是中道故致亦言即就唯心以辨三觀假
是緣現即假觀也現而無性即空觀也上

二不二即中道觀也

下法喻句對前可知

善財童子入如是智端心潔念於樓觀前舉

體投地慇懃頂禮不思議善根流注身心清

涼悅澤

三善財童子下總結成益

從地而起一心瞻仰目不暫捨合掌圍繞經
無量市

第二從地而起下出定敬讚於中三初以
身敬繞次作是念言下以心敬念後偈頌

中以言敬讚

作是念言此大樓閣是解空無相無願者之
所住處是於一切法無分別者之所住處是
了法界無差別者之所住處是知一切衆生
不可得者之所住處是知一切法無生者之
所住處是不著一切世間者之所住處是不
著一切窟宅者之所住處是不樂一切聚落
者之所住處是不依一切境界者之所住處
是離一切想者之所住處是知一切法無自
性者之所住處是斷一切分別業者之所住

秋四

五

處是離一切想心意識者之所住處是不入
不出一切道者之所住處是入一切甚深般
若波羅蜜者之所住處是能以方便住普門
法界者之所住處是息滅一切煩惱火者之
所住處是以增上慧除斷一切見愛慢者之
所住處是出生一切諸禪解脫三昧通明而
遊戲者之所住處是觀察一切菩薩三昧境
界者之所住處是安住一切如來所者之所
住處
是以一劫入一切劫以一切劫入一劫而不
壞其相者之所住處是以一剎入一切剎以
一切剎入一剎而不壞其相者之所住處是
以一法入一切法以一切法入一法而不壞
其相者之所住處是以一衆生入一切衆生
以一切衆生入一衆生而不壞其相者之所

住處是以一佛入一切佛以一切佛入一佛而不壞其相者之所住處是於一念中而知一切三世者之所住處是於一念中往詣一切國土者之所住處

是於一切衆生前悉現其身者之所住處是心常利益一切世間者之所住處是能徧至一切處者之所住處是雖已出一切世間爲化衆生故而恒於中現身者之所住處是不著一切利爲供養諸佛故而遊一切刹者之所住處是不動本處能普詣一切佛刹而莊嚴者之所住處是親近一切佛而不起佛想者之所住處是依止一切善知識而不起善知識想者之所住處是住一切魔宮而不耽著欲境界者之所住處是永離一切心想者之所住處是雖於一切衆生中而現其身然

於自他不生二想者之所住處是能普入一切世界而於法界無差別想者之所住處是願住未來一切劫而於諸劫無長短想者之所住處是不離一毛端處而普現身一切世界者之所住處是能演說難遭遇法者之所住處

是能住難知法甚深法無二法無相法無對治法無所得法無戲論法者之所住處

是住大慈大悲者之所住處是已度一切二乘智已超一切魔境界已於世法無所染已

到菩薩所到岸已住如來所住處者之所住

處是雖離一切諸相而亦不入聲聞正位雖了一切法無生而亦不住無生法性者之所住處是雖觀不淨而不證離貪法亦不與貪欲俱雖修於慈而不證離瞋法亦不與瞋垢

俱雖觀緣起而不證離癡法亦不與癡惑俱者之所住處

是雖住四禪而不隨禪生雖行四無量爲化衆生故而不生色界雖修四無色定以大悲故而不住無色界者之所住處是雖勤修止

牧四

觀爲化衆生故而不證明脫雖行於捨而不捨化衆生事者之所住處是雖觀於空而不起空見雖行無相而常化著相衆生雖行無願而不捨菩提行願者之所住處

是雖於一切業煩惱中而得自在爲化衆生

故而現隨順諸業煩惱雖無生死爲化衆生故示受生死雖已離一切趣爲化衆生故示入諸趣者之所住處是雖行於慈而於諸衆生無所愛戀雖行於悲而於諸衆生無所取著雖行於喜而觀苦衆生心常哀愍雖行於

捨而不廢捨利益他事者之所住處

是雖行九次第定而不厭離欲界受生雖知一切法無生無滅而不於實際作證雖入三解脫門而不取聲聞解脫雖觀四聖諦而不住小乘聖果雖觀甚深緣起而不住究竟寂滅雖修八聖道而不求永出世間雖超凡夫地而不墮聲聞辟支佛地雖觀五取蘊而不永滅諸蘊雖超出四魔而不分別諸魔雖不著六處而不永滅六處雖安住真如而不墮實際雖說一切乘而不捨大乘

此大樓閣是住如是等一切諸功德者之所住處

二中舉能住者德歎所住樓閣初句具顯故此大樓閣之言貫通諸句於中分十初約境顯勝二是入一切甚深下約德顯妙

三是以一劫下約用顯自在四是於一切
 衆生前下約行顯勝五是能住難知法下
 約觀顯深六是住大慈悲下約對治顯勝
 七是雖住四禪下約止觀明自在八是雖
 於一切業煩惱下約利他行顯勝九是雖

行九次第定下約護小乘行明自在十此

大樓閣下結德所住於前九中除初二及

五餘皆約權實事理雙行

歎所住樓閣義
理宏博經文浩
大類例可知
故不委釋

爾時善財童子而說頌言

此是大悲清淨智利益世間慈氏尊灌頂地

中佛長子入如來境之住處

一切名聞諸佛子已入大乘解脫門遊行法

界心無著此無等者之住處

第三偈以言讚中五十五偈分二前三十

收四

四偈七言舉德歎處後二十一偈五言指
 處明德前中二初二總歎一約行位一約
 名德

施戒忍進禪智慧方便願力及神通如是大
 衆諸度法悉具足者之住處

智慧廣大如虛空普知三世一切法無礙無

依無所取了諸有者之住處

善能解了一切法無性無生無所依如鳥飛

空得自在此大智者之住處

了知三毒真實性分別因緣虛妄起亦不厭

收四

九

彼而求出此寂靜人之住處

三解脫門八聖道諸蘊處界及緣起悉能觀

察不趣寂此善巧人之住處

十方國上及衆生以無礙智咸觀察了性皆

空不分別此寂滅人之住處

普行法界悉無礙而求行性不可得如風行
空無所行此無依者之住處

餘偈別約德行於中四初有七偈約自利
行勝

普見惡道群生類受諸楚毒無所歸放大慈

光悉除滅此哀愍者之住處

見諸衆生失正道譬如生盲踐畏途引其令
入解脫城此大導師之住處

見諸衆生入魔網生老病死常逼迫令其解
脫得慰安此勇健人之住處

見諸衆生嬰惑病而興廣大悲愍心以智慧
藥悉除滅此大醫王之住處

見諸群生沒有海沈淪憂迫受衆苦悉以法
船而救之此善度者之住處

見諸衆生在惑海能發菩提妙寶心悉入其

中而濟拔此善漁人之住處

恒以大願慈悲眼普觀一切諸衆生從諸有
海而拔出此金翅王之住處

譬如日月在虛空一切世間靡不燭智慧光
明亦如是此照世者之住處

菩薩爲化一衆生普盡未來無量劫如爲一
人一切爾此救世者之住處

於一國土化衆生盡未來劫無休息一一國
土咸如是此堅固意之住處

二有十偈歎利他行勝

十方諸佛所說法一座普受咸令盡盡未來
劫恒悉然此智海人之住處

徧遊一切世界海普入一切道場海供養一
切如來海此修行者之住處

修行一切妙行海發起無邊大願海如是經

於衆劫海此功德者之住處

一毛端處無量刹佛衆生劫不可說如是明

見靡不周此無礙眼之住處

一念普攝無邊劫國土諸佛及衆生智慧無

礙悉正知此具德人之住處

十方國土碎爲塵一切大海以毛滴菩薩發

願數如是此無礙者之住處

成就總持三昧門大願諸禪及解脫一一皆

住無邊劫此真佛子之住處

無量無邊諸佛子種種說法度衆生亦說世

間衆技術此修行者之住處

三有八偈歎功德勝

成就神通方便智修行如幻妙法門十方五

趣悉現生此無礙者之住處

菩薩始從初發心具足修行一切行化身無

量徧法界此神力者之住處

一念成就菩提道普作無邊智慧業世情思

慮悉發狂此難量者之住處

成就神通無障礙遊行法界靡不周其心未

嘗有所得此淨慧者之住處

菩薩修行無礙慧入諸國土無所著以無二

智普照明此無我者之住處

了知諸法無依止本性寂滅同虛空常行如

是境界中此離垢人之住處

普見群生受諸苦發大仁慈智慧心願常利

益諸世間此悲愍者之住處

四有七偈歎方便勝

佛子住於此普現衆生前猶如日月輪徧除

生死閻佛子住於此普順衆生心變現無量

身充滿十方刹佛子住於此徧遊諸世界一

卷四

十一

劫如來所無量無數劫佛子住於此思量諸
佛法無量無數劫其心無厭倦佛子住於此
念念入三昧一一三昧門闡明諸佛境界佛子
住於此悉知一切刹無量無數劫衆生佛名
號佛子住於此一念攝諸劫但隨衆生心而
無分別想佛子住於此修習諸三昧一一心
念中了知三世法佛子住於此結跏身不動
普現一切刹一切諸趣中佛子住於此飲諸
佛法海深入智慧海具足功德海佛子住於
此悉知諸刹數世數衆生數佛名數亦然佛
子住於此一念悉能了 劫三世中國土之
成壞佛子住於此普知佛行願菩薩所修行
衆生根性欲佛子住於此見一微塵中無量
刹道場衆生及諸劫如一微塵內一切塵亦
然種種咸具足處處皆無礙佛子住於此普

觀一切法衆生刹及世無起無所有觀察衆
生等法等如來等刹等諸願等三世悉平等
佛子住於此教化諸群生供養諸如來思惟
諸法性無量千萬劫所修願智行廣大不可
量稱揚莫能盡彼諸大勇猛所行無障礙安
住於此中我合掌敬禮諸佛之長子聖德慈
氏尊我今恭敬禮願垂顧念我
後五言指處明德中雖復語依意在歎正
於中六初二下化次二上觀三有五偈明
三昧自在四有七偈明智慧廣深五有一
收四
偈顯平等六有四偈結德申敬求哀請加
爾時善財童子以如是等一切菩薩無量稱
揚讚歎法而讚毗盧遮那莊嚴藏大樓閣中
諸菩薩已曲躬合掌恭敬頂禮一心願見彌
勒菩薩親近供養乃見彌勒菩薩摩訶薩從

別處來無量天龍夜叉乾闥婆阿修羅迦樓羅緊那羅摩睺羅伽王釋梵護世及本生處無量眷屬婆羅門眾及餘無數百千眾生前後圍繞而共來向莊嚴藏大樓觀所

第二爾時下見正報中二一見二敬見中

依四

十三

二先起心願覩後乃見下正觀慈尊言別處來者攝化就機故還來歸本故亦顯慈氏應念而至不著處故

善財見已歡喜踊躍五體投地

第二善財見已下明設敬儀於中五一身

心敬禮二時彌勒下讚德記別三爾時彌勒下重申敬儀四時彌勒下再讚再記五時善財下慶遇念恩

時彌勒菩薩觀察善財指示大眾歎其功德而說頌曰

二中有二先長行指示者令眾同覩做而行故

汝等觀善財智慧心清淨為求菩提行而來至我所

後偈正讚有百一十三頌分三初一指眾

總歎末後一偈略示後友

善來圓滿慈善來清淨悲善來寂滅眼修行無懈倦善來清淨意善來廣大心善來不退根修行無懈倦善來不動行常求善知識了達一切法調伏諸群生善來行妙道善來住功德善來趣佛果未曾有疲倦善來德為體善來法所滋善來無邊行世間難可見善來離迷惑世法不能染利衰毀譽等一切無分別善來施安樂調柔堪受化誦誑瞋慢心一切悉除滅善來真佛子普詣於十方增長諸

功德調柔無懈倦善來三世智徧知一切法
普生功德藏修行不疲厭文殊德雲等一切
諸佛子令汝至我所示汝無礙處具修菩薩
行普攝諸群生如是廣大人今來至我所爲
求諸如來清淨之境界問諸廣大願而來至
我所去來現在佛所成諸行業汝欲皆修學
而來至我所汝於善知識欲求微妙法欲受
菩薩行而來至我所汝念善知識諸佛所稱
歎令汝成菩提而來至我所汝念善知識生
我如父母養我如乳母增我菩提分如醫療
衆疾如天灑甘露如日示正道如月轉淨輪
如山不動搖如海無增減如船師濟渡而來
至我所汝觀善知識猶如大猛將亦如大商
主又如大導師能建正法幢能示佛功德能
滅諸惡道能開善趣門能顯諸佛身能守諸

佛藏能持諸佛法是故願瞻奉欲滿清淨智
欲具端正身欲生尊貴家而來至我所
中間諸偈別歎勝德於中三初二十二偈
直對善財歎於中亦三初九讚德善來次
二明來因緣以外由善友內具德行故後
十一偈明來所爲
汝等觀此人親近善知識隨其所修學一切
應順行以昔福因緣文殊令發心隨順無違
逆修行不懈倦父母與親屬宮殿及財產一
切皆捨離謙下求知識淨治如是意永離世
間身當生佛國土受諸勝果報善財見衆生
生老病死苦爲發大悲意勤修無上道善財
見衆生五趣常流轉爲求金剛智破彼諸苦
輪善財見衆生心田甚荒穢爲除三毒刺專
求利智犁衆生處癡闇盲冥失正道善財爲

導師示其安隱處忍鎧解脫乘智慧為利劍
 能於三有內破諸煩惱賊善財法船師普濟
 諸含識令過爾燄海疾至淨寶洲善財正覺
 日智光大願輪周行法界空普照群迷宅善
 財正覺月白法悉圓滿慈定清涼光等照眾
 生心善財勝智海依於直心住菩提行漸深
 出生眾法寶善財大心龍升於法界空與雲
 雲甘澤生成一切果善財然法燈信炷慈悲
 油念器功德光滅除三毒闇覺心迦羅邏悲
 胞慈為肉菩提分支節長於如來藏增長福
 德藏清淨智慧藏開顯方便藏出生大願藏
 如是大莊嚴救護諸群生一切天人中難聞
 難可見如是智慧樹根深不可動眾行漸增
 長普蔭諸群生欲生一切德欲問一切法欲
 斷一切疑專求善知識欲破諸惑魔欲除諸

見垢欲解眾生縛專求善知識當滅諸惡道
 當示人天路令修功德行疾入涅槃城當度
 諸見難當截諸見網當枯愛欲水當示三有
 道當為世依怙當作世光明當成三界師示
 其解脫處亦當令世間普離諸想著普覺煩
 惱睡普出愛欲泥當了種種法當淨種種刹
 一切咸究竟其心大歡喜
 二汝等觀下二十六偈對眾令觀讚於中
 五初四總讚次四讚其即智之悲次七歎
 即悲之智爾焰者此云所知入大乘論云
 爾焰地者是第十地此約盡斷十種所知
 障故次六偈總歎諸德後五偈讚妙果當
 成爾焰地者此云所知等者疏略引入大
 乘論論云菩薩有無量無邊阿僧祇功
 德到爾焰地向於涅槃以慈眾生還入生
 死阿僧祇劫示受勤苦出過一切聲聞辟
 支佛上具足一切功德智慧是故超度爾
 焰之地乃至云菩薩處生死海中第一可

僧祇劫修淨治地行求淨解脫第二阿僧祇修淨定行第三阿僧祇修淨智慧行除爾餘地障是故菩薩名乘自在乘滿足十地得無礙無障一切具足故得阿耨多羅三藐三菩提是故以爾餘智得成大果釋曰爾餘梵語此云智母亦云智度亦云境界亦云所知即所知障亦名爾餘以經云今過爾餘海故而疏但用所知一義即論中第三劫過生死海也論中又云入十地時便能永斷由斯十地說斷二愚及彼意但舉一耳 意但舉一耳

汝行極調柔汝心甚清淨所欲修功德一切當圓滿不久見諸佛了達一切法嚴淨衆刹海成就大菩提當滿諸行海當知諸法海當度衆生海如是修諸行當到功德岸當上諸善品當與佛子等如是心決定當斷一切惑當淨一切業當伏一切魔滿足如是願當生妙智道當開正法道不久當捨離惑業諸苦道一切衆生輪沈迷諸有輪汝當轉法輪令

收四

十七

其斷苦輪汝當持佛種汝當淨法種汝能集僧種三世悉周徧當斷衆愛網當裂衆見網當救衆苦網當成此願網當度衆生界當淨國土界當集智慧界當成此心界當令衆生喜當令菩薩喜當令諸佛喜當成此歡喜當見一切趣當見一切刹當見一切法當成此佛見當放破闇光當放息熱光當放滅惡光滌除三有苦當開天趣門當開佛道門當云解脫門普使衆生入當示於正道當絕於邪道如是勤修行成就菩提道當修功德海當度三有海普使群生海出於衆苦海當於衆生海消竭煩惱海令修諸行海疾入大智海汝當增智海汝當修行海諸佛大願海汝當咸滿足汝當入刹海汝當觀衆海汝當以智力普飲諸法海當觀諸佛雲當起供養雲當

聽妙法雲當興此願雲普遊三有室普壞衆
惑室普入如來室當行如是道普入三昧門
普遊解脫門普住神通門同行於法界普現
衆生前普對諸佛前譬如月光當成如是
力所行無動亂所行無染著如鳥行虛空當
成此妙用譬如因陀網利網如是住汝當悉
往詣如風無所礙汝當入法界徧往諸世界
普見三世佛心生大歡喜汝於諸法門已得
及當得應生大喜躍無貪亦無厭汝是功德
器能隨諸佛教能修菩薩行得見此奇特如
是諸佛子億劫難可遇況見其功德所修諸
妙道汝生於人大獲諸善利得見文殊等
無量諸功德已離諸惡道已出諸難處已超
衆苦患善哉勿懈怠已離凡夫地已住菩薩
地當滿智慧地速入如來地菩薩行如海佛

智同虛空汝願亦復然應生大欣慶諸根不
懈倦志願恒決定親近善知識不久悉成滿
菩薩種種行皆爲調衆生普行諸法門慎勿
生疑惑汝具難思福及以真實信是故於今
日得見諸佛子汝見諸佛子悉獲廣大利一
一諸大願一切咸信受汝於三有中能修菩
薩行是故諸佛子示汝解脫門非是法器人
與佛子同住設經無量劫莫知其境界汝見
諸菩薩得聞如是法世間甚難有應生大喜
慶諸佛護念汝菩薩攝受汝能順其教行善
哉住壽命已生菩薩家已具菩薩德已長如
來種當升灌頂位不久汝當得與諸佛子等
見苦惱衆生悉置安隱處如下如是種必復
如是果我今慶慰汝汝應大欣悅無量諸菩
薩無量劫行道未能成此行今汝皆獲得信

樂堅進力善財成此行若有敬慕心亦當如是學一切功德行皆從願欲生善財已了知常樂勤修習如龍布密雲必當霍大雨菩薩起願智決定修諸行若有善知識示汝普賢行汝當好承事慎勿生疑惑汝於無量劫爲十九欲妄捨身今爲求菩提此捨方爲善汝於無量劫具受生死苦不曾事諸佛未聞如是行汝今得人身值佛善知識聽受菩提行云何不歡喜雖遇佛興世亦值善知識其心不清淨不聞如是法若於善知識信樂心尊重離疑不疲厭乃聞如是法若有聞此法而興誓願心當知如是人已獲廣大利如是心清淨常得近諸佛亦近諸菩薩決定成菩提若入此法門則具諸功德永離衆惡趣不受一切苦不久捨此身往生佛國土常見十方佛及

以諸菩薩往因今淨解及事善友力增長諸功德如水生蓮華樂事善知識勤供一切佛專心聽聞法常行勿懈倦汝是真法器當具一切法當修一切道當滿一切願汝以信解心而來禮敬我不久當普入一切諸佛會善哉真佛子恭敬一切佛不久具諸行到佛功德岸

三汝行下重對善財讚於中分五初二十六偈歎其當果德初二總餘皆別二汝於下七偈雙歎當現德三諸根下八偈讚其遇友德四有五偈歎速成位行德五有十七偈總明諸德結歎令欣
汝當往大智文殊師利所彼當令汝得普賢深妙行
二略示後友

爾時彌勒菩薩摩訶薩在眾會前稱讚善財
 大功德藏善財聞已歡喜踊躍身毛皆豎悲
 泣哽噎起立合掌恭敬瞻仰繞無量而以文
 殊師利心念力故眾華瓔珞種種妙寶不覺
 忽然自盈其手善財歡喜即以奉散彌勒菩
 薩摩訶薩上

第三重申敬儀中三初辨敬因聞讚德故
 次善財聞下身心悲敬後以文殊下華供
 展誠言文殊心念力者表由信智故華因
 德立瓔珞行成云盈手者信智滿故散彌
 勒者攝成因故辦當果故
 時彌勒菩薩摩善財頂為說頌言
 善哉善哉真佛子普策諸根無懈倦不久當
 具諸功德猶如文殊及與我

第四再讚再記

時善財童子以頌答曰
 我念善知識億劫難值遇今得咸親近而來
 請尊所我以文殊故見諸難見者彼大功德
 尊願速還瞻覲

第五慶遇念恩文並可知

大方廣佛華嚴經疏鈔會本第七十七之二

音釋

淫之茂切哽古杏切噎烏結
霖淫也切噎噎古杏切噎噎古杏切噎噎古杏切

大方廣佛華嚴經疏鈔會本第七十八之一 牧五

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子合掌恭敬重白彌勒菩薩摩訶薩言大聖我已先發阿耨多羅三藐三菩提心

第二爾時善財童子合掌下諮問中二先

自陳發心

而我未知菩薩云何學菩薩行云何修菩薩道大聖一切如來授尊者記一生當得阿耨多羅三藐三菩提若一生當得無上菩提則已超越一切菩薩所住處則已出過一切菩薩離生位則已圓滿一切波羅蜜則已深入一切諸忍門則已具足一切菩薩地則已遊戲一切解脫門則已成就一切三昧法則已

通達一切菩薩行則已證得一切陀羅尼辯才則已於一切菩薩自在中而得自在則已積集一切菩薩助道法則已遊戲智慧方便則已出生大神通智則已成就一切學處則已圓滿一切妙行則已滿足一切大願則已領受一切佛所記則已了知一切諸乘門則已堪受一切如來所護念則已能攝一切佛菩提則已能持一切佛法藏則已能持一切諸佛菩薩祕密藏則已能於一切菩薩衆中為上首則已能為破煩惱魔軍大勇將則已能作出生死曠野大導師則已能作治諸惑重病大醫王則已能於一切衆生中為最勝則已能於一切世主中得自在則已能於一切聖人中最第一則已能於一切聲聞獨覺中最增上則已能於生死海中為船師則已

能布調伏一切衆生網則已能觀一切衆生
根則已能攝一切衆生界則已能守護一切
菩薩衆則已能談議一切菩薩事則已能往
詣一切如來所則已能住止一切如來會則
已能現身一切衆生前則已能於一切世法
無所染則已能超越一切魔境界則已能安
住一切佛境界則已能到一切菩薩無礙境
則已能精勤供養一切佛則已與一切諸佛
法同體性已繫妙法繪已受佛灌頂已住一
切智已能普生一切佛法已能速踐一切智
位大聖菩薩云何學菩薩行云何修菩薩道
隨所修學疾得具足一切佛法悉能度脫所
念衆生普能成滿所發大願普能究竟所起
諸行普能安慰一切天人不負自身不斷三
寶不虛一切佛菩薩種能持一切諸佛法眼

如是等事願皆爲說

後而我未知下正問法要於中三初標所
問次大聖一切如來下歎慈氏有能答之
德即以此德亦爲問端初總後別別有五
十句皆因圓果滿德三大聖菩薩下結問

請說兼顯問意

爾時彌勒菩薩摩訶薩觀察一切道場衆會
指示善財而作是言諸仁者汝等見此長者
子今於我所問菩薩行諸功德不

第三爾時彌勒菩薩下稱歎授法於中二

先稱歎後授法前中二先爲大衆讚歎善
財即是歎人後爲善財讚善提心即是讚
法前中亦二先指人示衆

諸仁者此長者子勇猛精進志樂無雜深心
堅固恒不退轉具勝希望如救頭然無有厭

足樂善知識親近供養處處尋求承事請法
後諸仁者此長者子下正讚其德於中四
一明求友精勤二明所乘廣大三明具德
無缺四明速證超權初中二先總顯精勤
諸仁者此長者子曩於福城受文殊教展轉
南行求善知識經由一百一十善知識已然
後而來至於我所未曾暫起一念疲倦

後諸仁者下別示精勤之相謂一時之勤
猶未可歎自始暨末一念無懈故為可稱
言一百一十善知識者古有多釋一云理
應具有但文脫漏賢首云前後諸友總五
十四位分出德生有德為二則五十五人
各有自分勝進故有一百一十若依此解
則違此已言既云經百一十已方至彌勒
彌勒等三非百一十之數明矣有云減數

十耳實唯一百八人謂此前除徧友但五
十一人各具主伴成百二人徧友指示衆
藝雖非主友而是伴友為一百三更無
厭足王處空天瞿波處無憂德神摩耶處
蓮華法德身衆神及妙華光明神守護法
堂善眼羅刹合前總有百八以空天等相
問答故得在友數非前主友稱名指示故
非主友但名伴友若爾則違下餘城之言
下自釋云前至童子童女已經一百一十
今更後文殊所故云餘也謂若此為百八
加於慈氏尚始百九并後文殊方正一十
何有餘耶若爾下疏破其釋明其立
義前後相連上皆敘昔若會
通者三釋皆得一種取前更加不動處覺
悟菩薩如來使天足成一百一十則餘義
亦成以彼二聖亦教善財故得為伴友其

餘已之言但是譯者之意故晉經無有已字則通取前後於義無妨然下復云百一十城又云過百一十由旬皆言百一十者有所表故謂除佛位取其證入十地等覺為百一十一中具十故亦顯位位十相

融設有三賢亦唯具十若合等覺屬十地勝進則開十信為一故進退行布及與圓融皆順百一十言何必尅定前後

若會通下疏為會釋總會三釋從後倒會然下後云下二

會藏和尚意取一百一十表法為妙設有三賢者十地一一攝三位故一位尚得總攝於十況三賢望地類例相似攝之善成

故十地中各修一度十行之位亦各一度十住之位初是發心後是灌頂十地之位初證發心後亦灌頂而受位故依開等覺合信屬住若合等覺即開十信開信是退開等覺是進要今十一成百一十其第一師義說經來未盡者亦百一十

諸仁者此長者子甚為難有趣向大乘乘於大慧發大勇猛擲大悲甲以大慈心救護衆

牧五

五

生起大精進波羅蜜行作大商主護諸衆生為大法船度諸有海住於大道集大法寶修諸廣大助道之法

第二諸仁者此長者子甚為難有下明所乘廣大於中三初總歎希奇

如是之人難可得聞難可得見難得親近同居共行何以故此長者子發心救護一切衆生令一切衆生解脫諸苦超諸惡趣離諸險難破無明闇出生死野息諸趣輪度魔境界不著世法出欲淤泥斷貪鞅解見縛壞想宅絕迷道摧慢幢拔惑箭撤睡蓋裂愛網滅無明度有流離諂幻淨心垢斷癡惑出生死諸仁者此長者子為被四流漂汨者造大法船為被見泥沒溺者立大法橋為被癡闇昏迷者然大智燈為行生死曠野者開示聖道為

嬰煩惱重病者調和法藥爲遭生老死苦者
飲以甘露令其安隱爲入貪患癡火者沃以
定水使得清涼多憂惱者慰喻使安繫有獄
者曉誨令出入見網者開以智劍住界城者
示諸脫門在險難者導安隱處懼結賊者與
無畏法墮惡趣者授慈悲手拘害蘊者示涅
槃城界蛇所纏解以聖道著於六處空聚落
者以智慧光引之令出住邪濟者令入正濟
近惡友者示其善友樂凡法者誨以聖法著
生死者令其趣入一切智城

二如是之人下別明難過於中二先標舉
後何以下徵釋釋意云悲濟深廣故即開
前總中救護衆生於中二先明總護一切
後爲被四流下約類別明汨者流急之貌
言界城者即十八界一一根境識中別別

解脫故言界蛇者即地等四界六處空聚
癡闇無人不以智光引之必爲塵賊所劫
界城者十八界是生死因相故晉經云三
界三界爲城郭約果相故言界蛇即地等
四界者俱舍云大極謂四界即地水火風
能成持等業堅濕煖動性故及六處等並
如二地

諸仁者此長者子恒以此行救護衆生發菩
提心未嘗休息求大乘道會無懈倦飲諸法
水不生厭足恒勤積集助道之行常樂清淨
一切法門修菩薩行不捨精進成滿諸願善
行方便見善知識情無厭足教五善知識身無
疲懈聞善知識所有教誨常樂順行未曾違
逆

三諸仁者此長者子恒以下總結所作
諸仁者若有衆生能發阿耨多羅三藐三菩
提心是爲希有若發心已又能如是精進方

便集諸佛法倍為希有又能如是求菩薩道
 又能如是淨菩薩行又能如是事善知識又
 能如是如救頭然又能如是順知識教又能
 如是堅固修行又能如是集菩提分又能如
 是不求一切名聞利養又能如是不捨菩薩
 純一之心又能如是不樂家宅不著欲樂不
 戀父母親戚知識但樂追求菩薩伴侶又能
 如是不顧身命唯願勤修一切智道應知展
 轉倍更難得

收五

七

第三諸仁者若有衆生下明具得無缺有
 十三句有一在已已為希有況有二三乃
 至全具故云展轉難有又復後後難於前
 前故云展轉

諸仁者餘諸菩薩經於無量百千萬億那由
 他劫乃能滿足菩薩願行乃能親近諸佛菩

提此長者子於一生內則能淨佛刹則能化
 衆生則能以智慧深入法界則能成就諸波
 羅蜜則能增廣一切諸行則能圓滿一切大
 願則能超出一切魔業則能承事一切善友
 則能清淨諸菩薩道則能具足普賢諸行

第四諸仁者餘諸下明速證超權以依實
 教修行故謂即凡身一生亦解行生故千
 年之鳥不及朝生之鳳普賢生位互融攝
 故依實修者悉皆能爾胡不勉旃謂即凡身一生
 者約圓融說亦是解行一生約行布說故
 千年之鳥下成第一凡身一生之義依實
 修者下通伏難恐有問言約法圓融是則
 可爾豈得實有凡身一生而得成辦故為
 此通非獨善財行者即得餘如發心功德品
 文有十句初二總
 明具諸位行三八十住四五入十行六入
 迴向又上四句亦皆十地行又上四義義
 合通別下四句通諸地位三八十住者比中十句文有三

節初一總具行位後四亦通中間四句自
有三義一但攝二賢以三智慧入法界
同任義故四五皆行故六願故二又上
四下重以此四攝十地三即十地證智證
十法界故四即別地行故五即稱埋具修
行故六即大願導諸行故三又上四下義
含通別者別如初配通諸位故

爾時彌勒菩薩摩訶薩如是稱歎善財童子

教五 八

種種功德今無量百千衆生發菩提心已告

善財言善哉善哉善男子汝為饒益一切世

間汝為救護一切衆生汝為勤求一切佛法

故發阿耨多羅三藐三菩提心善男子汝獲

善利汝善得人身汝善住壽命汝善值如來

出現汝善見文殊師利大善知識汝身是善

器為諸善根之所潤澤汝為白法之所資持

所有解欲悉已清淨已為諸佛共所護念已

為善友共所攝受

第二爾時彌勒下為善財歎菩提心文分

二別初結前生後後告善財下正歎於中
四初標歎發心二汝獲善利下歎其發心
之器成益三何以廣舉菩提心德釋成
四善男子菩提心者成就如是下結釋所
屬前二可知

何以故

二中先徵意云所以歎善哉獲善利者何

耶釋意云菩提心具德故文有二百二十

一句皆通三種發心頓具諸位功德且分

為二初一百一十八句明菩提心徧該諸

教五

九

地後得無畏藥下一百三句明菩提心頓

具諸位功德又前多明信成就及解行發

心後段多明證位發心故文多云得又前

段明菩提心殊勝功德高齊佛果後段喻

菩提心自在功德廣多無量

又前段明下約高廣分即

光統意故依之釋文若頌第三意則前段但是三賢即分為三攝上十二初三段十住次五十行後四十向二意皆通有宗法師於二百二十一喻皆立別名亦不分判亦無別理

善男子菩提心者猶如種子能生一切諸佛法故菩提心者猶如良田能長衆生白淨法故菩提心者猶如大地能持一切諸世間故

今初段中分二先別明後總結前中文通橫豎橫則一一發心皆具諸句之德豎則別配諸位發心以從菩薩種性至於究竟不出三種發心故光統配十二住初三句即種性住故云如種如田地皆是種性之義

菩提心者猶如淨水能洗一切煩惱垢故菩提心者猶如大風普於世間無所礙故菩提心者猶如盛火能燒一切諸見薪故菩提心

者猶如淨日普照一切諸世間故菩提心者猶如盛月諸白淨法悉圓滿故菩提心者猶如明燈能放種種法光明故

二如淨水下六句明勝解行住中之益

菩提心者猶如淨目普見一切安危處故菩提心者猶如大道普令得入大智城故菩提心者猶如正濟令其得離諸邪法故菩提心者猶如大車普能運載諸菩薩故菩提心者猶如門戶開示一切菩薩行故菩提心者猶如宮殿安住修習三昧法故菩提心者猶如園苑於中遊戲受法樂故菩提心者猶如舍宅安隱一切諸衆生故菩提心者則為所歸利益一切諸世間故菩薩心者則為所依諸菩薩行所依處故菩提心者猶如慈父訓導一切諸菩薩故菩提心者猶如慈母生長一

切諾菩薩故菩提心者猶如乳母養育一切諸菩薩故菩提心者猶如善友成益一切諸菩薩故菩提心者猶如君主勝出一切二乘人故菩提心者猶如帝王一切願中得自在故

牧五
三淨目下十六句極喜增上住皆初地中義故

菩提心者猶如大海一切功德悉入中故菩提心者如須彌山於諸衆生心平等故菩提心者如鐵圍山攝持一切諸世間故菩提心

者猶如雪山長養一切智慧藥故菩提心者猶如香山出生一切功德香故菩提心者猶如虛空諸妙功德廣無邊故菩提心者猶如蓮華不染一切世間法故

四如大海下七句戒增上住

牧五
菩提心者如調慧象其心善順不曠候故菩提心者如良善馬遠離一切諸惡性故菩提心者如調御師守護大乘一切法故菩提心者猶如良藥能治一切煩惱病故菩提心者猶如坑穽陷沒一切諸惡法故菩提心者猶如金剛悉能穿徹一切法故菩提心者猶如香篋能貯一切功德香故菩提心者猶如妙華一切世間所樂見故菩提心者如白梅檀除衆欲熱使清涼故菩提心者如黑沈香能熏法界悉周徧故

五調慧象下十句增上心住

菩提心者如善見藥王能破一切煩惱病故菩提心者如毘笈摩藥能拔一切諸惑箭故菩提心者猶如帝釋一切主中最爲尊故菩提心者如毘沙門能斷一切貧窮苦故菩提

心者如功德天一切功德所莊嚴故菩提心者如莊嚴具莊嚴一切諸菩薩故菩提心者如劫燒火能燒一切諸有爲故菩提心者如無生根藥長養一切諸佛法故菩提心者猶如龍珠能消一切煩惱毒故菩提心者如水清珠能清一切煩惱濁故

六善見藥下十句覺分相應增上慧住中云毘笈摩者此云普去

菩提心者如如意珠周給一切諸貧乏故菩提心者如功德瓶滿足一切衆生心故菩提心者如如意樹能雨一切莊嚴具故菩提心者如鵝羽衣不受一切生死垢故菩提心者如白氎線從本已來性清淨故菩提心者如快利犁能治一切衆生田故菩提心者如那羅延能摧一切我見敵故菩提心者猶如快

卷五

十三

箭能破一切諸苦的故菩提心者猶如利矛能穿一切煩惱甲故菩提心者猶如堅甲能護一切如理心故

七如意珠下十句諸諦相應增上住

菩提心者猶如利刀能斬一切煩惱首故菩提心者猶如利劍能斷一切憍慢鎧故菩提心者如勇將幢能伏一切諸魔軍故菩提心者猶如利鋸能截一切無明樹故菩提心者猶如利斧能伐一切諸苦樹故菩提心者猶如兵仗能防一切諸苦難故菩提心者猶如善手防護一切諸度身故菩提心者猶如好足安立一切諸功德故菩提心者猶如眼藥滅除一切無明翳故菩提心者猶如鉗鑷能拔一切身見刺故

八利刀下十句明緣起流轉止息相應增

上住

菩提心者猶如卧具息除生死諸勞苦故菩提心者如善知識能解一切生死縛故菩提心者如好珍財能除一切貧窮事故菩提心者如大導師善知菩薩出要道故菩提心者

牧五

十三

猶如伏藏出功德財無匱乏故菩提心者猶如涌泉生智慧水無窮盡故菩提心者猶如明鏡普現一切法門像故菩提心者猶如蓮華不染一切諸罪垢故菩提心者猶如大河流引一切度攝法故菩提心者如大龍王能

雨一切妙法雨故

九卧具下十句明無相有功用住

菩提心者猶如命根任持菩薩大悲身故菩提心者猶如甘露能令安住不死界故菩提心者猶如大網普攝一切諸眾生故菩提心

者猶如胃索攝取一切所應化故菩提心者猶如鉤餌出有淵中所居者故菩提心者如阿伽陀藥能令無病永安隱故菩提心者如除毒藥悉能消歇貪愛毒故菩提心者如善持咒能除一切顛倒毒故菩提心者猶如疾風能卷一切諸障霧故菩提心者如大寶洲出生一切覺分寶故

十命根下十句明無相無功用住

菩提心者如好種性出生一切白淨法故菩提心者猶如住宅諸功德法所依處故菩提心者猶如市肆菩薩商人貿易處故菩提心者如鍊金藥能治一切煩惱垢故菩提心者猶如好蜜圓滿一切功德味故菩提心者猶如正道令諸菩薩入智城故菩提心者猶如好器能持一切白淨法故菩提心者猶如時

雨能滅一切煩惱塵故菩提心者則為住處一切菩薩所住處故菩提心者則為壽行不取聲聞解脫果故

十一好種性下十句明無礙解住言壽行者梵本云則為磁石不吸聲聞解脫果故

菩提心者如淨瑠璃自性明潔無諸垢故菩提心者如帝青寶出過世間二乘智故菩提心者如更漏鼓覺諸眾生煩惱睡故菩提心者如清淨水性本澄潔無垢濁故菩提心者如閻浮金映奪一切有為善故菩提心者如大山王超出一切諸世間故菩提心者則為所歸不拒一切諸來者故菩提心者則為義利能除一切衰惱事故菩提心者則為妙寶能令一切心歡喜故菩提心者如大施會充滿一切眾生心故菩提心者則為尊勝諸眾

教五

十四

生心無與等故菩提心者猶如伏藏能攝一切諸佛法故菩提心者如因陀羅網能伏煩惱阿脩羅故菩提心者如婆樓那風能動一切所應化故菩提心者如因陀羅火能燒一切諸惑習故菩提心者如佛支提一切世間

應供養故

十二淨琉璃下十六句明最上菩薩住梵本云因陀羅網網取煩惱阿脩羅故婆樓那風此云迅猛風也其中文義皆與彼位相應恐繁不屬故始於種子終於惑習明登義彰矣然斷習等推功歸本由初發心則橫具諸德於理明矣
十五
善男子菩提心者成就如是無量功德舉要言之應知悉與一切佛法諸功德等何以故因菩提心出生一切諸菩薩行三世如來從

菩提心而出生故是故善男子若有發阿耨多羅三藐三菩提心者則已出生無量功德普能攝取一切智道

二善男子下總結即功成由於始發故初心具於諸德況復初後圓融

善男子譬如有人得無畏藥離五恐怖何等爲五所謂火不能燒毒不能中刀不能傷水不能漂烟不能熏菩薩摩訶薩亦復如是得一切智菩提心藥貪火不燒瞋毒不中或刀不傷有流不漂諸覺觀烟不能熏害善男子譬如有人得解脫藥終無橫難菩薩摩訶薩亦復如是得菩提心解脫智藥永離一切生死橫難善男子譬如有人持摩訶應伽藥毒蛇聞氣即皆遠去菩薩摩訶薩亦復如是持菩提心大應伽藥一切煩惱諸惡毒蛇聞其

氣者悉皆散滅善男子譬如有人持無勝藥一切冤敵無能勝者菩薩摩訶薩亦復如是持菩提心無能勝藥悉能降伏一切魔軍善男子譬如有人持毘笈摩藥能令毒箭自然墮落菩薩摩訶薩亦復如是持菩提心毘笈摩藥令貪恚癡諸邪見箭自然墮落善男子譬如有人持善見藥能除一切所有諸病菩薩摩訶薩亦復如是持菩提心善見藥王悉除一切諸煩惱病善男子如有藥樹名珊陀那有取其皮以塗瘡者瘡即除愈然其樹皮隨取隨生終不可盡菩薩摩訶薩從菩提心生一切智樹亦復如是若有得見而生信者煩惱業瘡悉得消滅一切智樹初無所損

第二善男子譬如下一百三句明菩提心自在功德文中各有喻合說聽之人所見

牧五

十六

深遠故所引喻多非凡境亦顯不共菩提心故雖通橫豎且豎分五段初有七句攝十住德覺心自性離惡覺等故

善男子如有藥樹名無生根以其力故增長一切閻浮提樹菩薩摩訶薩菩提心樹亦復如是以其力故增長一切學與無學及諸菩薩所有善法善男子譬如藥名阿藍婆若用塗身身之與心咸有堪能菩薩摩訶薩得菩提心阿藍婆藥亦復如是令其身心增長善法善男子譬如有人得念力藥凡所聞事

憶持不忘菩薩摩訶薩得菩提心念力妙藥悉能聞持一切佛法皆無忘失善男子譬如藥名大蓮華其有服者住壽一劫菩薩摩訶薩服菩提心大蓮華藥亦復如是於無數劫壽命自在善男子譬如有人執翳形藥人

與非人悉不能見菩薩摩訶薩執菩提心翳形妙藥一切諸魔不能得見善男子如海有珠名普集衆寶此珠若在假使劫火焚燒世間能令此海減於一滴無有是處菩薩摩訶薩菩提心珠亦復如是住於菩薩大願海中若常憶持不令退失能壞菩薩一善根者終無是處若退其心一切善法即皆散滅善男子如有摩尼名大光明有以此珠瓔珞身者映蔽一切寶莊嚴具所有光明悉皆不現菩薩摩訶薩菩提心寶亦復如是瓔珞其身映蔽一切二乘心寶諸莊嚴具悉無光采善男子如水晶珠能清濁水菩薩摩訶薩菩提心珠亦復如是能清一切煩惱垢濁善男子譬如有人得住水寶繫其身上入大海中不爲水害菩薩摩訶薩亦復如是得菩提心住水

妙寶入於一切生死海中終不沈沒善男子
 譬如有人得龍寶珠持入龍宮一切龍蛇不
 能為害菩薩摩訶薩亦復如是得菩提心大
 龍寶珠入欲界中煩惱龍蛇不能為害

二無生根下十喻攝十行德

大方廣佛華嚴經疏鈔會本第七十八之一

音釋

囊 乃朗切 環 音患 鞅 於兩切 俛 郎計切
 音靜 陷 筵 芳協切 毳 徒協切 細 莫浮切
 穿也 筵 箱篋也 毳 毛布也 矛 句兵也
 鋸 居御切 鉗 鉗巨淹切 餌 仍吏切
 刀鋸也 鉗 鉗尼輒切 餌 食也

卷五

文

大方廣佛華嚴經疏鈔會本第七十八之二 收六

唐于闐國三藏沙門實叉難陀 譯

唐清涼山大華嚴寺沙門澄觀撰述

善男子譬如帝釋著摩尼冠映蔽一切諸餘
天眾菩薩摩訶薩亦復如是著菩提心大願

寶冠超過一切三界眾生善男子譬如有人

收六

得如意珠除滅一切貧窮之苦菩薩摩訶薩
亦復如是得菩提心如意寶珠遠離一切邪
命怖畏善男子譬如有人得日精珠持向日
光而生於火菩薩摩訶薩亦復如是得菩提

心智日寶珠持向智光而生智火善男子譬
如有人得月精珠持向月光而生於水菩薩
摩訶薩亦復如是得菩提心月精寶珠持此
心珠鑒迴向光而生一切善根願水善男子
譬如龍王首戴如意摩尼寶冠遠離一切冤

敵怖畏菩薩摩訶薩亦復如是著菩提心大
悲寶冠遠離一切惡道諸難善男子如有寶
珠名一切世間莊嚴藏若有得者令其所欲
悉得充滿而此寶珠無所損減菩提心寶亦
復如是若有得者令其所願悉得滿足而菩
提心無有損減善男子如轉輪王有摩尼寶
置於宮中放大光明破一切闇菩薩摩訶薩
亦復如是以菩提心大摩尼寶住於欲界放
大智光悉破諸趣無明黑闇善男子譬如帝
青大摩尼寶若有爲此光明所觸即同其色
菩薩摩訶薩菩提心寶亦復如是觀察諸法
迴向善根靡不即同菩提心色善男子如瑠
璃寶於百千歲處不淨中不爲臭穢之所染
著性本淨故菩薩摩訶薩菩提心寶亦復如
是於百千劫住欲界中不爲欲界過患所染

猶如法界性清淨故

三帝釋著摩尼下九句攝十迴向德

善男子譬如寶名淨光明悉能映蔽一切
寶色菩薩摩訶薩菩提心寶亦復如是悉能
映蔽一切凡夫二乘功德善男子譬如寶
名爲火燄悉能除滅一切闇冥菩薩摩訶薩
菩提心寶亦復如是能滅一切無知闇冥善
男子譬如海中有無價寶商人采得船載入
城諸餘摩尼百千萬種光色價直無與等者
菩提心寶亦復如是住於生死大海之中菩
薩摩訶薩乘大願船深心相續載之來入解
脫城中二乘功德無能及者善男子如有寶
珠名自在王處閻浮洲去日月輪四萬由旬
日月宮中所有莊嚴其珠影現悉皆具足菩
薩摩訶薩發菩提心淨功德寶亦復如是住

生死中照法界空佛智日月一切功德悉於
中現

四有寶名淨光明下六十喻攝十地德即
分爲十初四攝初地德

善男子如有寶珠名自在王日月光明所照
之處一切財寶衣服等物所有價直悉不能
及菩薩摩訶薩發菩提心自在王寶亦復如
是一切智光所照之處三世所有天人二乘
漏無漏善一切功德皆不能及善男子海中
有寶名曰海藏普現海中諸莊嚴事菩薩摩
訶薩菩提心寶亦復如是普能顯現一切智
海諸莊嚴事善男子譬如天上閻浮檀金唯
除心王大摩尼寶餘無及者菩薩摩訶薩發
菩提心閻浮檀金亦復如是除一切智心王
大寶餘無及者

二如自在王下三喻攝二地德持戒頭陀等淨功德故

善男子譬如有人善調龍法於諸龍中而得自在菩薩摩訶薩亦復如是得菩提心善調龍法於諸一切煩惱龍中而得自在善男子譬如勇士被執鎧仗一切冤敵無能降伏菩薩摩訶薩亦復如是被執菩提大心鎧仗一切業惑諸惡冤敵無能屈伏善男子譬如天上黑栴檀香若燒一鉢其香普熏小千世界三千世界滿中珍寶所有價直皆不能及菩薩摩訶薩菩提心香亦復如是一念功德普熏法界聲聞緣覺一切功德皆所不及善男子如白栴檀若以塗身悉能除滅一切熱惱令其身心普得清涼菩薩摩訶薩菩提心香亦復如是能除一切虛妄分別貪恚癡等諸

惑熱惱令其具足智慧清涼

三善調龍法下四喻攝三地德入諸禪定離惑熱等故

善男子如須彌山若有近者即同其色菩薩摩訶薩菩提心山亦復如是若有近者悉得同其一切智色善男子譬如波利質多羅樹其皮香氣聞浮提中若婆師迦瞻葡迦若蘇摩那如是等華所有香氣皆不能及菩薩摩訶薩菩提心樹亦復如是所發大願功德之香一切二乘無漏戒定智慧解脫解脫知見諸功德香悉不能及善男子譬如波利質多羅樹雖未開華應知即是無量諸華出生之處菩薩摩訶薩菩提心樹亦復如是雖未開發一切智華應知即是無數天人眾菩提華所生之處善男子譬如波利質多羅華一日

熏衣瞻蔔迦華婆利師華蘇摩那華雖千歲
熏亦不能及菩薩摩訶薩菩提心華亦復如
是一生所熏諸功德香普徹十方一切佛所
一切二乘無漏功德百千劫熏所不能及
四須彌山下四喻攝四地德同一切智焰
得無漏故

善男子如海島中生椰子樹根莖枝葉及以
華果一切衆生恒取受用無時暫歇菩薩摩
訶薩菩提心樹亦復如是始從發起悲願之
心乃至成佛正法住世常時利益一切世間

無有間歇善男子如有藥汁名訶宅迦人或
得之以其一兩變千兩銅悉成真金非千兩
銅能變此藥菩薩摩訶薩亦復如是以菩提
心迴向智藥普變一切業惑等法悉使成於
一切智相非業惑等能變其心善男子譬如

小火隨所焚燒其燄轉熾菩薩摩訶薩菩提
心火亦復如是隨所攀緣智燄增長善男子
譬如一燈然百千燈其本一燈無減無盡菩
薩摩訶薩菩提心燈亦復如是普然三世諸
佛智燈而其心燈無減無盡

五椰子樹下四喻攝五地德利人不染俗
故

善男子譬如一燈入於閻室百千年闇悉能
破盡菩薩摩訶薩菩提心燈亦復如是入於
衆生心室之內百千萬億不可說劫諸業煩
惱種種闇障悉能除盡善男子譬如燈炷隨
其大小而發光明若益膏油明終不絕菩薩
摩訶薩菩提心燈亦復如是大願爲炷光照
法界益大悲油教化衆生莊嚴國土施作佛
事無有休息善男子譬如他化自在天王冠

閻浮檀真金天冠欲界天子諸莊嚴具皆不能及菩薩摩訶薩亦復如是冠菩提心大願天冠一切凡夫二乘功德皆不能及善男子如師子王哮吼之時師子兒聞皆增勇健餘獸聞之即皆竄伏佛師子王菩提心吼應知

亦爾諸菩薩聞增長功德有所得者聞皆退散善男子譬如有人以師子筋而爲樂絃其音既奏餘絃悉絕菩薩摩訶薩亦復如是如來師子波羅蜜身菩提心筋爲法樂絃其音既奏一切五欲及以二乘諸功德絃悉皆斷滅善男子譬如有人以牛羊等種種諸乳假使積集盈於大海以師子乳一滴投中悉皆變壞直過無礙菩薩摩訶薩亦復如是如來師子菩提心乳著無量劫業煩惱乳大海之中悉令壞滅直過無礙終不住於二乘

解脫

第六

六

六一燈下六喻攝六地德般若現前頓破
闍故

善男子譬如迦陵頻伽鳥在卵殼中有大勢力一切諸鳥所不能及菩薩摩訶薩亦復如是於生死殼發菩提心所有大悲功德勢力聲聞緣覺無能及者善男子如金翅鳥王子初始生時目則明利飛則勁捷一切諸鳥雖久成長無能及者菩薩摩訶薩亦復如是發菩提心爲佛王子智慧清淨大悲勇猛一切二乘雖百千劫久修道行所不能及善男子如有壯夫手執利矛刺堅密甲直過無礙菩薩摩訶薩亦復如是執菩提心鈇利快矛刺諸邪見隨眠密甲悉能穿徹無有障礙善男子譬如摩訶那伽大力勇士若奮威怒於其

額上必生瘡疤瘡若未合閻浮提中一切人
民無能制伏菩薩摩訶薩亦復如是若起大
悲必定發於菩提之心心未捨來一切世間
魔及魔民不能爲害善男子譬如射師有諸
弟子雖未慣習其師技藝然其智慧方便善
巧餘一切人所不能及菩薩摩訶薩^六初始發
心亦復如是雖未慣習一切智行然其所有
願智解欲一切世間凡夫二乘悉不能及
七迦陵頻伽下五喻攝七地德善入方便
得自在故

善男子如人學射先安其足後習其法菩薩
摩訶薩亦復如是欲學如來一切智道先當
安住菩提之心然後修行一切佛法善男子
譬如幻師將作幻事先當起意憶持幻法然
後所作悉得成就菩薩摩訶薩亦復如是將

起一切諸佛菩薩神通幻事先當起意發菩
提心然後一切悉得成就善男子譬如幻術
無色現色菩薩摩訶薩菩提心相亦復如是
雖無有色不可覩見然能普於十方法界示
現種種功德莊嚴善男子譬如猫狸纔見於
鼠鼠即入穴不敢復出菩薩摩訶薩發菩提
心亦復如是暫以慧眼觀諸惑業皆即窳匿
不復出生善男子譬如有人著閻浮金莊嚴
之具映蔽一切皆如聚墨菩薩摩訶薩亦復
如是著菩提心莊嚴之具映蔽一切凡夫二
乘功德莊嚴悉無光色善男子如好磁石少
分之力即能吸壞諸鐵鉤鎖菩薩摩訶薩發
菩提心亦復如是若起一念悉能壞滅一切
見欲無明鉤鎖善男子如有磁石鐵若見之
即皆散去無留住者菩薩摩訶薩發菩提心

亦復如是諸業煩惱二乘解脫若暫見之即皆散滅亦無住者善男子譬如有人善入大海一切水族無能爲害假使入於摩竭魚口亦不爲彼之所吞噬菩薩摩訶薩亦復如是發菩提心入生死海諸業煩惱不能爲害假

次六

八

使入於聲聞緣覺實際法中亦不爲其之所留難善男子譬如有人飲甘露漿一切諸物不能爲害菩薩摩訶薩亦復如是飲菩提心甘露法漿不隨聲聞辟支佛地以具廣大悲願力故善男子譬如有人得安繕那藥以塗其目雖行人間人所不見菩薩摩訶薩亦復如是得菩提心安繕那藥能以方便入魔境界一切衆魔所不能見善男子譬如有人依附於王不畏餘人菩薩摩訶薩亦復如是依菩提心大勢力王不畏障蓋惡道之難善男

子譬如有人住於水中不畏火焚菩薩摩訶薩亦復如是住菩提心善根水中不畏二乘解脫智火善男子譬如有人依倚猛將即不怖畏一切冤敵菩薩摩訶薩亦復如是依菩提心勇猛大將不畏一切惡行冤敵善男子

如釋天王執金剛杵摧伏一切阿修羅衆菩薩摩訶薩亦復如是持菩提心金剛之杵摧伏一切諸魔外道

八如人學射下十四喻攝八地德無功發心能滅相惑等故

次六

九

善男子譬如有人服延齡藥長得充健不老不瘦菩薩摩訶薩亦復如是服菩提心延齡之藥於無數劫修菩薩行心無疲厭亦無染著善男子譬如有人調和藥汁必當先取好清淨水菩薩摩訶薩亦復如是欲修菩薩一

切行願先當發起菩提之心善男子如人護身先護命根菩薩摩訶薩亦復如是護持佛法亦當先護菩提之心善男子譬如有人命根若斷不能利益父母宗親菩薩摩訶薩亦復如是捨菩提心不能利益一切衆生不能成就諸佛功德善男子譬如大海無能壞者菩提心海亦復如是諸業煩惱二乘之心不能壞善男子譬如日光星宿光明不能映蔽菩提心日亦復如是一切二乘無漏智光所不能蔽善男子如王子初生即爲大臣之所尊重以種性自在故菩薩摩訶薩亦復如是於佛法中發菩提心即爲耆宿久修梵行聲聞緣覺所共尊重以大悲自在故善男子譬如王子年雖幼稚一切大臣皆悉敬禮菩薩摩訶薩亦復如是雖初發心修菩薩行二

乘耆舊皆應敬禮善男子譬如王子雖於一切臣佐之中未得自在已具王相不與一切諸臣佐等以生處尊勝故菩薩摩訶薩亦復如是雖於一切業煩惱中未得自在然已具足菩提之相不與一切二乘齊等以種性第一故善男子譬如清淨摩尼妙寶眼有翳故見爲不淨菩薩摩訶薩菩提心寶亦復如是無智不信謂爲不淨

九服延齡藥下十喻攝九地德延壽益生等故

善男子譬如有藥爲呪所持若有衆生見聞同住一切諸病皆得消滅菩薩摩訶薩菩提心藥亦復如是一切善根智慧方便菩薩願智共所攝持若有衆生見聞同住憶念之者諸煩惱病悉得除滅善男子譬如有人常持

甘露其身畢竟不變不壞菩薩摩訶薩亦復如是若常憶持菩提心甘露令願智身畢竟不壞善男子如機關木人若無有楔身即離散不能運動菩薩摩訶薩亦復如是無菩提心行即分散不能成就一切佛法善男子如

收六

十

轉輪王有沈香寶名曰象藏若燒此香王四種兵悉騰虛空菩薩摩訶薩菩提心香亦復如是若發此意即令菩薩一切善根永出三界行如來智無爲空中善男子譬如金剛唯從金剛處及金處生非餘寶處生菩薩摩訶薩菩提心金剛亦復如是唯從大悲救護衆生金剛處一切智智殊勝境界金處而生非餘衆生善根處生善男子譬如有樹名曰無根不從根生而枝葉華果悉皆繁茂菩薩摩訶薩菩提心樹亦復如是無根可得而能長

養一切智智神通大願枝葉華果扶踈蔭映普覆世間

譬如有藥爲呪所持下六喻攝十地德深除惑習成一切佛法故

善男子譬如金剛非劣惡器及以破器所能容持唯除全具上妙之器菩提心金剛亦復如是非下劣衆生慳嫉破戒懈怠妄念無智器中所能容持亦非退失殊勝志願散亂惡覺衆生器中所能容持唯除菩薩深心寶器善男子譬如金剛能穿衆寶菩提心金剛亦復如是悉能穿徹一切法寶善男子譬如金剛能壞衆山菩提心金剛亦復如是悉能摧壞諸邪見山善男子譬如金剛雖破不全一切衆寶猶不能及菩提心金剛亦復如是雖復志劣少有虧損猶勝一切二乘功德善男

子譬如金剛雖有損缺猶能除滅一切貧窮
菩提心金剛亦復如是雖有損缺不進諸行
猶能捨離一切生死善男子如少金剛悉能
破壞一切諸物菩提心金剛亦復如是入少
境界即破一切無知諸惑善男子譬如金剛

非凡人所得菩提心金剛亦復如是非劣意
衆生之所能得善男子譬如金剛不識寶人
不知其能不得其用菩提心金剛亦復如是
不知法人不了其能不得其用善男子譬如
金剛無能銷滅菩提心金剛亦復如是一切
諸法無能銷滅善男子如金剛杵諸大力人
皆不能持唯除有大那羅延力菩提之心亦
復如是一切二乘皆不能持唯除菩薩廣大
因緣堅固善力善男子譬如金剛一切諸物
無能壞者而能普壞一切諸物然其體性無

所損滅菩提之心亦復如是普於三世無數
劫中教化衆生修行苦行聲聞緣覺所不能
者咸能作之然其畢竟無有疲厭亦無損壞
善男子譬如金剛餘不能持唯金剛地之所
能持菩提之心亦復如是聲聞緣覺皆不能
持唯除趣向薩婆若者善男子如金剛器無
有瑕缺用盛於水永不滲漏而入於地菩提
心金剛器亦復如是盛善根水永不滲漏令
入諸趣善男子如金剛際能持大地不令墜
沒菩提之心亦復如是能持菩薩一切行願
不令墜沒入於三界善男子譬如金剛久處
水中不爛不濕菩提之心亦復如是於一切
劫處在生死業惑水中無壞無變善男子譬
如金剛一切諸火不能燒然不能令熱菩提
之心亦復如是一切生死諸煩惱火不能燒

然不能令熱善男子譬如三千世界之中金剛座上能持諸佛坐於道場降伏諸魔成等正覺非是餘座之所能持菩提心座亦復如是能持菩薩一切願行諸波羅蜜諸忍諸地迴向受記修習菩提助道之法供養諸佛聞法受行一切餘心所不能持

教六

十三

五金剛非劣惡器下十七喻攝等覺位功德以金剛智終成菩提故其間梵語具如

音義以金剛智者既始從種性終至金剛菩提之智堅配理明初心頓具諸位功德正順經宗故毗盧遮那品云一切功德皆在最初菩提心中住即其義也又後
 一百三句自在德中若唯配十地亦可束之十住為初地十行為二地十向為三地初二三地並為四地四五為五地後五行相其間梵語者忍繁故指疏中隨難已釋其二謂毗婆娑樓那餘未釋者今當具之大應如者應伽云身然身有四名一曰迦耶二曰設理羅三曰第訶四曰應伽然應伽又云分謂支分也次云樹名珊陀那者此云和合或云斷續謂此藥能令已斷

傷者再續和合也阿藍婆者此云藥汁其藥出香山及雪山中天生在於石臼之內或云得喜謂得此藥生歡喜故四須彌下四地德中波利質多羅樹波利此云通也亦曰周而質多羅云間錯莊嚴也言此樹衆雜色華周而嚴飾或曰圓妙莊嚴次云婆師迦華具云婆利史迦言婆利史者此云兩也迦謂迦羅此云時也雨時生故瞻葡迦華此云黃色華其華有香氣而形似梔子華也蘇摩那華此云悅意華其華形色俱媚今見者心悅故五椰子下明五地德訶宅迦此云金色水甚於九轉還丹之力也七迦陵頻伽鳥前已釋竟此云美音或曰妙聲此鳥本出雪山在巖能鳴其音和雅聽者無厭摩訶伽此云大龍亦云大象今此力士力如龍象八如人下八地德中摩竭魚者此云大體即是此方巨鼈之類兩目如日張口如睛谷能吞大舟凡出演流即如湖上喻水如壑高下如山大者可長二百餘里安踏那青色藥

善男子菩提心者成就如是無量無邊乃至不可說不可說殊勝功德若有衆生發阿耨多羅三藐三菩提心則獲如是勝功德法是故善男子汝獲善利汝發阿耨多羅三藐三菩提心求菩薩行已得如是大功德故

第四善男子菩提心者下結釋所屬謂上來多德釋獲善利之言故

善男子如汝所問菩薩云何學菩薩行修菩薩道善男子汝可入此毗盧遮那莊嚴藏大樓閣中周徧觀察則能了知學菩薩行學已成就無量功德

第二善男子如汝所問下正授法界於中

四一授法體二顯法名三窮嚴因之本源

四覈正報之性相故初中四一攝入方便

二加令證入三見所證境四事訖起定初

中先牒問勸證

大方廣佛華嚴經疏鈔會本第七十八之二

音釋

買音茂鼻尺救切與臭銖市朱切重椰子椰以
遮切竄七亂切殼苦角切銛息廉切庖皮教切
木名逃也
教六

慣慣古切習患切瘵所祐也雅直利切磁疾之切噬針石也

大方廣佛華嚴經疏鈔會本第七十九 牧七

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子恭敬右繞彌勒菩薩摩訶薩

已而白之言唯願大聖開樓閣門令我得入

後爾時善財下求證方便

牧七

一

時彌勒菩薩前詣樓閣彈指出聲其門即開

命善財入善財心喜入已還閉

第二爾時彌勒下加令證入先約緣加今

其說法之言會旨則佛法門開故云前詣

等即開理智門示令其悟入也後善財心

喜下約因自證悟佛知見則入法界從迷

之悟加行趣入有門理之殊證已契合能

所兩亡即妄而真更無入處故云還閉

見其樓閣廣博無量同於虛空阿僧祇寶以

爲其地阿僧祇宮殿阿僧祇門闥阿僧祇窻
牖阿僧祇階陛阿僧祇欄楯阿僧祇道路皆
七寶成阿僧祇幡阿僧祇幢阿僧祇蓋周迴
間列阿僧祇衆寶瓔珞阿僧祇真珠瓔珞阿
僧祇赤真珠瓔珞阿僧祇師子珠瓔珞處處
垂下阿僧祇半月阿僧祇繒帶阿僧祇寶網
以爲嚴飾阿僧祇寶鐸風動成音散阿僧祇
天諸雜華懸阿僧祇天寶鬘帶嚴阿僧祇衆
寶香鑪阿僧祇細末金屑懸阿僧祇寶鏡
然阿僧祇寶燈布阿僧祇寶衣列阿僧祇寶
帳設阿僧祇寶座阿僧祇寶繒以敷座上阿
僧祇閻浮檀金童女像阿僧祇雜寶諸形像
阿僧祇妙寶菩薩像處處充徧阿僧祇衆鳥
出和雅音阿僧祇寶優鉢羅華阿僧祇寶波
頭摩華阿僧祇寶拘物頭華阿僧祇寶芬陀

利華以爲莊嚴阿僧祇寶樹次第行列阿僧祇摩尼寶放大光明如是等無量阿僧祇諸莊嚴具以爲莊嚴又見其中有無量百千諸妙樓閣一一嚴飾悉如上說廣博嚴麗皆同虛空不相障礙亦無雜亂善財童子於一處中見一切處一切諸處悉如是見爾時善財童子見毘盧遮那莊嚴藏樓閣如是種種不可思議自在境界生大歡喜踊躍無量身心柔軟離一切想除一切障滅一切惑所見不忘所聞能憶所思不亂入於無礙解脫之門普運其心普見一切普申敬禮

第三見其樓閣下明見所證境於中二先別明所見後總顯見相前中六一見依報二見正報三見伴菩薩四見諸佛五見閣中主閣六總見嚴具作用然此六皆是悲

智之中所有然此等闕表悲智故今初先見後益前中三一一直見一重莊嚴有標列結同虛空者稱法性故次又見其中下依中有依一中見多即微細門亦主伴門後善財童子下一處見多即相在門二爾時下明得益

纔始稽首以彌勒菩薩威神之力自見其身徧在一切諸樓閣中具見種種不可思議自在境界所謂或見彌勒菩薩初發無上菩提心時如是名字如是種族如是善友之所開悟令其種植如是善根住如是壽在如是劫世七值如是佛處於如是莊嚴刹土修如是行發三如是願彼諸如來如是衆會如是壽命經爾許時親近供養悉皆明見或見彌勒最初證得慈心三昧從是已來號爲慈氏或見彌勒修諸妙行成滿一切諸波羅蜜或見得忍或

見住地或見成就清淨國土或見護持如來正教爲大法師得無生忍其時某處某如來所受於無上菩提之記或見彌勒爲轉輪王勸諸衆生住十善道或爲護世饒益衆生或爲釋天呵責五欲或爲酸摩天王讚不放逸或爲兜率天王稱歎一生菩薩功德或爲化樂天王爲諸天衆現諸菩薩變化莊嚴或爲他化自在天王爲諸天衆演說一切諸佛之法或作魔王說一切法皆悉無常或爲梵王說諸禪定無量喜樂或爲阿修羅王入大智海了法如幻爲其衆會常演說法斷除一切憍慢醉傲或復見其處閻羅界放大光明救地獄苦或見在於餓鬼之處施諸飲食濟彼饑渴或見在於畜生之道種種方便調伏衆生或復見爲護世天王衆會說法或復見爲

忉利天王衆會說法或復見爲酸摩天王衆會說法或復見爲兜率天王衆會說法或復見爲化樂天王衆會說法或復見爲他化自在天王衆會說法或復見爲大梵王衆會說法或復見爲龍王衆會說法或復見爲夜叉羅刹王衆會說法或復見爲乾闥婆緊那羅王衆會說法或復見爲阿脩羅陀那婆王衆會說法或復見爲迦樓羅摩睺羅伽王衆會說法或復見爲其餘一切人非人等衆會說法或復見爲第七聲聞衆會說法或復見爲緣覺衆會說法或復見爲初發心乃至一生所繫已灌頂者諸菩薩衆而演說法或見讚說初地乃至十地所有功德或見讚說滿足一切諸波羅蜜或見讚說入諸忍門或見讚說諸大三昧門或見讚說甚深解脫門或見讚說

諸禪三昧神通境界或見讚說諸菩薩行或見讚說諸大誓願或見與諸同行菩薩讚說世間資生工巧種種方便利衆生事或見與諸一生菩薩讚說一切佛灌頂門或見彌勒於百千年經行讀誦書寫經卷勤求觀察爲衆說法或入諸禪四無量心或入徧處及諸解脫或入三昧以方便力現諸神變

第二纔始稽首下見正報中二先總標所謂下別顯於中五一見初發心時二或見彌勒最初證得慈心下見其修行得法三或見彌勒爲轉輪下隨類攝生時四或復見爲護世下見處會說法於中先明所處會殊或見讚說初地下顯所說之法五或見彌勒於百千下總見行用

或見諸菩薩入變化三昧各於其身一一毛

扶七

五

孔出於一切變化身雲或見出天衆身雲或見出龍衆身雲或見出夜叉乾闥婆緊那羅阿脩羅迦樓羅摩睺羅伽釋梵護世轉輪聖王小王王子大臣官屬長者居士身雲或見出聲聞緣覺及諸菩薩如來身雲或見出一

切衆生身雲或見出妙音讚諸菩薩種種法門所謂讚說菩提心功德門讚說檀波羅蜜乃至智波羅蜜功德門讚說諸攝諸禪諸無量心及諸三昧三摩鉢底諸通諸明總持辯才諸諦諸智止觀解脫諸緣諸依諸說法門讚說念處正勤神足根力七菩提分八聖道分諸聲聞乘諸獨覺乘諸菩薩乘諸地諸忍諸行諸願如是等一切諸功德門

第三或見諸菩薩下明見伴菩薩身雲演法即前與無量眷屬

或復於中見諸如來大眾圍繞亦見其佛生處種姓身形壽命刹劫名號說法利益教住久近乃至所有道場聚會種種不同悉皆明見

第四或復於中見諸如來下明見諸佛攝化之德

又復於彼莊嚴藏內諸樓閣中見一樓閣高廣嚴飾最上無比於中悉見三千世界百億四天下百億兜率陀天一皆有彌勒菩薩降神誕生釋梵天王捧持頂戴遊行七步觀察十方大師子吼現爲童子居處宮殿遊戲園苑爲一切智出家苦行示受乳糜往詣道場降伏諸魔成等正覺觀菩提樹梵王勸請轉正法輪升天宮殿而演說法劫數壽量聚會莊嚴所淨國土所修行願教化成熟衆生

方便分布舍利住持教法皆悉不同爾時善財自見其身在彼一切諸如來所亦見於彼一切衆會一切佛事憶持不忘通達無礙

第五又復於彼下見閣中主閻別明慈氏一生當作於中先見後爾時下得益可知

復聞一切諸樓閣內寶網鈴鐸及諸樂器皆悉演暢不可思議微妙法音說種種法所謂或說菩薩發菩提心或說修行波羅蜜行或說諸願或說諸地或說恭敬供養如來或說莊嚴諸佛國土或說諸佛說法差別如上所說一切佛法悉聞其音敷暢辯了又聞某處有某菩薩聞某法門某善知識之所勸導發菩提心於某劫某刹某如來所某大眾中聞於某佛如是功德發如是心起如是願種於如是廣大善根經若干劫修菩薩行於爾許

時當成正覺如是名號如是壽量如是國土
具足莊嚴滿如是願化如是衆如是聲聞菩
薩衆會般涅槃後正法住世經爾許劫利益
如是無量衆生或聞某處有某菩薩布施持
戒忍辱精進禪定智慧修習如是諸波羅蜜
或聞某處有某菩薩爲求法故棄捨王位及
諸珍寶妻子眷屬手足頭目一切身分皆無
所惜或聞某處有某菩薩守護如來所說正
法爲大法師廣行法施建法幢吹法蠡擊法
鼓雨法雨造佛塔廟作佛形像施諸衆生一
切樂具或聞某處有某如來於某劫中成等
正覺如是國土如是衆會如是壽命說如是
法滿如是願教化如是無量衆生善財童子
聞如是等不可思議微妙法音身心歡喜柔
輒悅懌即得無量諸總持門諸辯才門諸禪

諸忍諸願諸度諸通諸明及諸解脫諸三昧
門又見一切諸寶鏡中種種形像所謂或見
諸佛衆會道場或見菩薩衆會道場或見聲
聞衆會道場或見緣覺衆會道場或見淨世
界或見不淨世界或見淨不淨世界或見不
淨淨世界或見有佛世界或見無佛世界或
見小世界或見中世界或見大世界或見因
陀羅網世界或見覆世界或見仰世界或見
平坦世界或見地獄畜生餓鬼所住世界或
見天人充滿世界於如是等諸世界中見有
無數大菩薩衆或行或坐作諸事業或起大
悲憐愍衆生或造諸論利益世間或受或持
或書或誦或問或答三時懺悔迴向發願又
見一切諸寶柱中放摩尼王大光明網或青
或黃或赤或白或玻璃色或水精色或帝青

色或虹蜺色或閻浮檀金色或作一切諸光明色又見彼閻浮檀金童女及衆寶像或以其手而執華雲或執衣雲或執幢幡或執鬘蓋或持種種塗香末香或持上妙摩尼寶網或垂金鎖或挂瓔珞或舉其臂捧莊嚴具或低其首垂摩尼冠廿七曲躬瞻仰目不暫捨又見彼真珠瓔珞常出香水具八功德瑠璃瓔珞百千光明同時照耀幢幡網蓋如是等物一切皆以衆寶莊嚴又復見彼優鉢羅華波頭摩華拘物頭華芬陀利華各各生於無量諸華或大一手或長一肘或復縱廣猶如車輪一一華中皆悉示現種種色像以爲嚴飾所謂男色像女色像童男色像童女色像釋梵護世天龍夜叉乾闥婆阿脩羅迦樓羅緊那羅摩睺羅伽聲聞緣覺及諸菩薩如是一切

衆生色像皆悉合掌曲躬禮敬亦見如來結加趺坐三十二相莊嚴其身又復見彼淨瑠璃地一一步間現不思議種種色像所謂世界色像菩薩色像如來色像及諸樓閣莊嚴色像又於寶樹枝葉華果一一事中悉見種種半身色像所謂佛半身色像菩薩半身色像天龍夜叉乃至護世轉輪聖王小王王子大臣官長及以四衆半身色像其諸色像或執華鬘或執瓔珞或持一切諸莊嚴具或有曲躬合掌禮敬一心瞻仰目不暫捨或有讚歎或入三昧廿七其身悉以相好莊嚴普放種種諸色光明所謂金色光明銀色光明珊瑚色光明兜沙羅色光明帝青色光明毘盧遮那寶色光明一切衆寶色光明瞻波迦華色光明又見諸樓閣半月像中出阿僧祇日月星

宿種種光明普照十方又見諸樓閣周迴四壁一一歩内一切衆寶以爲莊嚴一一寶中皆現彌勒曩劫修行菩薩道時或施頭目或施手足唇舌牙齒耳鼻血肉皮膚骨髓乃至爪髮如是一切悉皆能捨妻妾男女城邑聚落國土王位隨其所須盡皆施與處牢獄者令得出離被繫縛者使其解脫有疾病者爲其救療入邪徑者示其正道或爲船師令度大海或爲馬王救護惡難或爲大仙善說諸論或爲輪王勸修十善或爲醫王善療衆病或孝順父母或親近善友或作聲聞或作緣覺或作菩薩或作如來教化調伏一切衆生或爲法師奉行佛教受持讀誦如理思惟立佛支提作佛形像若自供養若勸於他塗香散華恭敬禮拜如是等事相續不絕或見坐

於師子之座廣演說法勸諸衆生安住十善一心歸向佛法僧寶受持五戒及八齋戒出家聽法受持讀誦如理修行乃至見於彌勒菩薩百千億那由他阿僧祇劫修行諸度一切色像又見彌勒會所承事諸善知識悉以一切功德莊嚴亦見彌勒在彼一一善知識所親近供養受行其教乃至住於灌頂之地時諸知識告善財言善來童子汝觀此菩薩不思議事莫生疲厭

第六復聞一切下見聞嚴具作用於中十段一聞網等演法於中三一近聞次又聞某處下遠聞後善財下得益二見寶鏡作用三見寶柱放光四見寶像威儀五見瓔珞等出生六蓮華重現七寶地現像八樹現半身兜沙羅者此云霜冰九半月現光

十壁現本事於中初見慈氏修行隨類攝
生後又見下觀所事友勸喻善財

爾時善財童子得不忘失憶念力故得見十
方清淨眼故得善觀察無礙智故得諸菩薩
自在智故得諸菩薩已入智地廣大解故於

一切樓閣一一物中悉見如是及餘無量不
可思議自在境界諸莊嚴事

二爾時善財下總顯見相先法後喻今初
謂何力能見以何眼見將何智見依何位
見於何處見如經屬之及結前來所不說

境

譬如有人於睡夢中見種種物所謂城邑聚
落宮殿園苑山林河池衣服飲食乃至一切
資生之具或見自身父母兄弟內外親屬或
見大海須彌山王乃至一切諸天宮殿閻浮

七

十二

提等四天下事或見其身形量廣大百千由
旬房舍衣服悉皆相稱謂於晝日經無量時
不眠不寢受諸安樂從睡覺已乃知是夢而
能明記所見之事善財童子亦復如是以彌
勒菩薩力所持故知三界法皆如夢故滅諸
衆生狹劣想故得無障礙廣大解故住諸菩
薩勝境界故入不思議方便智故能見如是
自在境界譬如有人將欲命終見隨其業所
受報相行惡業者見於地獄畜生餓鬼所有
一切衆苦境界或見獄卒手持兵仗或瞋或
罵囚執將去亦聞號叫悲歎之聲或見灰河
或見鑊湯或見刀山或見劔樹種種逼迫受
諸苦惱作善業者即見一切諸天宮殿無量
天衆天諸采女種種衣服具足莊嚴宮殿園
林盡皆妙好身雖未死而由業力見如是事

善財童子亦復如是以菩薩業不思議力得見一切莊嚴境界譬如有人爲鬼所持見種種事隨其所問悉皆能答善財童子亦復如是菩薩智慧之所持故見彼一切諸莊嚴事若有問者靡不能答譬如有人爲龍所持自謂是龍入於龍宮於少時間自謂已經日月年載善財童子亦復如是以住菩薩智慧想故彌勒菩薩所加持故於少時間謂無量劫譬如梵宮名莊嚴藏於中悉見三千世界一切諸物不相雜亂善財童子亦復如是於樓觀中普見一切莊嚴境界種種差別不相雜亂譬如比丘入徧處定若行若住若坐若臥隨所入定境界現前善財童子亦復如是入於樓觀一切境界悉皆明了譬如有人於虛空中見乾闥婆城具足莊嚴悉分別知無有

障礙譬如夜叉宮殿與人宮殿同在一處而不相雜各隨其業所見不同譬如大海於中悉見三千世界一切色像譬如幻師以幻力故現諸幻事種種作業善財童子亦復如是以彌勒菩薩威神力故及不思議幻智力故能以幻智知諸法故得諸菩薩自在力故見樓閣中一切莊嚴自在境界

後譬如下喻顯見相所以有十喻者所喻別故然有二意一喻能見因緣不同故二喻所見境相別故具初意者十中初一總收七喻能見所見皆如夢事大小無礙等如喻合文尋之餘九皆別二喻自因力隨自業故凡命將終故三四並喻緣力龍鬼所持故然鬼持自他不同龍持自他同體五喻友依報力六是定力七喻性空八喻法界

自在力九喻智定無二力大智海印之三
昧故十幻智自在力二約所喻境相別者
亦初總餘別別中一臨終現業喻喻所見
真應二非人所持喻喻所見能說三龍宮
淹久喻喻念劫圓融四梵宮廣現喻喻一

多無礙五徧處定境喻喻所見明了六乾

城依空喻喻事理無礙七同處異見喻喻

隱顯自在八海現三千喻喻頓現遠近九

幻現衆多喻喻所見純雜無礙六乾城依

喻中前六有合七八九無至第十幻中一
時總合從後倒合初以彌勒菩薩威神故

合於幻師二及不思議幻智力故以合大
海海印之義即智海故三能以幻智知諸
法故即合夜叉與人互不相見以如幻故
四得諸菩薩自在力故合於乾城依空無
礙現自在故以在幻後皆帶幻字以有兩
重之意故有十喻差別不同不為此釋則
謂經文繫
不要也

爾時彌勒菩薩摩訶薩即攝神力入樓閣中

彈指作聲告善財言善男子起法性如是此
是菩薩知諸法智因緣聚集所現之相如是
自性如幻如夢如影如像悉不成就爾時善
財聞彈指聲從三昧起彌勒告言善男子汝
住菩薩不可思議自在解脫受諸菩薩三昧

喜樂能見菩薩神力所持助道所流願智所
現種種上妙莊嚴宮殿見菩薩行聞菩薩法
知菩薩德了如來願善財白言唯然聖者是
善知識加被憶念威神之力

第四爾時彌勒下事訖起定於中四一警

覺令起亦彈指者前來得旨所謂忘言此
中得旨令不滯寂前來得旨者則以定為
門此則以用為門動寂
無二真
入法界二法性下畧示體相初句標此是
下釋所見之相從法智緣生緣生故無自
性故云如是自性如幻夢等悉不成就者

結成上義從緣無性故事不成就無性從

緣故理不成就由不守自性故能從緣成

上之法雖成不離法性故即事得云法性

如是亦是性自具故從法智者疏中以初

性已下經文明自性如幻是所現相以後

悉不成就結成自性如幻夢等初之一對

是約依他^{牧七}即三論意緣生故無性無性故

從緣從由不守自性下約真實性辨即法

性宗真如不變隨緣之義上釋悉不成就

明性相雙寂今云亦是性自具恒沙性德

本來具足非今新成云不成就

勒告下問答所見約問親證推之在因云

住不思議答中謙敬推之在緣云善友力

師資互推反常情也

聖者此解脫門其名何等彌勒告言善男子

此解脫門名入三世一切境界不忘念智莊

嚴藏善男子此解脫門中有不可說不可說

解脫門一生菩薩之所能得

第二聖者下顯法名先問後答答中先明

主門後善男子下眷屬前中三世一切境

界者即此所入所見之境不忘念智者即

能入能現之智良以三世一如故念劫圓

融隨一世中現三際之境智入三世了法

空寂與如真契故一念之中無所不見莊

嚴藏者有二義一以法性嚴故一莊嚴中

包含出生無盡嚴具如一閻中見多閻等

二以無礙智契圓融境嚴如來藏則本具

諸法故上云法性如是非是新成故此門

中具不可說解脫牧七

莊嚴者前約理融事已

境互融故此門下仍

上主門釋眷屬也

善財問言此莊嚴事何處去耶彌勒答言於

來處去

第三善財問言下窮嚴因之本源於中有

二問答初審窮其所歸由上觀希奇攝力之後忽然而失故問其去處答中以從本流末故來攝末歸本故去去不異來故引之於來一時併答

曰從何處來曰從菩薩智慧神力中來依菩薩智慧神力而住無有去處亦無住處非集非常遠離一切善男子如龍王降雨不從身出不從心出無有積集而非不見但以龍王心念力故霈然洪靈周徧天下如是境界不可思議善男子彼莊嚴事亦復如是不住於內亦不住外而非不見但由菩薩威神之力汝善根力見如是事善男子譬如幻師作諸幻事無所從來無所至去雖無來去以幻力故分明可見彼莊嚴事亦復如是無所從來亦無所去雖無來去然以慣習不可思議幻

智力故及由往昔大願力故如是顯現

後番彰其本起於中先問雖蒙引歸來處既不究終歸寧知本起故復尋之答中先法後喻法中先相後性謂智力緣作故來智力緣加故住既從緣來則無來去故此嚴事非在閻中而住亦非別處持來從緣而來故非集緣謝則滅故非常若先定有處所則墮常過先有今無則為斷滅既離斷常何有生滅一異等相故云遠離一切

若先定有下上約顯明此下反釋先有後先無門會歸中道從既離下結釋經文

喻有二先龍王降雨喻偏喻無來之來合中不住內者菩薩力故不住外者自善力故以內外因緣互奪則內外兩亡後幻師現幻喻雙喻來去則無來去
善財童子言大聖從何處來彌勒言善男子

諸菩薩無來無去如是而來無行無住如是而來無處無著不沒不生不住不遷不動不起無戀無著無業無報無起無滅不斷不常如是而來善男子菩薩從大悲處來為欲調伏諸衆生故從大慈處來為欲救護諸衆生故從淨戒處來隨其所樂而受生故從大願處來往昔願力之所持故從神通處來於一切處隨樂現故從無動搖處來恒不捨離一切佛故從無取捨處來不役身心使往來故從智慧方便處來隨順一切諸衆生故從示現變化處來猶如影像而化現故然善男子汝問於我從何處來者善男子我從生處摩羅提國而來於此善男子彼有聚落名為房舍有長者子名瞿波羅為化其人令入佛法而住於彼又為生處一切人民隨所應化而

故七

七

為說法亦為父母及諸眷屬婆羅門等演說大乘令其趣入故住於彼而從彼來

第四善財童子言大聖下嚴正報之性相於中二先問從來後問生處前中先問後答問中上見慈氏從餘處來遽即設敬問法未遑諮問所從故此因前嚴事之來便問來處答中有三來處一約體實法身即無來之來來即無來文有十對思之二善男子菩薩從大悲下約相實報從萬行中來亦猶淨名從萬行道場來矣三汝問我下約用化現隨機熟處而來此三即法報化身亦體相用亦理行事又初唯理後唯事中一具理事此三以下結成上義都有四重然前之三重重三義疏中一一具足如初公一約體是第一義二覺法身是第二義三來即無來是第三義約理也次二段對三亦然其第四云又初唯理者以義包含故言中一具事理者謂

從大悲大慈等即約事也從無動搖 摩羅

無取捨即約理也以行無事理故 提者具云摩羅耶提數摩羅耶者此云鬢

施即山名也提數云中謂其山在此國中

故或國中近此山故瞿者地也波羅云守

護即守護土地及心地故 摩羅提者隨難解釋即化用中

也

善財童子言聖者何者是菩薩生處答言善

男子菩薩有十種生處何者為十善男子菩

提心是菩薩生處生菩薩家故深心是菩薩

生處生善知識家故諸地是菩薩生處生波

羅蜜家故大願是菩薩生處生妙行家故大

悲是菩薩生處生四攝家故如理觀察是菩

薩生處生般若波羅蜜家故大乘是菩薩生

處生方便善巧家故教化眾生是菩薩生處

生佛家故智慧方便是菩薩生處生無生法

忍家故修行一切法是菩薩生處生過現未
來一切如來家故

第二善財下問答生處問中由前云從生

處來故今窮之答中二先通明諸菩薩生

處後別顯慈氏生處前中三初正答生處

次明生緣眷屬後校量顯勝今初有十皆

上句為能生之行下句為所生之家謂若

發菩提心則是菩薩名為生家若有深心

則見善友若得諸地則滿諸度教化眾生

即是覺他有智慧故了法無生有方便故

不取無生之相不滯二乘之寂故生無生

忍家餘可思準又上句亦通所生思之

思準者疏唯釋五句以難見故餘五易了

故但例之然此十句一行因二行緣三行

相此三疏已釋竟四以願扶行應云若發

大願即生妙行五化他謂若有悲心即行

四攝六觀理謂若觀妙理即成般若七隨

事請若事理雙遊是名大乘即方便善巧

入蓋物故疏云教化眾生即是覺他九住
果謂權實雙流則證無生忍故第十上順
謂具修萬行合三世佛家上句亦通者翻
將下句為能生行謂上求下化名為菩薩
即得生於菩提心家下經以菩提心為家
故則前七可通二解後三必須依於前釋
故疏先明上句以為能
生之行後方翻例耳

善男子菩薩摩訶薩以般若波羅蜜為母方

便善巧為父檀波羅蜜為乳母尸波羅蜜為

養母忍波羅蜜為莊嚴具勤波羅蜜為養育

者禪波羅蜜為浣濯人善知識為教授師一

切菩提分為伴侶一切善法為眷屬一切菩

薩為兄弟菩提心為家如理修行為家法諸

地為家處諸忍為家族大願為家教滿足諸

行為順家法勸發大乘為紹家業法水灌頂

一生所繫菩薩為王太子成就菩提為能淨

家族

二善男子下明生緣眷屬有二十句般若

為母方便為父者畧有三義一實知虛疑
與陰俱靜權智流動與陽齊波故二親生
法身實由般若若無方便多共二乘成菩
薩種乃由方便故三者內解外濟如父母
故次檀以福資尸以防護餘可思耳一實
智等

者此言本出莊子第五外篇天道章中彼
云故曰天樂者其生也天行其死也物化
靜而與陰同德動而與陽同波故知天樂
者無天怨無人非無物累無鬼責故曰其
動也天其靜也地一心定而王天下其鬼
不崇其魂不疲一心定而萬物服言以虛
靜推於天地通於萬物此之謂天樂今借
其言況父母之為陰陽之儀故易云先有
天地然後
有父母

善男子菩薩如是起凡夫地入菩薩位生如
來家住佛種性能修諸行不斷三寶善能守
護菩薩種族淨菩薩種生處尊勝無諸過惡
一切世間天人魔梵沙門婆羅門恭敬讚歎
善男子菩薩摩訶薩生於如是尊勝家已知

一切法如影像故於諸世間無所惡賤知一切法如變化故於諸有趣無所染著知一切法無有我故教化眾生心無疲厭以大慈悲為體性故攝受眾生不覺勞苦了達生死猶如夢故經一切劫而無怖畏了知諸蘊皆如

教七

三

幻故示現受生而無疲厭知諸界處同法界故於諸境界無所壞滅知一切想如陽燄故入於諸趣不生倒惑達一切法皆如幻故入魔境界不起染著知法身故一切煩惱不能欺誑得自在故於一切趣通達無礙

三善男子菩薩如是下校量顯勝於中二先總辨生家勝後生於如是尊勝家下別彰智勝

善男子我身普生一切法界等一切眾生差別色相等一切眾生殊異言音等一切眾生

種種名號等一切眾生所樂威儀隨順世間教化調伏等一切清淨眾生示現受生等一切凡夫眾生所作事業等一切眾生想等一切菩薩願而現其身充滿法界

二善男子我身下別顯慈氏生處於中二

先彰實報等周法界文有十句初句總次

八別後一結

先彰實報等周法界亦同出現品無量三輪

善男子我為化度與我往昔同修諸行今時退失菩提心者亦為教化父母親屬亦為教化諸婆羅門令其離於種族憍慢得生如來種性之中而生於此閻浮提界摩羅提國拘吒聚落婆羅門家善男子我住於此大樓閣中隨諸眾生心之所樂種種方便教化調伏二我為化下顯為順機當現生殊於中先明現生拘吒者此云樓閣此聚落中多樓

閣故或慈氏閣在此中故

慈氏聚落此云樓閣乃是一義

或云小舍或曰多家故上經同譯為房舍聚落今疏取一義耳

善男子我為隨順眾生心故我為成熟兜率

大中同行天故我為示現菩薩福智變化莊

嚴超過一切諸欲界故令其捨離諸欲樂故

令知有為皆無常故令知諸天盛必衰故為

欲示現將降生時大智法門與一生菩薩共

談論故為欲攝化諸同行故為欲教化釋迦

如來所遣來者令如蓮華悉開悟故於此命

終生兜率天

後我為隨順下明當生於中先正顯當生

所為如蓮華者有三義一釋迦下種彼華

開故二昔因含果如華未開因亡果現故

如蓮華開三聞熏含寶如蓮未開見寶亡

言故云開悟智論云菩薩善根不遇如來

智慧日光翳死無疑通證前義

如蓮華者初一生行

解次一成果後義見理皆因聞教則教理

行果四法備矣然疏但釋蓮華之言而經

云為欲教化釋迦如來所遣來者今當說

衛國說優波離問佛答此人從今十二年

二月十五日上升閻浮提度數五十六億

萬歲爾乃下生於閻浮提佛滅度後我諸

弟子若有精勤修諸功德或儀不缺掃塔

塗地以眾名香妙華供養行眾三昧深入

正受讀誦經典如是等人應當至心雖不

斷結如得六通應當繫念念佛形像稱彌

勒名如是等輩若一念頃受八戒齋修諸

淨業發弘誓願命終之後譬如壯士屈身

臂頃即得往生兜率天於蓮華上結跏

趺坐百千天子作天伎樂持天曼陀羅華

摩訶曼陀羅華以散其上讚言善哉善哉

又言如是等眾生若淨諸業行六事法必

定無疑當得生於兜率天上值遇彌勒亦

龍藏

即得往生值遇彌勒頭面禮敬便得聞法
 於無上道得不退轉於未來世得值恆河
 沙等諸佛如來釋曰此亦釋迦所遺來者
 以行釋迦教故若彌勒下生經羅什法師
 譯無如是我聞直云大智舍利弗問佛
 誠聽為說云舍利弗四大海水以漸減少
 三千由旬是閻浮提地長十千由旬廣八
 千由旬平坦如鏡名華軟草遍覆其地廣
 說莊嚴等華藏品已引次云城中有大婆
 羅門主名曰妙梵婆羅門女名摩婆提彌
 勒託生為父母身紫金色三十二相身長
 千尺胸廣三十丈面長十二丈四尺肉眼
 見千由旬常光四照面百由旬瓊佉王奉
 七寶臺彌勒施諸婆羅門婆羅門見其
 壞修無常想出家學道於龍華菩提樹下
 樹莖枝葉高五十里即以出家日得阿耨
 多羅三藐三菩提有無量人發心出家學
 道爾時彌勒見諸大眾作是念言今諸人
 等不以生天樂故亦復不為今世樂故來
 至我所但為得涅槃常樂無因緣是諸人等
 於佛法中種種善根釋迦牟尼佛遺來付
 我是故今來皆至我所我今受之是諸人
 等或以讀誦分別決定修妬路毗奈耶阿
 毗連摩修諸功德來至我所廣敘布施持
 戒忍辱精進結云善哉釋迦牟尼佛善教
 化如是等百千萬億眾生今至我所彌勒
 如是三稱讚釋迦如來然後說法言汝等
 衆生能為難事於彼惡世貪欲瞋恚癡
 迷惑短命人中能持戒行作諸功德甚為
 希有善哉釋迦牟尼佛以大悲心能於苦
 救七

濁眾生之中說誠實語示我當來度脫汝
 等如是之師甚為難遇深心憐愍惡世衆
 生救濟苦惱令得安隱釋迦如來為汝等
 故以頭布施割截耳鼻手足支體受諸苦
 惱以利汝等彌勒如是廣安慰已然後說
 法共龍華樹固縱廣一百由旬大眾滿中
 初會說法九十六億人得阿羅漢第二會
 說法九十四億人第三會九十二億人更
 有諸本經大同小異可以
 意得此經正明釋迦遺來

善男子我願滿足成一切智得菩提時汝及
 文殊俱得見我

後我願滿下結會三聖言俱見我者亦有

三意一俱助化故二善財表行文殊信智

成正覺時俱證此故三者文殊古佛善財

當佛慈氏現佛三世圓融浩然大均故云

俱見

善男子汝當往詣文殊師利善知識所而問

之言菩薩云何學菩薩行云何而入普賢行

門云何成就云何廣大云何隨順云何清淨

云何圓滿善男子彼當爲汝分別演說

第四善男子汝當下指示後友中三初勸
往教問次何以釋勸所由三是故善男
子下結勸重釋初中令往文殊者因位將
極令反照心源故

何以故文殊師利所有大願非餘無量百千
億那由他菩薩之所能有善男子文殊師利
童子其行廣大其願無邊出生一切菩薩功
德無有休息善男子文殊師利常爲無量百
千億那由他諸佛母常爲無量百千億那由
他菩薩師教化成就一切衆生名稱普聞十
方世界常於一切諸佛衆中爲說法師一切
如來之所讚歎住甚深智能如實見一切諸
法通達一切解脫境界究竟普賢所行諸行
善男子文殊師利童子是汝善知識令汝得

生如來家長養一切諸善根發起一切助道
法值遇真實善知識令汝修一切功德入一
切願網住一切大願爲汝說一切菩薩祕密
法現一切菩薩難思行與汝往昔同生同行
二中先微意云文殊已見何爲勸往釋意

云彼德深廣宿緣重故於中二先明行廣
後顯緣深今初生菩薩功德者主信法門
長養一切善故爲佛母者主般若門住甚
深智見法實故爲菩薩師者具善巧智通
達解脫究竟普賢行故後是汝善知識下
教七
顯其緣深已多成益

是故善男子汝應往詣文殊之所莫生疲厭
文殊師利當爲汝說一切功德何以故汝先
所見諸善知識聞菩薩行入解脫門滿足大
願皆是文殊威神之力文殊師利於一切處

咸得究竟

三結勸重釋中三初結勸具上二義應往
 勿疲次徵釋先徵意云何以的知具前二
 義後釋意云已所成益皆是彼力故知德
 深緣重若當見者獲益尤增後文殊下結
 德究竟前見為信之首後見為智之終故
 云一切究竟

啟

二十五

時善財童子頂禮其足繞無量而慇懃瞻仰
 辭退而去

第五爾時善財下戀德禮辭

大方廣佛華嚴經疏鈔會本第七十九

音釋

呵賁 呵 虎何切 闍 昌善切 蘇 洛文切 虹 規
 怒言也 照明也 蚌屬 雖遠
 虹 戶公切 規 五西 肘 陸柳切 臂 肘 崇 雖遠
 切 虹 規 蚌 練 也 肘 也 二尺 曰 肘 崇 雖遠
 切 津 夷 切 訪 問 礎 礎 鐵 石 也 引 簧 求 位 切 柳
 於 善 日 語 礎 鐵 石 也 引 簧 求 位 切 柳

余 避 也 齡 虛 經 切 覈 下 卑 切 遑 胡 光 切 穰
 本 名 也 齡 年 齡 也 覈 考 實 也 遑 駭 也 穰
 佞 如 羊 切 佞 丘 迎 切 詔 詔 目 也

大方廣佛華嚴經疏鈔會本第八十一 牧八

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子依彌勒菩薩摩訶薩教漸次

而行經由一百一十餘城已到普門國蘇摩

那城住其門所思惟文殊師利隨順觀察周

旋求覓希欲奉觀

自下大文第四明智照無二相顯前因法

生果體無分別絕境智等諸二相故又善

財障盡惑除未始動念是故反照唯是初

心更無異也即信智無二第四智照無二相絕境智者謂

一境智無二始末無二亦信智無二由證

染淨無二四智斷無二五理事無二由證

理事無二義故染淨無二感生智性一性

平等始末無差能所齊融亦不生二不

分別故前經云心不稱量諸二法但恒了

達法無二諸法若二若不二於中必竟無

所著方為文但有三第一依教趣求第二

見聞證入第三轉遇勝緣今初言經游百

一十餘城已者百一十義已見上文然此

游城復有二義一但從彌勒至於文殊自

經百一十城非連取前二者加前百一十

友故云餘城即通取前友普收諸法歸一

照故若爾前友此城豈得同耶亦有二義

一者友必依城則一城一友二者或於一

城值於多友或求一友歷於多城而要具

一百一十以順表法故或於一城者如諸

或求一友歷於多城者如解脫處經十

二年求於普眼經歷城多等此義勝前到

蘇摩那者此云悅意即華名也謂智照一

性悅本心故即德生城有本云至普門國

顯攝諸差別歸無二相即普門故言住其

門所者顯解心已極將入般若無二之門

故

是時文殊師利遙申右手過一百一十由旬
按善財頂

第二是時文殊下見聞證入此下即是所
漏脫文義如前說然以極照無二心境兩
亡故畧無敬問信解雙絕故不見現身而

反照未移信心故申右手又不見乃為真

教八

二

凡但了自心空般若故文中三一摩頂攝
受過百一十由旬者徹過前位故始信該
於極果故曰遙申隨順行成故曰右手然
過城約超封域由旬明超數量又前越諸
位斷德後越諸位智地按頂表於攝受亦
以普法置心頂故信至極故

作如是言善哉善哉善男子若離信根心劣
憂悔功行不具退失精勤於一善根心生住
著於少功德便已為足不能善巧發起行願

不為善知識之所攝護不為如來之所憶念
不能了知如是法性如是理趣如是法門如
是所行如是境界若周徧知若種種知若盡
源底若解了若趣入若解說若分別若證知
若獲得皆悉不能

二作如是言下誨示法門即舉失顯得謂

若離信根等不了法性等反顯善財有信
根等能了法性等於中先列所闕行法文
有九句前七闕因一闕行本故二求小故
心劣處生死而憂悔三橫不具四豎不進

教八

三

五滯一善六不廣求七不起無住行願後
二闕緣後不能了下不能成益中有十五
句前五約所知理事後十約能知分齊例
前諸文思之又前九中初一信根是所闕
因餘皆不能成益約法功歸於信約人前

友之法皆由文殊

是時文殊師利宣說此法示教利喜令善財童子成就阿僧祇法門具足無量大智光明令得菩薩無邊際陀羅尼無邊際願無邊際三昧無邊際神通無邊際智令入普賢行道場及置善財自所住處文殊師利還攝不現

三是時文殊下結益歸本於中十句前九結益甚深初一總餘八別前智光明即般若方便後無邊智即智波羅蜜普賢行道場者舉足下足皆與普賢行相應故自所住處者即是法界是文殊大智無住住故又普行道場即法界理自所住處即文殊智此亦義同示於後友普賢之境後一句攝用歸本所作竟故信窮智境信相便亡故云不現

初一總者總即示教利喜示謂顯示法門教謂勸令修行利謂

覺極成益喜謂稱根令悅經從具足無量下別句疏隨難釋先出初句異於第六二三四五並皆不釋後釋七八二句而有二意一當句釋屬於二人二相合釋文殊能住普賢道場是所住故此亦義同者亦安普賢行道場故文無正示故云義同

於是善財思惟觀察一心願見文殊師利及見三千大千世界微塵數諸善知識悉皆親近恭敬承事受行其教無有違逆

第三於是善財下轉遇勝緣修行敬事然此諸友及後普賢皆無指授者表證法界離此彼相故此三千友乃有多義一者成前尚是文殊之益二者順後為入理方便又通論諸友更分三分初文殊一人為信心之始次至後文殊為智滿之終故此總見三千等友後之普賢理智無二又前諸友一一各達即是純門此中諸友一時頓見即顯雜門後普賢一人具前諸友即純

雜無礙又此諸友所得法門受行各別文
所不具結廣從畧故總云三十耳

大文第五增長趣求下顯因廣大相以前
照理無二顯其甚深方堪成佛廣大之因
以隨一一因皆稱法性故文殊般若即攝

相歸體普賢法界即祕密重重若以二聖

相對則文殊為能證若以二聖對善財則

文殊亦為所證未得般若今證得故

大文第五

顯因廣大相以隨一一因者釋廣大義異
前攝德成因未說一一稱法界故又前但
因今明因徹果海故文殊下對前辨異攝
相歸性事理無礙祕密重重事事無礙若

以二聖下後二聖
相望辨其能所

增長趣求一切智慧廣大悲海益大慈雲普

觀衆生生大歡喜安住菩薩寂靜法門普緣

一切廣大境界學一切佛廣大功德入一切

佛決定知見增一切智助道之法善修一切

共八

五

菩薩深心知三世佛出興次第入一切法海
轉一切法輪生一切世間入於一切菩薩願
海住一切劫修菩薩行照明一切如來境界
長養一切菩薩諸根獲一切智清淨光明普
照十方除諸闇障智周法界於一切佛刹一
切諸有普現其身靡不周徧摧一切障入無
礙法住於法界平等之地觀察普賢解脫境
界

文中分三初依教趣求二聞觀前相三見

聞證入今初有二十六句初一標求佛果

後一總觀圓因中間諸句義通前後皆是

趣佛之因並是普賢解脫境界就中間攝

為十對初四四等普周寂靜即捨故次二

福智無外緣境是智故次二正增增助次

二修因知果次三入法現生次二證願修

行次二照上增下次二得實照權次二智
周身徧後三摧障入理其入無礙法向上
成無二礙向下即成無礙法界其住平等
地即前文殊自所住處後總句觀普賢境
即前普賢行道場以是顯因廣大相故文
殊通指善財普觀不同前文一友指於一

友良以普觀方見普賢故

即聞普賢菩薩摩訶薩名字行願助道正道
諸地地方便地入地勝進地住地修習地境
界地威力地同住

第二即聞普賢下聞觀前相於中先聞後
觀今初有十三句初一聞人名後十二聞
行位即聞二字貫下諸句此中聞者非從
一人多人聞之即稱法界而聞耳諸地者
普賢位中自行依地及圓融所攝地也此

句總下八別一地方便者即加行也二即
入心三出心四住心五即修施戒等六即
徧行真如等為所證境亦是所得分齊之
境七即神通作用摧邪攝生等八即同依
佛智而住

渴仰欲見普賢菩薩

二渴仰欲見下明觀於中二先仰德修觀
後觀見希奇今初初聞前人法故生渴仰
即於此金剛藏菩提場毗盧遮那如來師子
座前一切寶蓮華藏座上

次即於下修觀菩提場者是所觀處金剛
藏者約表即於本所信自心佛果菩提體
中金剛智內起一切因陀羅網普賢心觀
約事即前其地金剛而蘊德具嚴故名為
藏然此經體勢應具十會以順無盡又始

起覺場義應歸本故

然此經下總釋文意謂所以却就金剛場

起觀者何於中有二先繫表出意謂華嚴一切皆悉具十會亦應然合有第十攝末歸本重會覺場謂菩提場是根本會起於中八名為末會謂第十會攝前八會歸於初會無不從此法界所今且依文對前本流無不還歸此法界故

末二會即是攝末歸本之義是以善財不假別指便於初會始成之處如來座前而

起觀求後今且依文者明其無十故就第九以明此三一者本會二者末會

三自普賢以為攝末歸本之會本有二種遊多乃是此會之本今歸覺場是諸會本

起等虛空界廣大心捨一切剎離一切著無礙心普行一切無礙法無礙心徧入一切十方海無礙心普入一切智境界清淨心觀道

場莊嚴明了心入一切佛法海廣大心化一切眾生界徧心淨一切國土無量心住一切劫無盡心趣如來十力究竟心

後起等下正顯觀心有十一句皆稱普賢

境而起於心故後得見

善財童子起如是心時由自善根力一切如來所加被力普賢菩薩同善根力故

二善財下觀見希奇於中二先結前生後兼顯見因

見十種瑞相何等為十所謂見一切佛刹清淨一切如來成正等覺見一切佛刹清淨無諸惡道見一切佛刹清淨眾妙蓮華以為嚴飾見一切佛刹清淨一切眾生身心清淨見一切佛刹清淨種種眾寶之所莊嚴見一切

佛刹清淨一切眾生諸相嚴身見一切佛刹清淨諸莊嚴雲以覆其上見一切佛刹清淨一切眾生互起慈心遞相利益不為惱害見一切佛刹清淨道場莊嚴見一切佛刹清淨一切眾生心常念佛是為十又見十種光明

相何等爲十所謂見一切世界所有微塵一
 一塵中出一切世界微塵數佛光明網雲周
 徧照耀一一塵中出一切世界微塵數佛光
 明輪雲種種色相周徧法界一一塵中出一
 切世界微塵數佛色像寶雲周徧法界一一
 塵中出一切世界微塵數佛光燄輪雲周徧
 法界一一塵中出一切世界微塵數衆妙香
 雲周徧十方稱讚普賢一切行願大功德海
 一一塵中出一切世界微塵數日月星宿雲
 皆放普賢菩薩光明徧照法界一一塵中出
 一切世界微塵數一切衆生身色像雲放佛
 光明徧照法界一一塵中出一切世界微塵
 數一切佛色像摩尼雲周徧法界一一塵中
 出一切世界微塵數菩薩身色像雲充滿法
 界令一切衆生皆得出離所願滿足一一塵

中出一切世界微塵數如來身色像雲說一
 切佛廣大誓願周徧法界是爲十

後見十種下正觀希奇於中二一見瑞相

十句五對各先所依淨土後住處衆生一

瑞相者然其十句皆是淨土而其後句意
見一

在衆生如初對云見一切佛刹清淨一切

如來成正覺即屬淨土二云見一切佛刹
清淨無諸惡道無諸惡道即是住處衆生

五對二觀光明前瑞則直見一重淨刹此
皆然

明重見又前麤此細前體相此業用然皆
是普賢依報之刹

又前麤者前但云見一
切佛刹今一一塵中出

一切世界故此爲細言前體相此
業用者前但云見今塵中出故

時善財童子見此十種光明相已即作是念
九

我今必見普賢菩薩增益善根見一切佛於
 諸菩薩廣大境界生決定解得一切智

第三時善財下見聞證入於中三初結前

生後由觀前相生必見心

於時善財普攝諸根一心求見普賢菩薩起
大精進心無退轉即以普眼觀察十方一切
諸佛諸菩薩衆所見境界皆作得見普賢之
想以智慧眼觀普賢道其心廣大猶如虛空
大悲堅固猶如金剛願盡未來常得隨逐普
賢菩薩念念隨順修普賢行成就智慧入如
來境住普賢地

二於時善財普攝下起觀增修初攝散住
定次策勤無退次觀其體徧以法界爲身
故次悲智橫廣次願行豎窮後得果圓因
此乃總攝諸觀行人欲見當倣此修離此
觀心見亦非勝
時善財童子即見普賢菩薩在如來前衆會
之中坐寶蓮華師子之座諸菩薩衆所共圍
繞最爲殊特世無與等智慧境界無量無邊

難測難思等二世佛一切菩薩無能觀察

三時善財下正明見聞證入於中二先正
見聞證入後聞佛德難思前中亦二先顯
得益圓因後位滿齊佛前中分四一見身
得益二摩頂得益三顯因深廣四觀用無
涯初中二先見勝身後得深益前中四一
總見勝德身相二別見毛孔出生三重觀
體內包含四結通周徧今初由前於菩提
場師子座前起勝想故
見普賢身一一毛孔出一切世界微塵數光
明雲徧法界虛空界一切世界除滅一切衆
生苦患今諸菩薩生大歡喜見一一毛孔出
一切佛刹微塵數種種色香燄雲徧法界虛
空界一切諸佛衆會道場而以普熏見一一
毛孔出一切佛刹微塵數雜華雲徧法界虛

空界一切諸佛衆會道場雨衆妙華見一一
 毛孔出一切佛刹微塵數香樹雲徧法界虛
 空界一切諸佛衆會道場雨衆妙香見一一
 毛孔出一切佛刹微塵數妙衣雲徧法界虛
 空界一切諸佛衆會道場雨衆妙衣見一一
數六
 毛孔出一切佛刹微塵數寶樹雲徧法界虛
 空界一切諸佛衆會道場雨摩尼寶見一一
 毛孔出一切佛刹微塵數色界天身雲充滿
 法界歎菩提心見一一毛孔出一切佛刹微
 塵數梵天身雲勸諸如來轉妙法輪見一一
 毛孔出一切佛刹微塵數欲界天王身雲護
 持一切如來法輪見一一毛孔念念中出一
 切佛刹微塵數三世佛刹雲徧法界虛空界
 爲諸衆生無歸趣者爲作歸趣無覆護者爲
 作覆護無依止者爲作依止見一一毛孔念

數八
 念中出一切佛刹微塵數清淨佛刹雲徧法
 界虛空界一切諸佛於中出世菩薩衆會悉
 皆充滿見一一毛孔念念中出一切佛刹微
 塵數淨不淨佛刹雲徧法界虛空界令雜染
 衆生皆得清淨見一一毛孔念念中出一切
 佛刹微塵數不淨淨佛刹雲徧法界虛空界
 令雜染衆生皆得清淨見一一毛孔念念中
 出一切佛刹微塵數不淨淨佛刹雲徧法界虛
 空界令純染衆生皆得清淨見一一毛孔念
 念中出一切佛刹微塵數衆生身雲徧法界
 虛空界隨其所應教化衆生皆令發阿耨多
 羅三藐三菩提心見一一毛孔念念中出一
 切佛刹微塵數菩薩身雲徧法界虛空界稱
 揚種種諸佛名號令諸衆生增長善根見一
 一毛孔念念中出一切佛刹微塵數菩薩身

雲徧法界虛空界一切佛刹宣揚一切諸佛
 菩薩從初發意所生善根見一一毛孔念念
 中出一切佛刹微塵數菩薩身雲徧法界虛
 空界於一切佛刹一一刹中宣揚一切菩薩
 願海及普賢菩薩清淨妙行見一一毛孔念

念中出普賢菩薩行雲令一切衆生心得滿
 足具足修習一切智道見一一毛孔出一切
 佛刹微塵數正覺身雲於一切佛刹現成正
 覺今諸菩薩增長大法成一切智

二見普賢身下別見毛孔出生廣徧法界
 實則重重無盡畧顯二十重亦對前善財
 渴仰所起十一心故其初等虛空廣大等
 五心徧此諸句餘之六心別生諸句且除
 初一句次之五句由前觀道場明了心故
 出雲等皆嚴道場次歎菩提心下三句由

前入佛法海心次一句及最初一句由化
 衆生界心次四由前淨一切國土心亦兼
 化衆生心後六句由前住一切劫及趣如
 來十力究竟心並如文思之是知各由自
 心所見分齊然毛孔出生等廣如玄中今更畧示謂彼普賢遊入十方

畧有十門一入世界法界緣起互即入故
 二入衆生界生界佛界無二體故三明供
 養一一供具皆稱真故四明請法窮法界
 智無時不請諸佛無時不雨法故五大智
 攝生了生迷倒而無衆生不礙化故六明
 現通十方塵刹互入重重震動現相而無
 息故七常寂定未曾一念有起動故八廣
 出生念念毛孔出現諸境無窮盡故九者
 說法念念常雨無邊法雨一切故十明
 總說上之九義舉一全收無前後故廣說
 難盡餘
 廣如文

爾時善財童子見普賢菩薩如是自在神通
 境界身心徧喜踊躍無量

三爾時善財下重觀體內包含於中二初
 結前生後

重觀普賢一一身分一一毛孔悉有三千大千世界風輪水輪地輪火輪大海江河及諸寶山須彌鐵圍村營城邑宮殿園苑一切地獄餓鬼畜生閻羅王界天龍八部人與非人欲界色界無色界處日月星宿風雲雷電晝夜月時及以年劫諸佛出世菩薩衆會道場莊嚴如是等事悉皆明見如見此世界十方所有一切世界悉如是見如見現在十方世界前際後際一切世界亦如是見各各差別不相雜亂

後重觀下正顯於中亦二先見三千後如見此下類通十方三際

如於此毘盧遮那如來所示現如是神通之力於東方蓮華德世界賢首佛所現神通力亦復如是如賢首佛所如是東方一切世界

如東方南西北方四維上下一切世界諸如來所現神通力當知悉爾如十方一切世界如是十方一切佛刹一一塵中皆有法界諸佛衆會一一佛所普賢菩薩坐寶蓮華師子座上現神通力悉亦是彼一一普賢身中皆現三世一切境界一切佛刹一切衆生一切佛出現一切菩薩衆及聞一切衆生言音一切佛言音一切如來所轉法輪一切菩薩所成諸行一切如來遊戲神通

四如於此毗盧下結通周徧文有四重舉類未結塵中普賢是知前則身中包含法界廣無邊故顯其普義今則全此合法界身潛入塵中調柔無礙明其普義內外周徧限量斯盡故名普賢善財童子見普賢菩薩如是無量不可思議

大神通力即得十種智波羅蜜何等為十所謂於念念中悉能周徧一切佛刹智波羅蜜於念念中悉能徃詣一切佛所智波羅蜜於念念中悉能供養一切如來智波羅蜜於念念中普於一切諸如來所聞法受持智波羅蜜於念念中思惟一切如來法輪智波羅蜜於念念中知一切佛不可思議大神通事智波羅蜜於念念中說一句法盡未來際辯才無盡智波羅蜜於念念中以深般若觀一切法智波羅蜜於念念中入一切法界實相海智波羅蜜於念念中知一切衆生心智波羅蜜於念念中普賢慧行皆現在前智波羅蜜二善財童子見下明得深益既得智度已彰地滿況十表無盡耶

善財童子既得是已普賢菩薩即申右手摩

教八

十四

觸其頂既摩頂已善財即得一切佛刹微塵數三昧門各以一切佛刹微塵數三昧而為眷屬一一三昧悉見昔所未見一切佛刹微塵數佛大海集一切佛刹微塵數一切智助道具生一切佛刹微塵數一切智上妙法發一切佛刹微塵數一切智大誓願入一切佛刹微塵數大願海住一切佛刹微塵數一切智出要道修一切佛刹微塵數諸菩薩所修行起一切佛刹微塵數一切智大精進得一切佛刹微塵數一切智淨光明如此娑婆世界毘盧遮那佛所普賢菩薩摩善財頂如是十方所有世界及彼世界一一塵中一切世界一切佛所普賢菩薩悉亦如是摩善財頂所得法門亦皆同等

第二善財童子既得下明摩頂得益於中

教八

十五

三初摩頂次既摩下得益前向外觀故得
智度此摩頂親證故得三昧後如此娑婆
下結通良以善財等普賢故

爾時普賢菩薩摩訶薩告善財言善男子汝
見我此神通力不唯然已見大聖此不思議
大神通事唯是如來之所能知

第三爾時普賢下明因深廣因深則果厚
故文分爲三初問答審見二顯因深遠三
結因成果

普賢告言善男子我於過去不可說不可說
佛刹微塵數劫行菩薩行求一切智一一劫
中爲欲清淨菩提心故承事不可說不可說
佛刹微塵數佛一一劫中爲集一切智福德
具故設不可說不可說佛刹微塵數廣大施
會一切世間咸使聞知凡有所求悉令滿足

一一劫中爲求一切智法故以不可說不可
說佛刹微塵數財物布施一一劫中爲求佛
智故以不可說不可說佛刹微塵數城邑聚
落國土王位妻子眷屬眼耳鼻舌身肉手足
乃至身命而爲布施一一劫中爲求一切智
首故以不可說不可說佛刹微塵數頭而爲
布施一一劫中爲求一切智故於不可說不
可說佛刹微塵數諸如來所恭敬尊重承事
供養衣服卧具飲食湯藥一切所須悉皆奉
施於其法中出家學道修行佛法護持正教
善男子我於爾所劫海中自憶未曾於一念
間不順佛教於一念間生瞋害心我我所心
自他差別心遠離菩提心於生死中起疲厭
心懶墮心障礙心迷惑心唯住無上不可沮
壞集一切智助道之法大菩提心

二中三一別明求菩提行於中二先順顯所行後善男子我於下結離過成德

善男子我莊嚴佛土以大悲心救護眾生教化成就供養諸佛事善知識為求正法弘宣護持一切內外悉皆能捨乃至身命亦無所吝一切劫海說其因緣劫海可盡此無有盡

二我莊嚴下通明悲智行

善男子我法海中無有一文無有一句非是捨施轉輪王位而求得者非是捨施一切所有而求得者善男子我所求法皆為救護一

切眾生一心思惟願諸眾生得聞是法願以智光普照世間願為開示出世間智願令眾生悉得安樂願普稱讚一切諸佛所有功德我如是等往昔因緣於不可說不可說佛刹微塵數劫海說不可盡

教八

十七

三我法海中下別明求法行於中先反顯教八無不能捨一文尚無所不捨況全部耶以一文即一切之一如海一滴故後我所求法下顯求所為結說無盡十七

大方廣佛華嚴經疏鈔會本第十之一

音釋

覲渠遶切見也

大方廣佛華嚴經疏鈔會本第八十二 牧九

唐于闐國三藏沙門實叉難陀 譯

唐清涼山大華嚴寺沙門澄觀撰述

是故善男子我以如是助道法力諸善根力
大志樂力修功德力如實思惟一切法力智
慧眼力佛威神力大慈悲力淨神通力善知
識力故得此究竟三世平等清淨法身復得
清淨無上色身超諸世間隨諸衆生心之所
樂而爲現形入一切刹徧一切處於諸世界
廣現神通令其見者靡不欣樂

第三是故善男子我以如是下結因成果
於中先結因以有成果之功故云力也文
有十句初四緣因次二了因後四通於緣
了後得此下成果謂由了因故得法身果
由緣因故得色身果

善男子汝且觀我如是色身

第四善男子汝且觀下觀用無涯於中三

初舉益勸觀次觀見奇特後校量顯勝今

初有標釋結初標可知

我此色身無邊劫海之所成就無量千億那

由他劫難見難聞善男子若有衆生未種善

根及種少善根聲聞菩薩猶尚不得聞我名

字況見我身善男子若有衆生得聞我名於

阿耨多羅三藐三菩提不復退轉若見若觸

若迎若送若暫隨逐乃至夢中見聞我者皆

亦如是或有衆生一日一夜憶念於我即得

成熟或七日七夜半月一月半年一年百年

千年一劫百劫乃至不可說不可說佛刹微

塵數劫憶念於我而成熟者或一生或百生

乃至不可說不可說佛刹微塵數生憶念於

我而成熟者或見我放大光明或見我震動
 佛刹或生怖畏或生歡喜皆得成熟善男子
 我以如是等佛刹微塵數方便門令諸眾生
 於阿耨多羅三藐三菩提得不退轉善男子
 若有眾生見聞於我清淨刹者必得生此清
 淨刹中若有眾生見聞於我清淨身者必得
 生我清淨身中

二我此下釋中二一明難見聞二若有眾
 生下明見聞皆益於中三初明不退菩提
 益次或有眾生下善根成熟益後我以如
 是下總結多門皆不退成熟於中先多門
 皆不退後若有眾生見聞下種種皆成熟
 淨刹可生身云何生此有二義一約法性
 身刹則與刹為體名清淨刹與身為體名
 清淨身從能依有殊欲顯所依體一故言

生身二約相用淨刹是所依之刹淨身則
 身內之刹欲顯身土互融故言生淨身耳
 善男子汝應觀我此清淨身

後汝應觀下總結

爾時善財童子觀普賢菩薩身相好肢節一
 一毛孔中皆有不可說不可說佛刹海一一
 刹海皆有諸佛出興于世大菩薩眾所共圍
 繞又復見彼一切刹海種種建立種種形狀
 種種莊嚴種種大山周匝圍繞種種色雲彌
 覆虛空種種佛與演種種法如是等事各各
 不同又見普賢於一一世界海中出一切佛
 刹微塵數佛化身雲周徧十方一切世界教
 化眾生令向阿耨多羅三藐三菩提時善財
 童子又見自身在普賢身內十方一切諸世
 界中教化眾生

第二爾時善財下觀見奇特於中三初見
毛內含三世間次又見普賢下見普賢身
徧諸刹中出生大用後時善財童子下自
見己身等普賢化

入善財童子親近佛刹微塵數諸善知識所
得善根智慧光明比見普賢菩薩所得善根
百分不及一千分不及一百千分不及一百
千億分乃至算數譬喻亦不能及是善財童
子從初發心乃至得見普賢菩薩於其中間
所入一切諸佛刹海今於普賢一毛孔中一
念所入諸佛刹海過前不可說不可說佛刹
微塵數倍如一毛孔一切毛孔悉亦如是善
財童子於普賢菩薩毛孔刹中行一步過不
可說不可說佛刹微塵數世界如是而行盡
未來劫猶不能知一毛孔中刹海次第刹海

藏刹海差別刹海普入刹海成刹海壞刹海
莊嚴所有邊際亦不能知佛海次第佛海藏
佛海差別佛海普入佛海生佛海滅所有邊
際亦不能知菩薩衆海次第菩薩衆海藏菩
薩衆海差別菩薩衆海普入菩薩衆海集菩
薩衆海散所有邊際亦不能知入衆生界知
衆生根教化調伏諸衆生智菩薩所住甚深
自在菩薩所入諸地諸道如是等海所有邊
際善財童子於普賢菩薩毛孔刹中或於一
刹經於一劫如是而行乃至或有經不可說
不可說佛刹微塵數劫如是而行亦不於此
刹沒於彼刹現念念周徧無邊刹海教化衆
生令向阿耨多羅三藐三菩提

第三又善財下校量顯勝於中三初校量
善根二從初發心下校量所入刹海三善

財童子於普賢下雙顯上二超勝之相於
 中二先別明橫豎深廣於中有三世間一
 器世間一步超過顯橫廣盡未來劫明豎
 窮猶不能知顯深遠藏約包含普入約廣
 徧餘可知於中有下菩薩亦是衆生亦為正覺餘可知後善財

童子於下總結平等周徧不於此沒彼現
 者以沒現相如法性故以此彼相相即故
 也以沒現相者斯則沒而無沒現而無現也真法性中無出沒故此約事理無礙下句云以此彼相相即故者即事事無礙法界然相即有三一約利此利即彼利一利即多利故二約人此身即彼身一步即多步故三約劫一念即是無量劫故又此彼相炳然具故秘要隱顯俱持成故此彼時處互相在故帝網重重同時具足皆不動故

當是之時善財童子則次第得普賢菩薩諸
 行願海與普賢等與諸佛等一身充滿一切
 世界剎等行等正覺等神通等法輪等辯才

狀九

五

等言辭等音聲等力無畏等佛所住等大慈
 悲等不可思議解脫自在悉皆同等

第二當是之時下明位滿齊佛於中初句
 明自得餘皆等上初一等因圓次一等果
 滿一身下別顯等相此即義當等覺因位

既滿更無所修故但說等不辨更求此則
 一生頓成行布亦足非唯但約理觀初後
 圓融上明見聞證入竟

爾時普賢菩薩摩訶薩即說頌言

汝等應除諸惑垢一心不亂而諦聽我說如

來具諸度一切解脫真實道

出世調柔勝丈夫其心清淨如虛空恒放智

日大光明普使羣生滅癡闇

如來難可得見聞無量億劫今乃值如優曇

華時一現是故應聽佛功德

隨順世間諸所作譬如幻士現衆業但爲悅
可衆生心未曾分別起想念

第二從爾時下明聞佛勝德難思前長行
但顯因圓此偈方陳果用非頌前文然有
二意一對普賢普賢意云上見我難思尚

是因位今示汝果尤更甚深二對善財善
財等佛但是因圓以果海難言故不說成
佛今寄現佛之德以顯善財果相故長行
偈文因果綺互文中三初偈頌標德誠聽
許說故長行者長行顯普賢因
偈顯善財果故云綺互故

爾時諸菩薩聞此說已一心渴仰唯願得聞
如來世尊真實功德咸作是念普賢菩薩具
修諸行體性清淨所有言說皆悉不虛一切
如來共所稱歎作是念已深生渴仰
二爾時下長行舉衆渴仰欲聞

爾時普賢菩薩功德智慧具足莊嚴猶如蓮
華不著三界一切塵垢告諸菩薩言汝等諦
聽我今欲說佛功德海一滴之相即說頌言
三爾時普賢下廣陳德相令衆求滿於中
二先長行重誠許說分齊

佛智廣大同虛空普徧一切衆生心悉了世
間諸妄想不起種種異分別
一念悉知三世法亦了一切衆生根譬如善
巧大幻師念念示現無邊事

後偈頌廣顯佛德難思九十五偈分二先
九十三偈別數佛德後二偈六結德無盡勸
信勿疑前中前八十偈法說後十三偈喻
明然通讚毘盧遮那十身圓滿二十一種
殊勝功德即分二十一一段初有二偈即於
所知一向無障轉功德謂佛無障礙智於

一切事品類差別無著無礙故然通讚若通有兩重

一者近通通前法喻二者遠通取此卷末

結德無盡二偈經文良以二偈亦是最後

無盡德故其二十一德一經數節出其名

義文有隱顯欲彰如來無盡德故大體無

異故復出之昇堯率品已廣分列今皆累

指初有二偈者然此二偈舍於總句妙悟

皆滿妙悟即是妙覺智故以無著論不釋

總句疏畧不明若欲明者初偈當之今但

顯別即當第一然準上文二十一德皆有

三節一舉經名如此德經即二行未絕二

無著菩薩立功德三引二論解其本論即今

向無障轉功德三引二論解其本論即今

疏云佛無礙智下文是也是無性意即是

智德故經偈云佛智廣大初之二句即是

德體三及後偈即於所知無障轉也謂即

於其極速時處品類皆知故無有知及與

不知之二相也第四句了俗由於證真故

不起分別亦是真實離智障也若親光釋

不二現行云謂凡夫二乘現行二障世尊

無故謂凡夫現行生死起諸雜染二乘現

行涅槃棄利樂事今前偈唯了生

隨眾生心種種行往昔諸業誓願力令其所見各不同而佛本來無動念

二有一偈明於有無無二相真如最清淨

能入功德謂了真如無二故無動念二有

者約經即達無相法疏中先引無著立名

後謂了真如下即無性釋意故無動念是

疏以經帖然無性詔此為無住涅槃既自

入真如故不住生死亦令他入故不住涅槃

今經三句即不住生死

或有處處見佛坐充滿十方諸世界或有其

心不清淨無量劫中不見佛

或有信解離憍慢發意即得見如來或有諂

誑不淨心億劫尋求莫值遇

或一切處聞佛音其音美妙令心悅或有百

千萬億劫心不淨故不聞者

三有三偈即無功用佛事不休息功德謂

住佛無住處作佛事不休息故云或見等

三有二偈下約經即住於佛住疏中先依

無著立功德名後謂住佛下即無性釋無

性生起云為欲得上無住涅槃故次明之

即是思德謂佛雖遍聖天梵住而空大悲

偏善安住由住空故不住生死由住悲故

不住涅槃一切時中觀所調伏故隨物欲

或見四有十五偈即於法身中所依意樂

作事無差別功德謂由諸佛所依智同益

生意樂同報化作用同故前經云得佛平

等亦同攝論四種意趣中平等意趣故此

廣列諸佛皆互相徧此釋已妙四有十五

即得佛平等疏中分四一依無著立功德

名二謂由諸佛下即彼論釋諸佛有三事

指經即離世間品初也以彼具足二十一

種功德名故四亦同下引他論會釋結云

此釋已妙者古來對德不知此即二十一

德亦不知此是佛平等但云如來隨機隱

顯忽列諸佛莫知其由今云顯佛平等故

廣列諸佛皆相今更以文理證此諸佛皆

遍耳豈非妙耶

遮那之身今更下即就佛平等中顯實謂

此文言此三千界阿闍在中阿闍本在東

方今云在此明不異此又無量壽佛月覺

如來皆徧十方豈容隔此又皆言或見則

知一佛隨見不同謂此文言下二引此經

一東方之佛云在此者明阿闍即是本師
二阿彌陀充滿十方亦合通此同於本方
即釋迦矣三通取或見明是本師
或有見為阿闍彌陀諸佛異耳
讚餘佛直言阿闍在此何成讚德若言別
教中恐外救云今明阿闍彌陀通等自是
別讚彌陀阿闍何得引是本師佛耶故今
遮云若如此者普賢本讚本師釋迦如來
今云東西諸佛遍此何成讚我本師耶

況華藏刹海皆遮那化境無量壽等未出

刹種之中豈非是此佛耶華藏下四引前

法要當中刹海種內第十三層而有十三

佛刹應數世界圍繞無量壽佛國但言從

此西方過十萬億佛土尚未能滿一合之

塵況於一刹塵數况十三佛刹塵數其十

三箇內皆是化境况華藏世界刹塵有十

不可說佛刹微塵數世界種一刹塵中有十

不可說佛刹微塵數世界皆是本師之所

嚴淨其中皆是遮那如來分身化往安養

近在十重之內何得非是本師

師釋迦故云豈非是本師耶

說十方分身法華下五引他經成立中二
皆是釋迦分身之佛何得
彌陀阿闍佛等近而非耶
故知法藏別緣
十六王子皆方便說
引難為決他經一引

清淨平等覺經說法藏比丘然大寶積第
 十七無量壽如來會說名佛法處比丘專
 者關嶽山說阿難起問白佛言大德世專
 已身諸根悉皆清淨或光赫奕如初融金聚
 又如明鏡照光經從昔已來初未曾見
 志得瞻仰生希有心世尊今者入大寂定
 行如來行皆悉圓滿善能建立大丈夫行
 思惟現在去來諸佛世尊何故往斯念也
 佛讚聖知便為說往昔過無邊阿僧祇無
 數大劫有佛出現號曰然燈此阿僧祇復
 舉諸佛最後乃云世主佛前無邊數劫有
 佛出世號世間自在王彼佛法中有一比
 丘名曰法處有殊勝願詣如來所以得讚
 佛既讚佛已佛為說二十億清淨佛土
 具足莊嚴彼比丘悉皆攝受攝已滿足五
 劫思惟修習便向彼佛發功德乃至成願
 已後更經多劫修行成就功德乃至成願
 後阿難問比法處比丘成就佛為過去耶未
 來耶為今現在佛名曰極樂西方去此十萬
 億佛刹彼有世界名曰極樂西方去此十萬
 彼成佛號無量壽今現在說法然後廣說
 其土莊嚴釋曰既如來說法然後廣說
 得列為即本師耶二引法華經十六王子
 即第三大通智勝佛云彼佛弟子十六沙
 彌今皆得阿耨多羅三藐三菩提於十方
 國土現在說法有無量百千萬億菩薩聲
 聞以為眷屬其二沙彌東方作佛一名阿
 閻在蘇喜國二名須彌頂東南方二佛一
 名師子音二名常滅西南方二佛一名帝
 空住二名常滅西南方二佛一名帝相二

名梵相西方二佛一名阿彌陀二名摩訶
 切世間苦惱西方二佛一名多摩羅跋
 在二名雲自在王東方佛名壞一切世
 間怖畏第十六我釋迦牟尼佛於安
 土成阿耨多羅三藐三菩提釋曰既第一
 佛名曰阿閻第九王子即為彌陀十六釋
 迦本因既殊得佛又引云何渾亂言皆本
 師故疏釋云皆是方便復更問言豈法華
 經判為方便今當還引法華答之法華壽
 量品云於是中間我說然燈佛等又復言
 其入於涅槃如是皆以方便分別則等言
 已等十六王子復應問言然燈去今方一
 僧祇可為方便自在王佛大通智勝已經
 無量無邊不可思議阿僧祇劫豈為方便
 故應答言云然燈雖已久矣比之壽量劫
 數不多謂說大通磨三千大千地種以
 為其墨過於東方千國土即下地種以
 校量彼佛滅度但過是數無量無邊百千
 阿僧祇劫豈同壽量說成佛遠經云譬如
 五百萬億那由他阿僧祇過於東方五百
 億那由他阿僧祇世界若著微塵及不著
 盡是以微塵是諸世界若著微塵及不著
 此百千萬億那由他阿僧祇劫釋曰以此
 之喻方之大通三千墨點非可類矣自此
 劫未皆是方便故然燈詩言無不諫也
 以昔人云十六王子尚掩成道之初斯言
 愜當則知彌陀阿閻佛等皆是本師成佛

後事義無惑矣自在王佛展轉多以理推
初但以數明劫豈如林塵為劫耶

之皆是如來海印所現何緣不說自所現

佛而說他耶故知賢首佛等皆本師矣
推下第七結成正義十方諸佛皆我本師
海印頓現且法華分身有多淨土如來何
不指已淨土而今別徃彌陀妙喜思之故
知賢首彌陀等佛皆本師矣復何怪哉言

賢首者即壽量品中過百萬阿僧祇利最
後勝蓮華世界之如來也經中偈云或見
蓮華勝妙利賢首如來往其中若此不是
歎本師者說他如來在他國土為何用也
且如總持教中亦說三十七尊皆是遮那
一佛所現謂毘盧遮那如來內心證自受
用成於五智從四智流四方如來謂大圓
鏡智流出東方阿閼如來平等性智流出
南方寶生如來妙觀察智流出西方無量
壽如來成所作智流出北方不空成就如

來法界清淨智即自當毘盧遮那如來言
三十七者五方如來各有四大菩薩在於
左右復成二十謂中方毘盧遮那如來四
大菩薩者一金剛波羅蜜菩薩二寶波羅
蜜菩薩三法波羅蜜菩薩四羯磨波羅蜜
菩薩東方阿閼如來四菩薩者一金剛薩
埵菩薩二金剛王菩薩三金剛愛菩薩四
金剛善哉菩薩南方寶生如來四菩薩者
一金剛寶二金剛威光三金剛幢四金剛
笑西方無量壽如來亦名觀自在王如來

九
十一

四菩薩者一金剛法二金剛利三金剛因
四金剛語北方不空成就如來四菩薩者
一金剛業二金剛法三金剛藥又四金剛
奉已上總有二十五也及四攝八供養故
三十七言四攝者即鈎索鑽鈴八供養者
即香華燈塗戲鬘歌舞並上有金剛下有
菩薩然此三十七尊各有種子皆是本師
智用流出與今經中海印頓現大意同也
問若依此義豈不違於平等意趣乎等意
趣云言即我者依於平等意趣而說非即

我身如何皆說為本師耶答平等之言乃
是一義唯識尚說一切眾生中有屬多佛
多佛共化以為一佛若屬一佛一佛能示
現以為多身十方如來一一皆爾今正一
佛能為多身依此 然此段文亦兼顯第十
而讚方讚本師 七隨其勝解示現差別佛土功德 然此段
辨其兼合此含第十七德故至下文說相
則少所以此中兼此德者有二意故一為
類例義相似故不欲繁文故現妙喜極樂
等土二者以第十七成於此段全是今師
由差別土皆是本師一併現故
不見此意豈知經旨勿輕爾也

大方廣佛華嚴經疏鈔會本第八十一之二

音釋

阿閼 梵語也此云無
動闍切六切

大方廣佛華嚴經疏鈔會本第六十三 牧十

唐于闐國三藏沙門實叉難陀 譯

唐清涼山大華嚴寺沙門澄觀撰述

或見清淨大菩薩充滿三千大千界皆已具足普賢行如來於中儼然坐

牧十

或見此界妙無比佛無量劫所嚴淨毗盧遮那最勝尊於中覺悟成菩提

或見蓮華勝妙刹賢首如來住在中無量菩薩衆圍繞皆悉勤修普賢行

或有見佛無量壽觀自在等所圍繞悉已住於灌頂地充滿十方諸世界

或有見此三千界種種莊嚴如妙喜阿閼如來住在中及如香象諸菩薩

或見月覺大名稱與金剛幢菩薩等住如圓鏡妙莊嚴普徧十方清淨刹

或見日藏世所尊住善光明清淨土及與灌頂諸菩薩充徧十方而說法

或見金剛大燄佛而與智幢菩薩俱周行一切廣大刹說法除滅衆生翳

一一毛端不可說諸佛具相三十二菩薩眷屬共圍繞種種說法度衆生

或有觀見一毛孔具足莊嚴廣大刹無量如來悉在中清淨佛子皆充滿

或有見一微塵內具有恒沙佛國土無量菩薩悉充滿不可說劫修諸行

或有見一毛端處無量塵沙諸刹海種種業起各差別毗盧遮那轉法輪

或見世界不清淨或見清淨寶所成如來住壽無量時乃至涅槃諸所現

普徧十方諸世界種種示現不思議隨諸衆

生心智業靡不化度令清淨

如是無上大導師充滿十方諸國土示現種

種神通力我說少分汝當聽

文中三初八主伴嚴土攝生同次四微細

含容轉法同後三總攝多門結前生後中文

有三前二云同者順功德中平等德故

或見釋迦成佛道已經不可思議劫或見今

始為菩薩十方利益諸衆生

或有見此釋師子供養諸佛修行道或見人

中最勝尊現種種力神通事

或見布施或持戒或忍或進或諸禪般若方

便願力智隨衆生心皆示現

五或見釋迦下三偈即修一切障對治功

德謂一切時常修覺慧治六蔽等故既云

已經多劫則不定始成五或見下約經即到無障礙處疏中

先引無著立功德名後謂一切時下謂釋
論意以會經文彼論具云謂已慣習一切
煩惱及所知障對治聖道即一切智及定
慧性以為能治故無著論詔為修治又已
刊於永離一切障處故經名為到無障處
經中別說但明十度而偈總云供養諸佛
修行道則無所不具疏有等言既云已經
者即此段初半偈經云或見釋迦成佛道
已經不可思議劫所以疏中勝此言者遮
天台師之謬釋也謂彼學者多云華嚴雖

則玄妙而有二事不如法華一兼別義是
故不說聲聞作佛二說如來始成止覺不
說本師壽量久成故疏中指此經文即是
此經說久成處若以此後不得該前則法
華壽量不能該於我始坐道場於三七日
思確等迹然彼師以久成為本始成為迹
今經之本則非古非今若就迹門則能今
能久生公亦云是以極設長壽言如耶是
一若伽耶是者非復伽耶耶既非彼長
安獨是乎長短斯非則所以長短存焉誠
為妙悟不說聲聞得作佛者約不共義既
不厭捨曾何素之況一成一一切成無一衆
生不具佛智善須
得意勿雜釋經

或見究竟波羅密或見安住於諸地總持三

昧神通智如是悉現無不盡

或現修行無量劫住於菩薩堪忍位或現住

於不退地或現法水灌其頂

或現梵釋護世身或現刹利婆羅門種種色

相所莊嚴猶如幻師現眾像

六有三偈即降伏一切外道功德於中初

二即教證二道後一現所摧同類之身六有

三偈下即經不可轉法疏中先引論立名後於中下便以論意釋經彼論且云由有上德故他不能轉利有情事故次明之謂教證二法皆不為他所轉動故無有餘法勝過此故言初二即教證二道者二偈之中各舍教證初句證道次諸地句舍於教證次半偈唯教後偈之中堪忍不退皆是證道餘即教道

或現兜率始降神或見宮中受嬪御或見棄

捨諸榮樂出家離俗行學道

或見始生或見滅或見出家學異行或見坐

於菩提樹降伏魔軍成正覺

或有見佛始涅槃或見起塔徧世間或見塔

中立佛像以知時故如是現

或見如來無量壽與諸菩薩授尊記而成無

上大導師次補住於安樂刹

或見無量億千劫作佛事已入涅槃或見今

始成菩提或見正修諸妙行

或見如來清淨月在於梵世及魔宮自在天

宮化樂宮示現種種諸神變

或見在於兜率宮無量諸天共圍繞為彼說

法令歡喜悉共發心供養佛

或見住在夜摩天忉利護世龍神處如是一

切諸宮殿莫不於中現其像

於彼然燈世尊所散華布髮為供養從是了

知深妙法恒以此道化羣生

或有見佛久涅槃或見初始成菩提或見住

於無量劫或見須臾即滅度

身相光明與壽命智慧菩提及涅槃眾會所

化威儀聲如是一一皆無數

或現其身極廣大譬如須彌大寶山或見加

跌不動搖充滿無邊諸世界

或見圓光一尋量或見千萬億由旬或見照

於無量土或見充滿一切刹

或見佛壽八十年或壽百千萬億歲或住不

可思議劫如是展轉倍過此

佛智通達淨無礙一念普知三世法皆從心

識因緣起生滅無常無自性

於一刹中成正覺一切刹處悉亦成一切入

一一亦爾隨衆生心皆示現

七或現兜率下十六偈即生在世間不爲

世法所礙功德於中初五八相現世無礙

次三處天宮殿無礙次六隨世巧化無礙

後二結無礙智之能徧隨機

七或現下的經即所行無

礙疏中先出功德名於中下後科文解釋
彼論具云顯示如來於所化中無高下礙
故次明之謂世法八風不能拘礙故八風
即利衰毀譽稱讚苦樂降神處宮即是利
也棄榮離俗即是衰也若生若滅有苦樂
也學異行者兼於苦樂多明苦也坐道樹
下降魔駁也正覺譽也涅槃起塔亦爲衰
也次三處天多明四順次六巧化義兼逆
順

如來住於無上道成就十力四無畏具足智

慧無所礙轉於十二行法輪

了知苦集及滅道分別十二因緣法法義樂

說辭無礙以是四辯廣開演

諸法無我無有相業性不起亦無失一切遠

離如虛空佛以方便而分別

如來如是轉法輪普震十方諸國土宮殿山

河悉搖動不使衆生有驚怖

如來普演廣大音隨其根欲皆令解悉使發

心除感垢而佛未始生心念

或聞施戒忍精進禪定般若方便智或聞慈
悲及喜捨種種言辭各差別
或聞四念四正勤神足根力及覺道諸念神
通止觀等無量方便諸法門
龍神八部人非人梵釋護世諸天眾佛以一

音為說法隨其品類皆令解

若有貪欲瞋恚癡念覆慳嫉及憍諂八萬四
千煩惱異皆令聞說彼治法

若未具修白淨法令其聞說十戒行已能布
施調伏人令聞寂滅涅槃音

若人志劣無慈愍厭惡生死自求離令其聞
說三脫門使得出苦涅槃樂

若有自性少諸欲厭背二有求寂靜令其聞
說諸緣起依獨覺乘而出離

若有清淨廣大心具足施戒諸功德親近如

來具慈愍令其聞說大乘音

卷十

六

或有國土聞一乘或二或三或四五如是乃
至無有量悉是如來方便力

涅槃寂靜未曾異智行勝劣有差別譬如虛
空體性一鳥飛遠近各不同

佛體音聲亦如是普徧一切虛空界隨諸眾
生心智殊所聞所見各差別

佛以過去修諸行能隨所樂演妙音無心計
念此與彼我為誰說誰不說

如來面門放大光具足八萬四千數所說法
門亦如是普照世界除煩惱

卷十

六

八如來住下有十八偈明安立正法功德

於中初四偈立三乘法輪兼顯業用次三
明立六度道品對治法次七明一音隨類
聞法不同乃至無量後四明平等語業而

應一切八如來住下即經立不思議疏中

依前方便能作利益之事故次明之謂十

二分教名所安立由深廣故不可思議釋

具足清淨功德智而常隨順三世間譬如虛

空無染著為衆生故而出現

示有生老病死苦亦示住壽處於世雖順世

間如是現體性清淨同虛空

一切國土無有邊衆生根欲亦無量如來智

眼皆明見隨所應化示佛道

九具足下三偈明授記功德謂記別過未

如現在故云悉明見九具足下即經普見

名次謂記別下是指論解論云以上如行

利有情事三世諸佛悉皆平等故次明之

謂於三世平等性中能隨解了過去未來

曾當轉事皆如現在而授記故後從教云

皆悉明見矣

是舉經帖

究竟虛空十方界所有人天大衆中隨其形

相各不同佛現其身亦如是

若在沙門大衆會剃除鬚髮服袈裟執持衣

鉢護諸根令其歡喜息煩惱

若時親近婆羅門即為示現羸瘦身執杖持

瓶恒潔淨具足智慧巧談說

吐故納新自充飽吸風飲露無異食若坐若

立不動搖現斯苦行權異道

十有四偈明示現受用變化身功德十有

者約經即身恒充滿一切世間疏中但出

功德之名耳無性詔云顯上利益一切頓

遍非次第作故次明之經中

多分說變化身畧無受用

或持彼戒為世師善達醫方等諸論書數天

文地衆相及身体咎無不了

深入諸禪及解脫三昧神通智慧行言談諷

詠共嬉戲方便皆令住佛道

十一或持下二偈明斷一切疑功德謂於

一切境善決定故能斷他疑

十一等者明經即習恒明

達一切諸法無性釋云以於上十方彼彼之處作斷疑事故次明之疏中先出功德名後於一切下論釋於一切境善決定下欲斷他疑要須自斷方能斷他經中既為世師內外兼了故能斷疑

或現上服以嚴身首戴華冠蔭高蓋四兵前

後十

後共圍繞警眾宣威伏小土

或為聽訟斷獄官善解世間諸法務所有與

奪皆明審令其一切悉欣伏

或作大臣專弼輔善用諸王治政法十方利

益皆周徧一切眾生莫了知

或為粟散諸小王或作飛行轉輪帝令諸王

子采女眾悉皆受化無能測

或作護世四天王統領諸龍夜叉等為其眾

會而說法一切皆令大欣慶

或為忉利大天王住善法堂歡喜園首戴華

冠說妙法諸天觀仰莫能測

或住夜摩兜率天化樂自在魔王所居處摩

尼寶宮殿說真實行令調伏

或至梵天眾會中說四無量諸禪道普令歡

喜便捨去而莫知其往來相

或至阿迦尼吒天為說覺分諸寶華及餘無

量聖功德然後捨去無知者

十二有九偈令入種種行功德謂徧了

切有情性行隨根令入故

十二等者約經先出功德名後謂徧了論釋無性生起云由所化生有差別故次明之離世間品

但名了一切行若深密等云於一切行成就大覺無性云入種種行法皆成大覺故經文中隨其心行現種種形種種法乃至為說覺分諸寶華諸聖功德即是皆成大覺

義也

如來無礙智所見其中一切諸眾生悉以無

邊方便門種種教化令成就

十三如來無礙智一偈即當來生妙智功德謂佛知久遠故十三如來下約經盡一斷他疑疏中先出功德名後謂佛智下解釋彼論具云由即於前所化有能善巧別知故謂聖聲聞言此人全無少分善根如來知彼善法當發現證過去微少善根種子所隨故故經文中無礙智見一切衆生以無邊門皆令成熟

譬如幻師善幻術現作種種諸幻事佛化衆生亦如是爲其示現種種身

譬如淨月在虛空令世衆生見增減一切河

池現影像所有星宿奪光色

如來智月出世間亦以方便示增減菩薩心

水現其影聲聞星宿無光色

譬如大海寶充滿清淨無濁無有量四洲所

有諸衆生一切於中現其像

佛身功德海亦爾無垢無濁無邊際乃至法

界諸衆生靡不於中現其影

十四有五偈隨其勝解示現功德謂隨解現身故十四下即經無能測身疏中先立功德名後謂隨解現身故即論釋也若解深密云凡所現身不可分別不可分別即無能測無性生起云由上云善巧別知故此云於前所化邪正及俱行中無有分別故今經中情與非情萬類皆現乃至云佛身功德海亦爾無垢無濁無邊際等

譬如淨日放千光不動本處照十方佛日光

明亦如是無去無來除世間

譬如龍王降大雨不從身出及心出而能霑

洽悉周徧除炎熱使清涼

如來法雨亦復然不從於佛身心出而能開

悟一切衆普使滅除三毒火

十五有三偈即無量所依調伏有情加行

功德意云佛智爲無量菩薩調伏衆生加

行之所依故十五下即一切菩薩等所求智疏中先出功德名後意云

下以論意釋具足論云爲欲引發不定種性聲聞菩薩唯讚大乘故次明之言等所

求者無不

如來清淨妙法身一切三界無倫匹以出世

間言語道其性非有非無故

雖無所依無不住雖無不至而不去如空中

畫夢所見當於佛體如是觀

故十

十六如來清淨下二偈明平等法身波羅

蜜多成滿功德然同攝論法身具五種相

初句白法為相以是極果圓滿自在故次

二句不思議相次一是無二相次一無依

相次句常住相次句二喻者空畫喻無依

夢喻非有無二相餘不可喻或略不喻

六

如來下約經即到佛無二究竟彼岸疏中
先依論立名後釋經法身相今初無性釋
云為遮所化於大師發一切智非一切智
故次明之由滿諸度是一切智論云平等
釋經無二平等有二一身平等於法身滿
中諸度故二果位諸度無增減故名為平
等親光則以住於法身即是彼岸無著則
以彼岸是於法身所有二義俱通然同下

故十

六

三界有無一切法不能與佛為譬喻譬如山

二釋法身相即第九論彼相分中論云諸
佛法身以何為相應知法身畧有五相一
轉依為相謂轉滅一切障離染分依他起
性故轉得解脫一切障於法自在轉為現
前淨分依他起性故經云雖無所依滅
染依故也無不住得淨分也二白法所成
為相謂六波羅蜜圓滿得十自在故疏
示圓滿自在三無二為相謂有無無二為
相由一切無所有故空所顯相是實有故
有即為二為相業煩惱盡非所為故自在
示現有為相故異一性無二為相由一切
佛所無差別故無量相續現等覺故依經
云其性非有非無故正是初意四常住為
相謂真如清淨相故本願所引故所應作
事無竟期故此有三身常義故經雖無不
至即應化普周受用廣過二身常義不
去者自性身常不去即不變常無不至即
相續不斷常與三不取捨相謂真如清淨
自內證故無有世間喻能喻故非諸尋思
所行處故故經云一切三界無倫匹即無
喻能喻以出世間言語道故非尋思所行
而五相相融為法身體疏但畧配故鈔委
出或畧不喻者以素文釋空中之畫若準
新經乃有三喻謂如空白日亦如夢則空
可喻二謂無所依及常住相如白日喻
白法為相如夢一喻喻無二相欲言其有
覺竟無實欲言其無夢境歷然故非
有無為無二相其不思議後偶顯之

林鳥獸等無有依空而住者

十七有一偈明隨勝解示現差別佛土功

德既隨解而現故不可喻此偈亦總拂前

喻如山等必不依空有等必不能喻佛

下約經即具足如來平等解脫疏中先立
名後既隨解而現下釋經論云以外人聞

上平等謂同一性故次說言不相問雜謂

一切如來十身體用各各別故猶如冥室

千光結此一段差別佛土上第四門已兼

明竟故此但舉顯不思議故不可為喻

大海摩尼無量色佛身差別亦復然如來非

色非非色隨應而現無所住

十八一偈明三種佛身方處無分限功德

十八下即經證無中邊佛平等地疏中但

出功德名耳無性云由疑上如來妙智究

竟非一非異其相云何故次明此無中處

等常無常等皆二邊相論或名中言方處

者謂諸世界無分限者釋無中邊無中邊

言畧有四義一虛空無中邊佛德如彼無

有分限二世界無中邊諸佛十身即於其

中稱世界壹平等遍滿三此法身等於佛

地中平等遍滿無中邊無有分限四此

法身等遍一切處為諸衆生現作饒益然

故十

十二

非自性無中邊故經中明身如摩尼具無
量色即第二充遍一切然非色非非色爲
無中邊即第三四義其隨現無住亦第三
義及第一義無分限故親光詔此爲真如
相殊勝功德義亦全同
以其雙非復無住故

虛空真如及實際涅槃法性寂滅等唯有如

是真實法可以顯示於如來

十九一偈攝三種功德同法性等即窮生

死際常現利樂一切有情功德等虛空即

無盡功德等實際等即究竟功德以如實

際之際窮未來際故

際際配三德名疏文具之即以實際配於

經中窮未來際然第十九功德無性云以

上言無中邊相云何無相故次明之極於

法界謂此法界最清淨故離諸戲論是法

界最清淨相能起等流利益之事極此法

界無有盡期第二十等虛空界無盡功德

無盡云謂上作利樂皆無盡故此約自利

盡如來一切真實功德亦復如是其窮未

來際云究竟功德者論云如未來際無有

盡期如來利他功德亦復如是究竟無盡

然上二句無著但云無盡功德等不言滿

合無性開二故但第
二十初有一主起

利塵心念可數知大海中水可飲盡虛空可

量風可繫無能盡說佛功德

若有聞斯功德海而生歡喜信解心如所稱

揚悉當獲慎勿於此懷疑念

第十

十三

後二偈結德無盡亦是別顯無盡功德雖

是總結即當別文於中前偈結德後偈勸

信古德亦有將此二偈為一部流通已如

前說上來且欲將後二偈以為總結故配
三德理實後二正是等虛空界窮來
末際無盡功德故說云

亦是別顯無盡功德

全疏大科為四中第三開章釋文一大科

自立談第二卷第十三葉將釋經義四字

起至此方竟言四大科者一總序名意終
於立談第一卷二歸敬請加

終於立談第二卷十二葉三開章釋文
談括七十六本半後一科即謙讓迴向

法性深廣難思議我已隨分略開解願斯

功德同實際普令含識證菩提此一偈亦
疏例同立

法性深廣下即大文第四謙讚迴向上半
謙讚上句讀下句謙下半迴向三處初句
迴向實際後二迴向衆生及迴向菩提然
迴向菩提復有二意一自成菩提二令他
成令他成者義同迴向衆生菩提發心不
期自為即以向他為自益耳故令含識同
證菩提賢首法師發願得云誓願三願修
習此圓融無礙普賢法乃至失命終不離
盡未來際願相應以此善根等法性音詞
無盡衆生界一念多劫修善行盡成無上
佛菩提也
附詳疏說

大方廣佛華嚴經疏鈔會本第八十三之三

音釋

須臾史羊朱切須
史不又說吸許及切
呼吸也獨薄各切
獨也嬪

也又服也